



ZIRTÏRTU KAIHHRUAINA HMAN DÂN TÛR

Dapchhuak a, Tichhín a, Nùna Bél Tûra Chawhphûr

Hê Puitling Zirlai Kaihhruaina hetiang a kalpuina hian—**dapchhuak a, ti chhín a, nùna bél** tûra member-te a chawhphûr ngei kan beisei. Zirtirtu puala kêr tin zirlai buatsaih hian kêr tluana zui tûr, Inzirtirna Kalphúng Pângngai kha a zui tho, chùngte chu:

1. Engati nge hê zirlai hi ka tân a pawimawh? (Chawhphûrna);
2. Enge Pathian Thû aţanga ka hriat tûl chu? (Dapchhuah);
3. Engtín nge Pathian Thû aţanga ka zir chhuah chu ka tihchhín theih ang? (Tihchhín);
4. Ka thíl zir chhuah chu engtín nge ka tih ang? (Nùna Bél).

Zirtirtu hmánhlèl deuh, kêr tluana lo inpuahchah ţa hmán lote tân pawh áwlsam taka zirtir theihna tûrin ‘Zirlai Kaihtâwi’ tih hi a thúpui fûn kim takin a awm tho bawk.

Inzirtirna Kalphúng Pângngai chîk zâwka bihna leh, zirtirtuten an tihdân tûr hmángte pawh târlan nghâl a ni:

Rahbí 1-na—Chawhphûr: Zirlaiin member-te nùna awmzia a neih zâwk theih nân zirlai thú tùm bulpui leh an thil paltlang tawhte dawhzáwm ni se. ‘Engati nge hê zirlai hi ka tân a pawimawh?’ tih zawhna chhâng fel thei tûrin ãnpui ang che.

Rahbí 2-na—Dapchhuah: Zirlaiten zirlai thú tùm bulpui an manthiam theih nân Bible ațanga thíl hriattîr äwmte hrihl la (Chûng zîngah chuan zirlaia târlan chhûnga a mihring te, an dinhmun te, an hnam nùnphúng te, a ram hmêlmáng awmdân te, chuta thílthleng, inghírngona ang chîte leh thíl dang pawh a tel thei ang). ‘Pathian Thú Ațang Hian Enge Ka Hriat Tûl?’ tih chhâng thei tûrin ãnpui ang che.

Rahbí 3-na—Tihchhín: Rahbí 2-naa bengvârna thú an hriatte chu tichhín tûra remchânna an neihte hmáng țangakai tûrin fuih la. Hei hi thíl pawimawh tak a ni, bengvârna thú ngáwt hi Kristaa țhanlenna min neihtîr tûrin a tâwk lo. Zirlaite chuan ‘Ka Thíl Zir Tâkte Khá Engtîn Nge Ka Nùnah Ka Bêl Ang?’ an tih theihna tûra ãnpui tûr an ni.

Rahbí 4-na—Nùna Bêl: A tâwp berah chuan zirlaite chu “Thuhretu mai ni lova, titûte ni zâwk” (*Jakoba 1:22*) tûrin fuih la. An thil zirte chu mahnî nuna bel tûrin sâwm ang che. Hetiang rahbi zuina hian mimal leh a huho pawhin thil dapchhuak leh mahnî ngaihdân târlan theihna tûra remchânna a siamsak thîn a ni. Chutiang thil zawng zawng chuan zirlaite chu, “Pathian ãnpuina zârah, tûnkâr zirlai ațanga ka thil zir tâkte hi engtin nge ka tih ang?” tih ngaihtuahna a neihtîr ang.

Zirtîrtûten hêng rahbi palí chhûnga mîte hmanruaa hmangin, an pâwl member-te chu: An nuna thilthleng sawi chhuah nuam tihna nei a, zirlai chhûnga Bible thûte hruat chian lehzual duhna neiin, nî tin nun nêna inrem a, ataka nunpui tûrin a chawkphûr dâwn a ni.

Châng Thlan: *Luka 5:1–11.*

Zirlaite Tân:

Hriat Tûr: A rawngbâwlna hlen tûra mahnî tlinlohna pawm chung a Isuâ chakna rinchhan zêl.

Vei Tûr: Mahni tlinlohna hre chung a Amah nêna inlaichînna thûk neihpui a, A hnâ thawk tûra Isuâ koh nih hamthatna chung a lâwmna ataka nunpui zêl.

Tih Tûr: Isuan a hmei a pâ te, naupang leh thalaite mantu ni tûra min kohna chhâng a, Amah zui tûra engkim kalsan huâmtu nih.

Thupui Then:

I. Hriat Tûr: Isuan ‘Thlarau Manna’ hnâa Amah thawhpuitu ni tûrin min ko

- A. Engin nge Isua thawhpuitu mi tlingah min siam thîn le?
- B. Chanchin Th̄a lêna thlarau man a nih theihna tûra chakna hi khawi aṅanga lo chhuak nge? Engtin nge chû chakna Hnâr nêna chuan kan inzawm thîn?

II. Vei Tûr: Tling lo, misual ni chung a lâwmthiam leh thuâwih nih

- A. Isua nêna inlaichînna thûk nei tûr hian engtiang kawngtein nge mi sual, tling lo kan nih kan inhriat thîn?
- B. Kristâ thawhpuitûte ni tûra koh nih hamthatna chungah hian engtin nge kan lâwmna kan târlan theih ang?

III. Tih Tûr: A kohna chhângin

- A. Engati nge Kristâ kohna kan bengkhawn lai hian, keini lam ni lo, Amâ tlinna zâwk chu A rawngbâwl hlawhtlinna min neihṭirtu tûr a ni tih kan pawm a pawimawh?
- B. Engati nge Isuâ hniakhnung zui a, thlarau manna hnâ hlen tûr hian engkim kalsan tûr kan nih?

KHÂIKHÂWMNA: Petera khân Kristâ bula mi sual a nihna dinhmun dik tak a inhriat chinah a nunah danglamna nasa tak a lo thleng a. Thinlung taka Isuâ thupêk âwihin, A rawngbâwlna hlen tûra mahnî thiamna neih rinchhan lo vin, Kristâ thiltihtheihna chu a rinchhan ta zâwk a. Chutiang chuan Kristâ tlinna chiah rinchhan zêl tûr a ni zâwk tih zirlai chu a zir chhuak ta a ni.

INZIRTÎR DÂN TÛR

RAHBI 1-NA—CHAWKPHÛR RAWH

Bible Châng Thlûr Bing Tûr: *Matthaia 14:25–33.*

Thlarau nun ðanna atâna thu pawimawh: Mahni chakna mai rinchhanna chuan hmun hlauhawm leh beidawwna lamah a hruai ðîn. Tûm khat chu Peteran a beiseina awm chhun chu Krista chiah a ni tih hriain, A ðanpuina a dîl a, tichuan tui fâwn laka nun derthâwnna chu hneh a ni ta a ni. Isuan khami nâa Petera hnêna, “Engati nge i rinhleleh?” (*Matt. 14:31, NKJV*) tia A zâwt ang khân keini pawh min la zâwt vê reng a ni. Zirtîrten A hnêna, “Pathian Fapa chu i lo nih takzet hi,” (*Matt. 14:33, NKJV*) tia chibai an bûk ang khân kan chhân vê a ngai a ni.

Kristan Petera hnêna zirlai zirtîr A tum chu, mahni tling intihna avângin Petera khân zir chhuah harsa a ti vê hlê tih chu a nuntawng dang a tangte pawhin a lang thei a. Isua a phatsan hnûa inngaitlâwm leh kehsawm nun neih hnû a tang chiah khân a lo piangthar Chiang ta a ni. Chuta chinah chuan Kristâ tlinna chiah rinchhanin, A hnâ hlen tûrin Kristâ kuta hmanruâah a lo tang thei ta a ni.

ZIRTÎRTÛTE PUÂL: Hê zirlaiin min zirtîr a tum chu member-ten mahnî tlinna rinchhan lo va, Kristâ tlinna rinchhan dân an zir zâwk theih nân a ni.

Hawn Nâna Tih tûr leh Sawi Ho Tûr: In pâwlte chu *Matthaia 14: 25-33* chhiar rual tûrin sâwm la. A hmâ chiah thil thlengte (*Matt. 14:13–24*) leh chuta thil thlengte a tang Peteran a chhawm nun zêl tûr chu enge ni ang sawi ho ula. In pâwlte chu anmahni nuna thil thleng, mahni-inrintâwkna neihtîrtu ngaihtuah zui tûrin sâwm la. Mahni nuna Kristâ hruaina leh thiltihtheihna hnuaia an intukluh hmâ thil awm dânte pawh ngaihtuah tûrin sâwm bawk ang che. Petera nuna thil thleng zui ta behchhanin, chuta tang chuan eng zirlai nge zir chhuah ni ta? Engtin nge keimahnî nunah Kristâ chakna leh tlinna rinchhan dân awmzenei zâwka kan zir chhuah ðin? A tûm khatna lamah khân zirlai min zirtîr A tum kan zir chhuah loh vânga Isuan min hlamchhiah mai lo hi enge a chhan ni ang?

RAHBI 1-NA—ZAWNG CHHUAU RAWH

ZIRTÏRTÛTE PUÂL: *Luka 5:1–11* chhôngah hian zirlaite hnêna sawi uâr ngai a tam mai: Isuan A kohte chu A thuâm zui ðhîn a, thiltihtheihna chu Amâ hnêna mî a ni. A kohte kha sangha man thiam takte an ni a, mahse mihring man hnâ thawk ðan tûrin A ko ta thung a, chuta tân erawh chuan thuâm belh/kaihhruai ngai tak an ni. Isuan sangha man dân (chinchâng) hre tak A nihzia finfiahna a pê a. A kohte chuan mahni âiah Amah an rinchhan zâwk phawt chuan, hlawhtling taka chêt dân tûr chu A zirtîr mai dâwn a ni. Anni khân A pathianna leh anmahnî tlin lohna an pawm hmasak a ngai a. Inngaitlâwm leh thuâwih taka A hnung zui tûrin an hmanruâte leh tihdânte an kalsan a ngai a, tichuan thuâm chu bel an ni ang.

ZIR ZÂUNA

I. Rawngbâwl Tûra Kohna (*Luka 5:1–11*.)

Sangha man ðhang an ni bawk a, Petera khân tui lamah hun a hmang tam hlê a ni. Sangha man dân pawh a zeiin, mahni inrintâwkna pawh a ngah hlê. Tui chungah kêin an kal ngai lo tih pawh a hre bawk. Isuan Petera hriatna leh tling intihna zawng zawng chu a tikhkaikhupsak a ni ta ber mai. Sangha man tam tûr chuan khawvêl awmphung hriat pawh a ngai. Khawvêl awmphung hretu chu Isua a ni. Petera-ten zankhuua lên dênga an hlawhchham tawh hnûin, Isuan Petera lên chu sangha tam tham zet maiin a tikhahsak a. (Chutah, Isuan a thiltihtheihzia lantîrin, tui chungah kêin A kal leh bawk a.) Peteran a thawhpui theih nân, Isuâ pathianna pawm a, amâ tlinlohzia inhriatna a neih a ngai a (*Luka 5:8*). Chhandamtu chuan enge A tih a, Amâ ðha tih anga A thiltihtheihna hmang thei a ni tih A inhriat avângin, Petera khân Isuâ thupêk leh thil kawhmuhte a zir zêl a ngai bawk a. Petera khân a hmanraw neih sâ leh tih ðhin dânte pawh kalsan a, LALPÂ tâna thlarau mantu nih dân a zir pawh a ngai a ni (*Luka 5:10, 11*).

Ngaihtuah Teh: Mihring tih dân ngawt hmanga kan chêt hian eng ang taka hlawhtling nge kan nih ðhin? Kristâ chakna leh tihdân

rinchhan ta ilang, eng ang taka hlawhtling nge kan nih ang, enge a chhan?

II. Kristâ Nihna Puâng Tûra Koh (*Matthaia 16:13–19.*)

Isuan A zirtîrte kha A nihna an hriat dân puâng chhuak tûra sâwmin, “Tunge A ni Mi tih?” [*Matt. 16:15*, NIV]) tiin a zâwt a. Mi dangte âia ãawng chak zâwk Petera chuan Isua kha “Krista (Messiah), Pathian nung Fapa” (*Matt. 16:16*) chu a ni tih a puâng a. Isuan chû chu Pâ hnên ațanga puânchhuahna zârah chuan Peteran a ti thei tih a sawi a (*Matt. 16:17*). Hê hriatna hi Petera finnaa chhuak ni lo vin, chutiang chunglam hriatîrna bîk dawng erawh a ni tho tih a lantîr a. Vânduai thlâk takin, Petera khân Kristâ nihna leh A rawngbâwlna tûr mahnia hriatna a neih kha rinchhanin a uânpuì a ang mah zâwk sî a ni (*Matt. 16:21–23*).

Ngaihtuah Teh: Engtin nge Krista chu Nghahfâk (Messia) chu a ni ngêi tih kan chiân theih ang? Engtin nge Amah hriatna leh kan nuna thil min tihsak theihte bulfûk deuh zâwka hriatna kan neih theih ang?

III. Inngaitlâwm Tûra Kohna (*Matthaia 16:21–23.*)

Isuan A zirtîrte hnêna A rawngbâwlna tûr chungchâng hrilhfiâh A tum khân, Peteran Isua kha zilhin, “‘LALPA, ni lo ve! . . . Hei hi i chungah a thleng ngai lo vang!’ a ti a” (*Matt. 16:22*, NIV). Mahni-inrintâwkna Peteran a neih chu Isuan na taka zilhin, Setana rilru pû ang hialin A sawi chhuak a ni. Khâ thû Isuan Petera hnêna A sawi “‘Pathian thilte ngaihtuah lo vin, mihring thilte i ngaihtuah zâwk a nih hi,’” (*Matt. 16:23*, NIV) tih kha eng a tihna chiah nge ni? Peteran Isua a zilh khân eng rilru pû nge a lo nih âwm le? Engtin nge tûn âia inngaitlâwm leh mahni-lansarh tum lo zâwk kan nih theih ang? Inngaitlâwmna pawimawhzia zirlai Peteran a zir theih nâna sâwtpuì tûr eng thû nge *1 Petera 5:5*, *6* hian a târlan?

Ngaihtuah Teh: Engtiang kawngtein nge Isua kan beisei dânte hi Amâ nihna leh rawngbâwlina tûr A inhriat dân nêh a inrem? Engtin nge inngaihtlâwmna zir lai zir tûrin kan inpeih tih kan inhriat theih ang?

IV. Rinawm Tûra Kohna (*Matthaia 26:31–35, 69–75; Luka 22:31–34.*)

Isuâ bula kum thum leh a chanvê an tâl hnûin, Peteran a zir lai zir tûr a la zir chhuak lo cheu mai. A hmasa berin, Isuan an zâ an la phatsan leh tlânchhiatsan tûr A sawilâwkna kha Peteran a pawm lo phawt a, chutiang chu a ti vê ngai dâwn lo tih a sawi a nih kha. Chutah amah ngêi chuan Isua chu a phatsan ta ngêi a, Ani chu a hre lo tiin a ƣang tlat a ni. Mahni a inhriatna âia Chiang zâwkin Isuan a hria tih Peteran a inhriat tâkah chuan, Pathian hnênah intulût hmiahin, Pathian Thlarau thunun nih a inphal vê ta a. Chutianga a intukluhna chuan piantharna thlenin, Isuâ kohhrana thlarau lam hruaitu nihna leh, Isuâ tâna rinawm tûra mi dangte fuih nâna lehkhathawn pahnih ziaktu a lo ni ta a ni.

Hatianga kohhran hruaitu leh tirhkoh nihna kum tam tak a chelh hnû pawhin, khawi maw laiahte chuan chaklohna neiin, zilh a tâwk tih Paulan Galatia 2:11–14-ah a la sawi cheu hi a ngaihnawm khawp mai. Hemi chungchâng hi Ellen G. White-in hetiang hian a lo zia k a ni: “Petera chuan a thil tih dik lo, a tlûkna ngêi chu a inhmu chhuak a, rang takin a theih ang angin a thil tih dik lo chu a siam ƣa leh ta a ni. Tirhkoh, fiaha awm chuan amahah chhuan tûr rêng a awm lo tih a inhmu chhuah theih nân, a bul aƣanga a tâwp thleng hretu Pathian chuan Petera chu hê a nungchang chak lohna lantûr hi a phalsak a. Mi ƣa ber berte pawh hi anmahni chauha hnutchhiah an nih chuan, rorêlnaah chuan an tvisual ngêi ang.”—*Tirhkohte Thiltih*, pp. 176, 177.

Sawihô Tûr Zawhnate:

① Engtin nge *Matthaia 26* leh *Luka 22*-a Petera nuntawnga thilthlengte khân a lehkhathawn pahniha a thuziakte manthiam tûra a ƣanpui?

- ② Engtiang kawngtein nge Petera paurâuna leh mahni-inrintâwkna kha kan sawi thin? Hotupâ ke bula kan zir vê theih nân, mahni-inrintâwkna kan neih tudâi tûrin kan chungah enge a lo thlen ngai ang?
- ③ Isuan Petera A ɣawngɣaisakna (*Luka 22:32*) khân a pianthar nân eng pawimawhna nge a neih? Engtin nge hê ɣawngɣaina hian a lehkhathawn pahnih hmanga a ûnate tiphûr tûra Petera chu chakna a pêk? Engtin nge Isuan min ɣawngɣaisak (*Johana 17:20*) tih hriatnain phûrna leh beiseina min siamsak thin?

RAHBI 3-NA—NUNA BEL TÛR

ZIRTÏRTÛTE PUÂL: In pâwl member-te hnênah chuan Petera nuntawng kha a tân thil bîk a ni lo tih hriattîr la. Ani kha eng dinhmun leh boruak hnuaiyah emawte kha chuan zirtîr dangte âia tlêma lo huaisen leh paurâu deuh niin, Chanchin ɤha bûahte pawh hian a langsâr deuh rêng a. Zirtîrte zînga a tûa mah khân Isuan A rawngbâwlna chungchâng a sawi (*Luka 9:44, 45*) kha an manthiam tak tak lo. Elija ang tho vin (*Jakoba 5:17*), chaklohna nei mihring, chûng chaklohnate hneh thei tûra chunglam chakna mamawhtu an ni vê ɣheuh a ni.

Ngaihtuah Teh:

- ① Eng inanna nge Petera nân khân kan neih? Chhelam leh ɣthalam atân eng theihna nge kan neih vê?
- ② Engtin nge Isuan min ɣawngɣaisak tih hriatna zârah chakna kan neih ang a, kan lo pianthar hnûah ûnate kan tihchak vê theih ang?

Tihtûr: Mahni kohhran member-te zînga Setana thlêmnain a tihbui tâwk mêk tûte chu nge ɣawngɣaisakna neih ngai ngaihtuah tûrin member-te sâwm la. Rinawm tûra infuih tlâng tûrin chawkpûr ang che.

A nih loh leh: In pâwl member-te nân zirtîr ni tûra kohna (mîte mantu), Isuan Petera te, Andria te, Jakoba leh Johana-te a kohna

Luka 5:1–11 kha sawiho ula (*Matt. 4:18–22* nêk khaikhin la).
Mi dangte chu chanchin ƣa lêna man an nih theih nân in pâwl
khân project eng emaw ruâhman nei ang che u.

RAHBI 4-NA—BORUAK SIAM RAWH

ZIRTÏRTÛTE PUÂL: Hetah hian Petera nun leh thil paltlang târlanna
remchâng kan nei a. A tlin lohnate sawisêlsak mai lo va, amah
chawkpêur zâwk tûra Isuan thil A tihsak dân kawngte kha
chhinchhiah ula. In pâwl member-te pawhin hlawhchhamna an
tawng vê fo tawh chungin, Isuan fuih pêur A duh zâwk tih entîrna
an nuntawngte sawitîr ang che.

Tihtûr: Tih theih dân a awm chuan Chart siamin, Chanchin
ƣa bûa chuâng Petera nuna hlawhtlinna leh chêt chhiatna kawng
chhuk chho lem lantîr teh u. Chutiang a rem chiah lo a nih pawhin,
in pâwl member-te chu sawitîr la. Eng ziarâng nge lo lang? Petera
piantharna nunah engang inlaichînna nge lang a, engtin nge chû
chu kan tân a hlâwkpuiawm?

* * *

ZIRLAI 2-NA

ZIRLAI KAIHTÂWI

APRIL 8, 2017

Châng Thlan: *1 Petera 1:3–9, 13–21.*

Zirlaite Tân:

Hriat Tûr: Isua Kristâ thawhlehna zârah Krista ringtûte chu
beiseina nunga piangtharte an ni tih hriat.

Vei Tûr: Chhandam hlimna ataka chan.

Tih Tûr: Rinna, beiseina, hmangaihna leh thianghlimnaa nung
tûra Pathian thuthlunpui pêng khat anga nun.

Thupui Then:

I. Hriat Tûr: Beiseina Nunga Piantharna Chu

- A. Thihna aƣanga Isua thawhlehna zâra piangthar tih hi enge
a awmzia?
- B. Thianghlim tûra koh, Pathian thuthlunpui pêng khat
nihna hian enge a kawh?

II. Vei Tûr: Ramdang mî ni ta lo, Pathian Chhûngzînga Piang Zâwk

- A. Engtin nge chhûngzînga mi emaw, khualehtui emaw ni lo va, ram dang mi nih a hrehawmna?
- B. Engtin nge kan rinnain a tinzâwn ber—kan thlarau chhandamna chan hlimawmna chu ataka kan lo chan tâk?

III. Tih Tûr: Thuthlung Changtûte Nunga Nungin

- A. Thuthlung thar rinna pawmtûte zînga mi ni tûra kohte nihna tûr engte nge Peteran a kawhhmuh?
- B. Thianghlimna leh Pathian tihna nun neia nung tûrin eng fuihna thû nge Peteran min pêk?

KHÂIKHÂWMNA: Peteran a lehkhathawn chhiartu—khawvêl hmun hrang hranga awm darhte chu—Thuthlung Hlui huna Pathian mîte nihna chhunzawm zêltu, an awmdân engkhaw ni lawi lo laka tlan chhuah leh Isuâ thawhleha zâra beiseina nung neia nung tûrin thû a râwn a. Rinna chhûngte chu Kristâ lo kal leh huna rorêlna lo la awm tûr thlîr chung a nung tûr an ni.

INZIRTÎR DÂN TÛR

RAHBI 1-NA— CHAWKPHÛR RAWH

Bible Châng Thlûr Bing Tûr: *1 Petera 1:3–5.*

Thlarau nun thanna atâna thu pawimawh: Pathian zahngaihna zârah, piantharna changin, thihna aţanga Isua Kristâ thawhleha zârah beiseina nung kan nei a. Hê beiseina hian rochan boral thei lo, chhe thei lo leh chuai thei lo chu min tiâmsak a. Rinna zâra A chaknaa humhimte tân Pathianin vânah min khêksak a, chû chu Kristâ lo kal leh hunah târlan a ni ang. Harsatna hrang hrang kârah pawh hê beiseinaah hian lâwmna ropui tak kan chang a. Chûng fiahnate avâng chuan kan nungchangte chu chher puitlin niin, Kristâ lo lan hunah Pathian hnênah fakna te, ropuina te leh chawimâwina chu hlan a ni tawh ang.

ZIRTÎRTÛTE PUÂL: *1 Petera 1:1*-a lan dânin, Petera khân Asia Minor (tûnlai Turkey ram) chhûng bial hrang hranga mîte hnêna

ziak niin a lang a, hetiang hmun hrang hranga an awm darhna chhan hi Rome rorêlna hnuaia tihduhdahna vâng a nih a rinawm. An in leh hmun te chhuhsak niin, an hriat thán leh nêl vak loh hmunahte an awm a. Chutiang hmuna mîte chuan rochan tûr beiseina thû an mamawh a. Chutiang beiseina thû chu Petera hian a hlui ta rêng a ni.

Hawn Nâna Tih-tûr leh Sawi Ho Tûr: In pâwlte chu *Sâm 64* chhiartûr la. Hê Davidâ fakna hlâa thil awm dân a târlan hi sawi ho ula. Petera khân a lehkhathawn chhiartûte chu Davidâ nun khawharnaa inchhiar tel a, Pathiana beiseina leh chhandamna dawn a châkzia hi hre tûrin a duh a ni. In pâwl member-te zînga mîte endawng leh hnar lo tâwk vê tawh a, Pathian leh A chhandamna beiseina neih châkte pawh an awm thei a, chûngte chu fuih phûr la. Chutiang ang hun tawn châng a beiseina neia hlim theih chhan tûr eng Bible thutiamte nge awm?

RAHBI 1-NA—Zawng chhuak rawh

ZIRTÏRTÛTE PUÁL: Hrilhfiaktu Karen H. Jobses chuan hemi chungchâng hi, Lalber Claudius-a rorêl lai khân Rome-in ram lân a awp zêl thû sawiin, Peteran “Ponto ram te, Galatia ram te, Kappadokia ram te, Asia ram te leh Bithunia rama mikhual darh ho” (*1 Petera 1:1*) tih nêna inhmeh takin a hrilhfiah a ni. “*1 Petera* bu pum pui hi hnawh chhuah leh ram dang mi nihna nêna inhmeh tûra fel taka rem khâwm [*1 Petera 1:1* leh *1 Petera 5:13* hi khaikhin la] a ni.”—*1 Petera*, Baker Exegetical Commentary on the New Testament (Grand Rapids: Baker Academic, 2005), p. 39.

Hê ngaihdân hi a dik a nih chuan, Peteran lehkhia a thawnte hi Rome mî nihna nei lote niin, khua leh tui dik takte chanvo pawh la chang pha lo, Asia Monor chhûnga ram lâk thar luah thar tûra tihte pawh an ni maithei e. Peteran an chungchâng sawi a, “Pa Pathian hriatlâwk anga thlan” leh “thihna aţanga Isua Kristâ thawhlehma zâra beiseina nunga piang” (*1 Petera*

1:2, 3, NIV) tih hian an dinhmun hmanga Pathian thiltum chu a kawhnmuh a ni. Khawvêlah hi chuan ram dang mî leh mi khual anga nung tûr an ni, a chhan chu an rochan tûr chu “vâna an tâna khêk . . . chhandamna hun hnuhngung lang tûr” (1 *Petera* 1:4, 5, NASB) chu a nih zâwk vâng a ni.

ZIR ZÂUNA

I. Pathian Hriatlâwknaa Thlan (1 *Petera* 1:1, 2.)

Peteran a lehkhathawn hmasa chhiartûte chu an chênna ram khua leh tui ni lo mah se, Pathian chuan A chunglam hriat lâwknaian A lo thlang diâm tawh a ni tih a hriat nawntîr leh a. Ruâhmanna bîk neiin Pathian Thlarau chuan a serh hrang tawh bawk a, chû chu thuâwihna tûr leh Isua Kristâ thisena theh nih nân a ni. A hnuhngung zâwk hian Mosia thuthlunga mipuiten thuthlung âwih tûra intiam nâna thisen theh kha a kâwkin a lang a. Chutiang chuan inthâwina ran thisen chu mipuite thehin thuthlung chu nemngheh a ni ta a ni (*Exod.* 24:3–8). Petera hian khawngaihna leh remna chu khat liam khawpa an dawn a duhsak thû a sawi zui ta a ni.

Ngaihtuah Teh: Engtiang kawngtein nge hê khawvêlah hian ram dang mî anga kan inngaih tûr ni ang? (En tûr: *Hebrai* 11:9, 10, 13–16.) Engtin nge koh kan nihna leh kan dinhmun chu kan nun phung hmanga kan entîr ðhin?

II. Beiseina Nunga Hrin Leh (1 *Petera* 1:3–9.)

Nun thar inçanna chu nau pâi tharnaah a ni ðhin. Hê nun hi a phû hauh lo misualte tâna Pathian zahngaihnaa lo thleng a ni. Ringtu tâna a rahchhuah chu beiseina nung, thihna açanga Isuâ thawhleha açangin a lo awm a. Hê beiseina hi rinnaa Pathian chaknaa vênhimte tân vâna khêksaka inngat a ni. Chû chu tâwpna huna Kristâ lo kîr lehnaa chhandamnaa târlan tûra a vâwrtâwp thleng tûra peih sâ diam a ni. Chutiang beiseina chuan rinna fiahna leh harsatna kârah pawh ringtûah lâwmna namên lo

tak a thlensak a. Chû chuan Isua Kristâ inlâr hunah fakna te, ropuina te leh châwimâwina te a thlen ang. An rinna goal: an thlarau chhandamna thleng zawng zawngte nuntawngah sawi hleih theih loh lâwmna a thlen dâwn a ni.

Ngaihtuah Teh: Engtin nge piangthar tâte beiseina leh lâwmna hi ataka ka chan vê theih ang? Chû nun ka nei vê tih finfiahna chu engte nge ni?

III. Zâwlneite Puânchhuah Chanchin Thâ Chu (1 Petera 1:10–12.)

Thuthlung Hlui zâwlneite khân Petera lekhathawn chhiartûte chungâ khawngaihna lo la thleng tûr, Isua Kristâ tawrhna leh a hnûa A thawhleh a, vâna a lâwna tihropuina A chan hnûa mî tûr chu an lo sawilâwk a. Anmahni ngêi pawhin hêng thilte hi Chiang lehzuala hriatthiam an châk a, mahse chûng an hrihlâwk nate chu anmahni tân ni lo vin, Petera lekhathawnin a entîr ringtûte tân a la ni zâwk dâwn tih hriatfîr an ni. Chutiang chuan an tlângâupui chanchin thâ pawh chu Chiang takin an lo manthiam bîk chiah lo va, angelte meuh pawhin an hre mai bîk lo. Mahse tûna Kristâ lo lan tâk hnû hi chuan, khawngaihna chanchin thâ chu Petera lekhathawn chhiartûten Kristâ Thlarau neitu zâwlneite âia fiah zâwkin an manthiam ta a ni.

Ngaihtuah Teh: Engtin nge hê khawngaihna thupuân chhuah hi keini, tûnlaia Petera lekhathawn chhiartûteah kan bel ang? Engtin nge Petera thusawi chu a hunlaia mîte âia tûnlai keini hunâ bel tûra kan manthiam theih ang?

IV. Nun Thianghlima Nung Tûra Koh (1 Petera 1:13–25.)

Petera lekhathawn chhiartûte chu an thlahtûte hnên aţanga an rochun chhâwn nun eng khaw ni lawi lo lak aţanga Isuâ thisen hlûa tlan chhuah an ni tawh a. Chû thû chu ngaihtuahin, Petera hian Isua Kristâ inlâr hunâ lo thleng tûr khawngaihna chu rilru

fim tak pu chung a beisei tlat tûrin a ngên a. Anmahni kotu Pathian ch a thianghlim avângin anni pawh nungchang thianghlim pu tûra koh an ni. Rorêlna lo thleng tûr hre reng chung a nungin, hleih nei lo va mi tinte an thiltihte ang zêl a rorêlsaktu tûr (*1 Petera 1:17*) Pâ zah tak chung a nun tûr a ni. Chû thil hre reng chung chuan thinlung thianghlim pu chung a inhmangaih tlânna an lantîr ang, Pathian Thu nung leh awm renga piangthar an ni tawh sî a.

Ellen G. White ngaihdân chu, “Pathianin, ‘In thianghlim tûr a ni, kei ka thianghlim sî a,’ tiin thû min pê a; thâwkkhumna dawngin tirhkoh pawhin ‘Thianghlimna lo vîn tû mân LALPA an hmu lo vang’ tiin a sawi baw. Thianghlimna hi Pathian nêna inrem a. Sualna avângin mihringa Pathian anna awm chu tihkhaw loh leh tihchhiat a ni ta a; chanchin t̄ha hnathawh chu chû thil hloh tawh dinthar leh chu a ni; hê hnâah hian chunglam rawngbâwltûte chu kan thawhpui tûr a ni.”—*Testimonies for the Church*, vol. 5, p. 743.

Sawihô Tûr Zawhnate:

- ① Nakin hun atâna nun chhan tûr kan neih lohin, eng nun kawng zawh tûra chawhphûr nge kan nih ang?
- ② Petera khân a lehkhathawn chhiartûte chu eng roluah tûr thil hlû nge a hlui?
- ③ Anmahni tlanna tûra man pêk behchhanin, Peteran a lehkhathawn chhiartûte hlutna eng thû nge a sawi? Chû chuan eng tih tûr nge a tuk tel nghâl?

RAHBI 3-NA—NUNA BEL TÛR

ZIRTÛRTÛTE PUÂL: In pâwl member-te chu Bible-a hêng mi: Abrahamate, Josefate, Davidate, leh Daniêlate ang—mî rama ram dang mî ni chung a nakin hun a ram chan tûr Pathian thutiam rinchhan tûte hi ngaihtuah tûrin sâwm la. A huhovin *Hebrai 11:8–10, 13–16* chhiar ula, khâng rinna milianten rinna leh beiseina an neih tlat theih dân kha sawi ho ang che u. *Hebrai 11:39, 40*-a sawi ang dinhmun nêna khaihkhin ula.

Ngaihtuah Teh:

- ❶ Thuthlung Hlui zâwlneiten an puân chhuah leh Thlarau Thianghlimin a tlângâupui chanchin ʈha laipui chu enge ni?
- ❷ Kan nun engkhaw ni lawi lo laka tlan chhuah kan nih i inhriat dân kawng ʈhenkhat chu enge nge ni hlawm? Chû hriatna chuan kan nun dânah eng danglamna nge a siam?
- ❸ Engtiang kawngtein nge kan nî tin nunah chhandam kan nih hlimna chu kan chan ʈhin?

Tihtûr: Kristaa chhandam hlimna an chan zâra member-ten beiseina an neih chungchâng sawitîr nân hun tlêma zâwng hmang ho teh u.

RAHBI 4-NA—BORUAK SIAM RAWH

ZIRTÎRTÛTE PUÂL: Mi tam tak chuan chhandam hlim leh lâwmna an chan mi dangte hnêna hriattîr hi harsâ an ti leh tlat ʈhîn. Pakhatnaah, chû beiseina leh lâwmna chu awmzenei taka ataka chan a ngai phawt. Hmêlhriat lêm lohte hnêna hrih theih hmâin inhrih tawn hmasak hi a sâwtpuiawm thei viau. Chutiang atân chuan Sabbath Sikul class hi hun remchâng tak a ni a, ngaihngam takin bul in ʈan thei ang chu.

Tihtûr: Pâwn lam mi dangte hnêna sawi tûr angin, mahnî pâwl ʈhen ʈheuhah inchan chhâwk anga tihna remchâng insiamsak a, an rinna thuhretu nihna hun neih ni ta se. Chinchâng hre deuh tawhte tih hmasak tîr a, member dangte pawh tihchhintîr vê ʈheuh ni se a tihchî phian ang.

* * *

Châng Thlan: *1 Petera 2:4, 5, 9, 10.*

Zirlaite Tân:

Hriat Tûr: Pathian thuthlung mîte nihnaa kohna sâng tak chu manthiam.

Vei Tûr: Pathianin thu A thlun pui—”chi thlan, puithiam lal châ, Pathian mi bîkte” (*1 Petera 2:9, NIV*) a tih nih dinhmun sâng bîk chu ngaihhlut thiam.

Tih Tûr: Pathianin Amâ mê atâna A kohte tihtûr chu hlen tûra duhthlanna siam.

Thupui Then:

I. Hriat Tûr: Puithiam Lal Châ, Hnam Thianghlim

- A. A kila Lungphûm thlan leh hlu tak, Lung nung chung a sak, thlarau lam ina *lung nungte* nih chu enge a awmzia?
- B. “Puithiam lal châ, hnam thianghlim” (*1 Petera 2:9, NIV*) tih hian enge ni a kawh?

II. Vei Tûr: Kristâ mîte zînga chhiar tel

- A. Lung khur thuhmun aţanga chher chhuah (*Isaia 51:1*) leh chû in vêka a kila Lungphûm chung a rem nih chu enge a an?
- B. Lung khur thuhmuna mê kan ni tih kan inhriatin engtin nge kan nun thin?

III. Tih Tûr: A faknate puangchhuakin

- A. Pathianin thû A thlunpuite A kohna chhante chu engtin nge Peteran a sawi?
- B. Engtiang kawngtein nge Pathianin Amâ hnêna min koh chhante chu kan tihfamkim?

KHÂIKHÂWMNA: Pathian hmâa an dinhmun bîk tak hriattîrna tûrin Petera Thuthlung Hlui thû eng emaw zât a la chhuak a. Thuthlung Hluia thuthlung neitu leh lungphûm thuhmun, Messia chung a sak, Pathian thuthlung thar changtûte an ni.

INZIRTÎR DÂN TÛR

RAHBI 1-NA— CHAWKPHÛR RAWH

Bible Châng Thlûr Bing Tûr: *1 Petera 2:4, 5.*

Thlarau nun thanna atâna thu pawimawh: Thlarau lam thila kan nihna hi Lung nung leh a kila Lung hlu tak, Kristâ hnên aţanga kan dawn a ni. Lung khur thuhmun aţanga lung nung laihi chhuah (*Isaia 51:1*), Isuâ zâra Pathian tâna pawmtlâk thlarau lam inthâwina hlântu tûr puithiam-thianghlim nihna nei tûra din kan ni. A zahngaihna, Pathian chuan puithiam lal chî leh hnam thianghlim ni tûrin Amâ tân min thlang a, chû chu thima atâ chhuaka A êng mak taka lût tûra min kotû thatna fakna kan puân chhuah theih nân a ni. Hê thuthlung thû hi *Exodus 19:5, 6* ang kha niin, Thuthlung Hlui huna Pathian mîte leh Thuthlung Thar huna thuthlung mîte dawh zawmtu a ni.

ZIRTÎRTÛTE PUÂL: Heti laia Thuthlung Hlui thû Petera thusawi chhâwn leh thâwitham deuha a sawi chîk taka ngaihtuah hi a pawimawh viau mai. Petera hian *Isaia 28:16; Sâw 118:22; Isaia 8:14;* leh *Exodus 19:5, 6* thûte a la chhuak a. Hêng chângte hi zirin, a lehkhathawn chhiartûte hnêna thutak zirtîr nâna Petera hman dân pawh hriatthiam tel a ngai. Engtin nge Isua khân Amah chu hnâwl hnû Messia a nih insawi nâna lung lam sawina a lo hman? (En tûr *Matt. 21:42; Marka 12:10; Luka 20:17.*) Engtin nge Petera pawhin chutiang tho chuan *Tirhkohte 4:11*-ah a lo hman vê? *Efesi 2:20*-ah Paulan eng sawi nân nge a hman? *Exodus 19:5, 6* thû hi engtin nge thâwi tham deuhin *Thupuan 1:6, 5:10, 20:6* enge a lo sawi vê?

Hawn Nâna Tih tûr leh Sawi Ho Tûr: In pâwlte chû *1 Petera 2:4-6* leh *Isaia 51:1* chhiar rual tûrin sâwm la. Lung nung pahnih: thlan leh a kila lung hlu tak leh, lung nungte Isua Kristâ zâra Pathian pawm tlâk thlarau lam inthâwina hlan theih nâna thlarau lam ina rem chhohte tih awmzia chu sawi ho teh u.

RAHBI 1-NA—ZAWNG CHHUAK RAWH

ZIRTÎRTÛTE PUÂL: *1 Petera 2:1-3* aţanga châng 4, 5 thua paikâi chhoh dân hi chîk takin ngaihtuah la. Châng 1-3 hian a hmâ a,

“Pathian thu nung reng leh awm reng zâra” (*1 Petera 1:23*, NIV) piantharna thû kha tlâng a kâwm a. Petera lehkhathawn ngaithlatûte chu “nausên piang hlim” leh “thlarau lam hnudetui, chhandamna tling khawpa ðan theihna tûr la ngai, tûna LALPÂ ðatna lo tem vê ta” (*1 Petera 2:2, 3*, NIV) angin a sawi a ni.

Tehkhinna a lo dang ta nân, *1 Petera 2:4, 5* thû-ah a lo paikâi zui a. A thu ngaithlatûte chu nausên ni tawh lo vin, thlarau lam ina din chhoh lung nungte an lo ni ta zâwk a. Pathian hnêna thlarau lam inthâwina nung hlântu tûr puithiam thianghlimte an lo ni ta bawk. Chutiang zâwnga sawina chu *1 Petera 2:9*-ah hian chhunzawm zêlin, ringtute chu “hnam thlan, puithiam lal chí, hnam thianghlim, Pathian puâl bîkte,” Thuthlung Hlui ðawngkâuchheh chung a din anga sawi an ni ta.

ZIR ZÂUNA

I. Thlarau Lam Hnudetui Châk Nausên (*1 Petera 2:1–3*.)

Petera hian Pathian Thu zâra lo piangtharte (*1 Petera 1:23*) leh LALPÂ ðatna lo tem tawhte (*1 Petera 2:3*) chu nausênten hnute an châk anga thlarau lam an ðanna thlentû tûr thlarau lam hnudetui chu châk tûrin a ti a. *2 Petera 3:18* nêna inzûl thlarau lam hnute tak ni tûr chu Isua Krista chu LALPA a ni tih hriat a, A khawngaihna dawn a ni. (Peteran thlarau lam hnute tui châk tûra a tih leh Paulan *1 Korin 3:1, 2; Hebrai 5:12–14*-a chaw tak ring tûra ðhang lian lote a sawisêlna hi inkalh anga ngaih tûr a ni lo. Petera hi chuan thlarau lama piangthar hlimte hnêna fuihna thû sawi a ni sî a.)

Ngaihtuah Teh: Petera sawi ang thlarau lam puitlinna zia engte nge keimâ nunah ka lantîr ðhin le? Engtin nge keimâ tân Pathian Thu zir hi thupuih ka neih theih ang?

II. Lung Nungte Anga Thlarau Lam Ina Rem (*1 Petera 2:4, 5*.)

Peteran hetiang thu hmang hian bul a ðan a, “Amah, Lung nung hnênah chuan lo kalin” (*1 Petera 2:4*, NIV) tiin châng 3-a LALPA

sawi nân a hmang a. Hei hi denchhenin “nangni pawh, lung nungte angin, thlarau lam ina rem chhoh in ni,” tiin a sawi zui a. LALPA Isua Kristâ hnêna lo kal hmasa zet lo vin thlarau lam ina remchhoh theih a ni lo. Ani chu Lung Nung chu a ni a, keini hi Amah ang “lung nungte ang” (*1 Petera 2:5*, NIV) chu kan ni vê ta thung a, lung khur thuhmun ațanga lâk chhuah ang kan ni (*Isaia 51:1*). Ani chu thlarau lam in, keini pawh rem kan nih vêna, A kila lung ẵngkai, thlan leh hlu tak chu a ni (*1 Petera 2:6*). A kila lung chu rinchhanin in chu rem/sak chhoh zêl a ni thîn a. Ringtûte pawh chu “puithiam thianghlim, Isua Kristâ zâra Pathian pawmtlâk inthâwina hlântû tûrte an ni” (*1 Petera 2:5*, NIV). Pathian pawmtlâk thlarau lam inthâwina hlan chungchângah hêng chângte hi chhiar la: *Sâm 4:5; 51:17; 107:22; Rome 12:1; Hebrai 13:15, 16*.

Ngaihtuah Teh: Engtiang kawngtein nge Pathian tân thlarau lam inah chuan rem chhoh ka nih vê le? Puithiam thianghlim zînga mî ka nih angin, Pathian pawmtlâk thlarau lam inthâwina enge ka hlan vê mêk le?

III. Pathian Tâna Amâ Thlante (*1 Petera 2:9–12*.)

Bible-ah hian Pathianin thlangin, A ko thîn a, mîten an lo chhâng thîn. A ẵzâwng chhângtûte chu ‘mî thlan’ tih an ni thîn. Isuan, “ ‘Mî tam tak koh an ni a, thlante chu tlêm tê an ni’ “ (*Matt. 22:14*, NKJV) tiin a sawi. Peteran a thu ngaithlatûte ‘mî/chî thlan’ (*1 Petera 2:9*, NIV) a tih hian Pathian kohna chhângtûte a kâwk a, Amah nên thuthlungah an lût tawh a ni.

“Puithiam lal chî, hnam thianghlim” tih hian *Exodus 19:5, 6* thû a sawi a, chutah chuan Pathianin Israelten A thuthlung an vawn chuan, A hmâah chuan “puithiamte lalram leh hnam thianghlim” an ti ang tih A hriattîr a. Hê thû hian mî zawng zawng chu puithiam, tempula Pathian hmâa rawngbâwl thei an ni vek ang tih a kâwk chuang lo. A awmzia chu, A mîte beisei an nihna chu “Puithiam thianghlim” (*1 Petera 2:5*, NKJV) ang a

thlarau lam inthâwina: fakna te, hlim leh lâwmna, thiltih fel hlân theitu, mi dangte tâna rawngbâwlsaktu tihna a ni (En tûr, *Hebrai 13:15, 16*).

Chutichuan, Petera sawi dânin, ringtûte chu “thim atâ chhuak a, A êng mak taka lût tûra kotu faknate puâng chhuak” (*1 Petera 2:9, NIV*) thei tûra mi thlan an ni. Ringtûte chutiang an nih theihna chhan pawh Pathianin A zahngaihna leh khawngaihna nasa tak zârah anmahni a thlan vâng a ni (*1 Petera 2:10, NIV*). A khawngaih-zahngaihna thilthlâwnpêk zârah, khawvêl hmâa Pathian ngaihsakna chu A ropui nân an nunpui thei ang (*1 Petera 2:11, 12*).

Sawihô Tûr Zawhnate:

- ① Thlarau lam hnudetui kan châk leh châk loh engtin nge kan inhriat theih ang?
- ② Engtin nge thlarau lam ina rem chhoh lung nungte kan ni tih kan chiân theih ang?
- ③ Puithiam lal chhûngte kan nih angin, eng thlarau lam inthâwinate nge nî tin hian Pathian hnênah kan hlan ðhin? Thim atâ êng lama min ko chhuaktû ropuina tûr chu engtin nge kan tih mêk?

Ngaihtuah Teh: Hetah hian Peteran kohhran leh hmânlai Israel, Pathian thuthlunpuite kha a sawi zawm a. Engtiang kawngtein nge hmânlai Israelte nêna inzawmna chu ka hriat ðhin a? Adventist ka nihna ðobul nêna kan inzawmna engtin nge ka hriat ðhin?

RAHBI 3-NA—NUNA BEL TÛR

ZIRTÏRTÛTE PUÂL: *Chatuan Nghahfâk*-ah, Ellen G. White-in a kila lung ðangkai ngaihruat theih takin a târlang a. Isaia hrilhlâwkna sawi zâunaah Solomona tempul sak lai thilthleng târlan a ni a. Lung hrawl tak pakhat, hmêlh mang danglam deuh tak chu a kil lungphûm atân buatsaih a ni a, mahse tempul sakna tûr hmun thlenpui a nih khân, thawktûten an hnâwl tlat mai a. A âiah lung phûm tûr dang an thlang a, mahse sik leh sa hun inthlâk leh rihna a do tûr dâwl zo tûr an hmu zo ta sî lo. A tâwpah, an lung hnâwl hnû chu an la kîr

leh a. Chû thung chuan ruâhman engkim a mil thlap vek ta mai sî a ni. “Inlârnain, Isaian hê lung hi Krista entîrna a ni tih a lo hmu tlang a ni.”—p. 667.

Ngaihtuah Teh:

- ① Engtiang kawngtein nge thlarau lam in, lung nung chung a rem chhoh ka ni tih ka lantîr ðhin?
- ② Puithiam lal chí leh hnam thianghlim pêng khat ka nihna chuan eng awmzia nge a neih?
- ③ Engtin nge Lung nung, a kila Lungphûm hlû-ah chuan ka inchhuih tlûk loh theih ang?

Tihtûr: In pâwl member-te chu thim atâ chhuak a, A êng mak taka hruaitu Pathian fakna chu lantîrna hun siamsak ang che.

RAHBI 4-NA—BORUAK SIAM RAWH

ZIRTÏRTÛTE PUÁL: In pâwlte chuan lung chher mâmtû tihdân leh hmanruâte an hriat a ðangkai ang a. Lung rem rêng rêng hi a lungphûm aţanga ðan a ni ðhin a. A lungphûm ber rem fuh hi a pawimawh a, chumi chungah chuan kawngkalnei taka rem chhoh zêl a ni bawk. A lungphûm rem hnû chuan a chung a lung rem chhoh zêlte din ngîl dân tâwkte pawh en a ngai a. Chutiang tâwk en nân chuan hruite pawh an zam châwk. Lungrem mâwi ni tûr pheih chuan teh deuh thlap thlap te a ngai a, indelh leh indo nghet tâwk tûra fimkhur taka tih a ngai ðhin a ni.

Tihtûr: *Efesi 2:19–22*-a sawi ang a in sak chungchâng sawina leh *Efesi 4:12–16*-a kohhran ðhang zêl sawi dân hi khâikhin ula. Awmzenei taka ðhan zêl nâna member-te pawimawh ðheuh dân chu sawi ho teh u. Engtin nge lung nungte chu an insiam rem ðhin?

* * *

Châng Thlan: *1 Petera 2:13–17.*

Zirlaite Tân:

Hriat Tûr: Pathianin hê khawvêlah hian thuneitu chi hrang hrang
A lo din a, Kristiante chu chûng thuneitu zawng zawngte
hnêna intulût tûr an ni tih pawm.

Vei Tûr: Pathianin inawp fel leh thuneitû A ruat dân ngaihhlut
a, an laka lo intukluh chu kan mawhphurhna a ni tih hriat.

Tih Tûr: Thuneitu din ngheh leh ringtûe inlaichîn dân tûrah,
Petera thurâwn leh Isuâ tihdân zui zêl.

Thupui Then:

I. Hriat Tûr: Inawp Felna Pathian Tihdân

- A. Pathian ruât ram rorêlna chungka kan mawhphurhna
chungchâng Peteran min hrilh chu enge ni? (*Rome 13:1–7*-a Paula zirtîrna nên khaikhin la.)
- B. Thil ța tih chungchânga A mîte tâna Pathian duhdân
(*1 Petera 2:15–17*) chu enge ni?

II. Vei Tûr: Kristâ Tihdân Zuiin

- A. Fiahna leh tawrhna lo thleng tel thei (*1 Petera 2:21–24*)
kan lo hmachhawn dân tûrah Peteran engtiang kawngtea
Krista chu Entawna hmang tûrin nge min kawhmmuh?
- B. Petran Isua chu ‘kan thlarau Berâmpû leh Endiktu’ anga a
sawi hi eng a tihna nge? (*1 Petera 5:2–4.*)

III. Tih Tûr: Pathian Thuhnuai Intulût Hmiah

- A. Peteran bâwih leh salte chu an pûte hnêna intulût tûra
thurâwn a pêk hi, *1 Petera 2:21–23* thu êng ațangin
engtianga manthiam tûr nge kan nih ang?
- B. Nupui-pasalte tâna Petera thurâwn chu enge ni a, eng
entîrna nge *1 Petera 3:5, 6*-ah a sawi chhuah?

KHÂIKHÂWMNA: Petera khân thuneitu chi hrang hrangte nêna
Kristiante inlaichîn dân tûra Pathian ruâhman chu a târlang a. Pathian
ropuina tûra thil dik leh thâ ti tûr an ni. Thuthlung Thar huna Kristiante
entawn atân Isua leh hmânlai hmeichhe thianghlimte pawh a târlang
bawk.

INZIRTÎR DÂN TÛR

RAHBI 1-NA—CHAWKPHÛR RAWH

Bible Châng Thlûr Bing Tûr: *1 Petera 2:13–15.*

Thlarau nun thanna atâna thu pawimawh: Isua leh Bible-a Pathian ngaihsaktu dangte tihdân kan entawn chuan, Pathianin rorêltu chi hrang hrang, A duhdân ang zêl (*1 Petera 2:15*) leh “LALPÂ avângâ” (*1 Petera 2:13*) an hnêna kan intukluhna tûr A lo ruât tih kan hria ang. (Paula pawhin chutiang zirtîrna tho chu *Rome 13, Efesi 5:21–6:9; Kolosa 3:18–4:1*-ah min lo pe bawk.) Ringtû chu Pathian ropui nâna nungchang mâwi pu a, rorêltûte hnêna intulût tûra beisei a ni. Chû chuan sorkar thuneitû te, hnathawhna hmuna hotû te, leh chhûngkua leh kohhran pawh a huâm tel a ni.

ZIRTÎRTÛTE PUÂL: Zirlai thupui kan luhchilh lai hian, a chungâ Paula thusawi Bible châng hrang hrangte hi thuneitu zâu zâwka thlîr thiam nân ngaihtuah tel a tha âwm e. *Rome 13:2* hian Pathianin thuneitu A dinngheh tawh hnâwltûte chu nasa taka sawisêlin, rorêlsak an la nih tûr thû pawh a sawi nghâl a (*2 Petera 2:9, 10; Juda 6, 8 nên khaikhin la*). In pâwlah chuan hei hi mihring inkûngkaihna kawng hrang hranga bel a nih theih dân sawi ho teh u.

Hawn Nâna Tih-tûr leh Sawi Ho Tûr: In pâwl khân *1 Petera 2:13–15* leh *Rome 13:1–5* chhiar ho ula. Hêng thûte inzûl dân leh an in-tan-pui tawn dân pawh sawi ho ang che u. Engtiang kawng hrang hrangtein nge Pathian leh A duhdân chu an târlan? Hêng chângte hian mi tin tân thuneihna inchen thêh thêh a pê nge, dinhmun sâng luahtûte chu thuneihna a pe bîk deuh? Sawifiah la. Hêng thuneitûte hi an chungâ thunei leh chhâwng zêltûte hnêna intulût tûr an ni a ngem?

RAHBI 1-NA—ZAWNG CHHUAH RAWH

ZIRTÎRTÛTE PUÂL: *1 Petera 2:16* leh *Galatia 5:13* khaikhin la. Hêng chângte hian eng thû nge an sawi? Dân leh khapna zawng

zawng laka zalên ta anga inngaihnaah hian eng hlauhawm nge awm thei? Chhiar tûr: *2 Petera 2:18–20*. Paulan ‘felna bâwih nih hi sual bâwih nih aiin a tha zâwk’ tih lam hawi *Rome 6:15–22*-a sawi hi in pâwlah sawi ho ang che u. Engtin nge hetiang zâwnga ngaihtuahna hian thuneitûte hnêna intukluh chungchâng *1 Petera 2*-a sawi chu a sawi zâu? Engati nge Petera hian châng 16-a “Mi zalên angin nung rawh u” (NIV) tia bul a tan chu “Pathian bâwihte angin nung rawh u” tih hmanga a tihtâwp sî ni ang le?

ZIR ZÂUNA

I. Hlawhfâ leh A Ruâitu Inlaichînna (*1 Petera 2:18–20*.)

Thuneitûte hnêna intukluh thû kan sawi hnûin, a tlângpuiin sorkâr thuneitu bîkah chuan, Petera hian chhiahhlawh leh an pûte inlaichînna lam a sawi zui a, chû chu kan tûnlai hunah chuan hlawhfâ leh a ruâitute inlaichînna a ni ber ang. Heta ‘*doulos*’ tih thû hian chhiahhlawh leh sal chi hrang hrang a huâm a, hlawh neia chhawrte pawh a huâm thei tho bawk. A enga pawh chu ni se, *doulos* chu an thawhsak an pûte chungah an rinawmin, an zahthiam tûr a ni. An chungah an fel leh ngilneih vâng pawh ni lo, an chungah thuneitu an nih vâng zâwkin, an thuhnuaiah chuan an intulût mai tûr a ni. An chungah râwng takte hnêna an intulût a nih pheih chuan fak an phû leh zual a, chû chuan Pathian chu Thuneitu sâng ber a ni tih an lantîr a ni (*Efesi 6:5–9*).

Ngaihtuah Teh: Kan hotûte nêna kan inlaichîn dân hian, ringtu ka nih anga ka nî tin khawsak dân min lo thlîr rengtuteah eng ang rahte nge a chhuah ang?

II. Entawn Tûr Krista (*1 Petera 2:21–25*.)

Petera hian a lehkathawn chhiartu, thil thâ an tih avânga hrehawm tuârte chu, thil tha tih kawnga Krista chu entawna hmang zêl tûrin a fuih a. “ ‘Ani chuan thil rêng a tisial lo va, a kâah ngamthlêmna a awm hek lo’ ” (*1 Petera 2:22*, NIV).

Petera hian Kristâ thil ța tih thù-ah *Isaia 53:9* thù a la chhâwng a, heti hian a sawi zawm, “An chêksawlh laiin, a thungrûl vê lo va, a tawrh lai pawhin a vaulêl hek lo. Chû âi chuan fel taka rêl thîntûa hnênah a inkawltîr zâwk a” (*1 Petera 2:23*, NIV) tiin. Chutah Petera hian *Isaia 53*-a Messia chungchâng hrilhlâwkna thù sawi lehin, “Amah ngêiin thingah khân a taksâin kan sualte a phur a, chû chu sualte kan thihsan a felna lama kan nun zâwk theih nân a ni; a vuakna vuâltea tihdamin kan awm ta,” (NIV) tih châng *24* thùin a tlâng a kâwm ta a ni.

Kan âiawha Isuâ inhlanna avâng khân A inngaihtlâwmna anga inngaitlâwmin, thil dik chu tia tawrh pawh huâma nung tûr kan ni ta. *1 Petera 2:25*-a Petera thil sawi chu, ‘hun kal ta kha chuan berâm angin kan vâk bo va, mahse tûnah chuan kan thlarau Vêngtu leh Hotu hnênah chuan kan kîr leh tawh a, berâmin a pû a zui anga A hniakhnung zui zêl a, inlaichînna awmzenei tak neihpui tûr kan ni ta’ tih a ni.

Ngaihtuah Teh: Isua khân A hlen tûr ruâhmanna chu chhel takin a thlîr reng a (*Hebrai 12:2*). Chhel taka a tuâr chhuak ang khân eng goal neihna chuan nge chhel taka min tuâtîr vê thei ang?

III. Kawppuite Nêna Inlaichînna (*1 Petera 3:1–7*.)

Thuneitûte hnêna intukluh thù chhunzawmin, Peteran nupuite hnênah thù a sawi ta thung a, an pasalte hnêna intulût tûrin a fuih a ni. Hê thurâwn leh Paula thurâwn, *Efesi 5:22–33* leh *Kolosa 3:18, 19* thù hi a inzûl viau mai. Hetah chiah hian Petera chuan pasal ringtû ni vê lote chungchâng a sawi tel a, chû chuan tlêmin hâk a zauh leh hlak a ni. A sawi dân chuan pasal ringlotute pawh chu thusawi ni lo, nungchang mâwi leh thianghlim, nun zahawm hmangin Kristâ hnêna hmin an ni thei ang a ti a ni (*1 Petera 3:1, 2*).

Petera hian Kristian nun mâwi chungchâng a sawi zui zêl a—“rilru thuhnairawlh leh nunnêm” (*1 Petera 3:3, 4*, NIV)—

chû chu nupuite nun dân tûr niin, sam chei, silhfên leh lungflu tlereuh inbel lam a ni lo. Chutah entîrna atân “hmânlai hmeichhe thianghlim” (*1 Petera 3:5*, NIV) Sari te ang, pasalte zahthiam a, an thuâwih a, thil tha tih thîn chu a sawi lang ta a ni (*1 Petera 3:6*).

A tâwpah, Peteran pasalte lam hawiin, “chutiang bawkin,” an nupuite chu “hmeichhia an nih avânga tîsâ tak pawha chak lo zâwk an nih hre chung a remhre tak, nupa inlaichînna kawnga fîng taka” enkawl tûrin thurâwn a pe ta thung a. “Nunna khawngaihna chanpuitu an nihna anga zah leh châwimâwi ni se, tichuan in tawngtainate chu dâl emaw hlawhtling lo emaw a ni lo vang,” (*1 Petera 3:7*, AMP).

Ngaihtuah Teh: Hê tawngkauchheh châng 7-a “bêl keh awl zâwk” (ESV, KJV) tih hian taksa leh rilru lama chaklohna a kâwk lo. Bungbêl mâwi taka siam chu a kâwk a, chû chuan mipaten hmeichhiate an en dân tûr, bungraw hlu tak an enkawl dân ang a, a keh mai loh nân dimdâwih tûr an nih sawina a ni. Hê thû hian a tha zâwnga nupuite hlutna leh hawihhâwm leh dimdâwih taka enkawl tûr an ni tihna a ni. Engtin nge hmeichhiate hlutna hi kan ngaih thîn?

Sawihô Tûr Zawhnate:

- ❶ Thil tha tih leh soal hrem kawnga nunphung pângngai zawh lo sorkar thuneitûte hi engtin nge kan châwimâwi ang?
- ❷ Engati nge bâwih neih thiam inchantîr nâna *1 Petera 2:18–20* hman tum hi thil dik a nih loh?
- ❸ Nupui-pasal inlaichînna chungchângah Peteran eng thil bîk nge a sawi chiah?

RAHBI 3-NA—NUNA BEL TÛR

ZIRTÎRTÛTE PUÂL: *1 Petera 2:17*-a Peteran, “Mî tinte chungah zahna lantîr rawh u,” (NIV) a tih hian, chhiahhlawhte leh an pû te, nupui leh pasal te mi chi hrang pathum sawi bîk a nei a. Chûng chu ringtu chhûngkua te, lalber leh Pathian a ni. Pathian

chu dinhmun sâng ber luahtu a ni a, Ani chu òh emaw, zah phû niin, chibai bûk tûr a ni bawk. Lalber hi chu hê khawvêl inawpnaa thuneitu dangte âia sâng a châwimâwi tûr a ni. Ringtu chhôngkuaa mîte erawh hi chu intluk tlâng vek kan ni a, Krista-ah chuan “Juda emaw, Gentaile emaw, bâwih leh zalên emaw, mipa leh hmeichhia pawh thliârna a awm chuang lo va, intluk tlâng vek in ni,” (*Gal. 3:28*, NIV). Pathian leh Krista hnêna mahni-inpêkna hmangaihna nêh kohhran chhôngkuaa chu hmangaih tûr kan ni. Engtin nge hê zirtîrna hian Petera sawi tum chu a fûn tel?

Ngaihtuah Teh:

- ❶ Engati nge ringtu hnathawkte tân anmahni ruaitu/pûte, râwng leh fel lo te, fel leh ngaihnathiam thei deuhte chungah pawh zah taka intukluh a pawimawh?
- ❷ Thil dik ti chung pawha Isuâ tawrhnaa zui zêl tûra koh ka ni tih ka inhriatin, engtin nge ka nun tâk?
- ❸ Engtin nge pawns lam incheina âia nungchang mâwi chu thupua ka neih zâwk ang? Petera sawi dânin, engtin nge hmânlai hmeichhe thianglimte kha mahni an lo inchei òhin?

Tihtûr: Felna avânga Kristâ tawrhna bîkte leh A hniakhnung kan zui dân tûr chu in pâwlah sawi ho teh u.

RAHBI 4-NA—BORUAK SIAM RAWH

ZIRTÎRTÛTE PUÂL: Paulan intukluh tlân chungchâng a sawi a (*Efesi 5:21–6:9*), mî a intukluh dân entîrna palî-ah khân inlaichînnaa pakhat zâwk intukluh leh chutiang dawn lêt loh: enfîr nân nupui chu a pasal hnênah, kohhran chu Kristâ hnênah, naupangte chu nû leh pête hnênah, chhiahhlawh leh salte chu an pûte hnênah a ni. Thuneihna leh intukluhna hi a kal khat deuh tlat mai. Hetiang hian Bible a khat a, chû chuan vân pawh a thleng (*1 Korin 11:3*) a, eng emawti zâwng chuan chatuan daih pawh a ni ang (*1 Korin 15:28*).

Tihtûr: In pâwlte nêh chart siamin, chutah chuan Bible-a inlaichîn tawn dân, thuneihna leh intukluhna târlang tûrin siam ula, chutah chuan mihringte inkûngkaihna te, lei leh vên te, vên chhûngkua te in târlang dân nia. Chutiang inlaichînna lam sawina Bible chângte târlang bawk ang che u. Tûn kêr zirlaia Petera thil sawi nêh a inhmu rem thei em en ho ang che u.

* * *

ZIRLAI 5-NA **ZIRLAI KAIHTÂWI** **APRIL 29, 2017**

Châng Thlan: *1 Petera 3:8, 9; 4:7, 8.*

Zirlaite Tân:

Hriat Tûr: Ringtu tinte tân hêng hmangaihna te, inremna te, inngaihtlâwmna te leh lainatna te hi nunpui ngêi tûr a ni tih manthiam.

Vei Tûr: Mi dangte tâna nun kawngah Isuâ tih dân entawn hi mawhphurhna a ni tih hriatna neih.

Tih Tûr: Pathian sorkârna—hmangaihna hi thupui bera neihna—ataka nunpui tûra Kristâ min kohna pawm tûra duhthlanna siam.

Thupui Then:

I. Hriat Tûr: Nunpui leh Hmangaih

- A. Eng thil tihtûr pangate hmangin nge Peteran a lehkhathawn chhiartûte chu *1 Petera 3:8*-ah hian a fuih zui tâk?
- B. Thil zawng zawng tâwpna a hnâi tih hriain, eng thil tihtûr pathumte nge *1 Petera 4:7, 8*-ah hian Peteran a tuk belh? A khawi ber hi nge a dangte âia ‘chungnung bîk’ deuh?

II. Vei Tûr: Kristâ Lainatna Ataka Changin

- A. Ataka mi dangte lainat, hmangaih leh khawngaih (*1 Petera 3:8*) thei tûrin enge tûl hmasa thîn?
- B. “Thûk takin inhmangaih tawn rawh u” (*1 Petera 4:8*, NIV) tih hi enge a awmzia?

III. Tih Tûr: Pathian Kohna Chhângin

- A. ‘Malsâwmna rochung tûrin’ (*1 Petera 3:9*) koh kan nih thû Peteran a sawi hi eng a tihna chiah nge ni ang?
- B. Peteran a lehkhathawn chhiartûte chu ‘an tawngtai theih nâna rilru fim pû a, mahni-inthunun’ (*1 Petera 4:7*) tûra fuih hi eng a tihna nge ni ang?

KHÂIKHÂWMNA: Peteran a lehkhathawn chhiartûte chu rorêlna lo thleng tûr ngaihtuahin ngenna a siamsak a, nungchang ze mâwi dangte bâkah Kristâ nun sâng tak: hmangaihna te, lainatna te, inngaihtlâwmna te, inremna leh khawngaihna thleng pha vê tûrin a fuih a. Hei hi Kristian nun dân tûra Pathian kohna niin, chû chu Pathian malsâwmna rahchhuahtu tûr angin a ngai a ni.

INZIRTÎR DÂN TÛR

RAHBI 1-NA— CHAWKPHÛR RAWH

Bible Châng Thlûr Bing Tûr: *1 Petera 4:1, 2.*

Thlarau nun thanna atâna thu pawimawh: Isua kha kawng engkima kan Entawn tûr chu a ni a. Tawrhna a paltlang zârah sual hneh theihna a nei a (*Hebrai 2:10; 5:8, 9 nên khai khin la*). Kan nuntawng a tanga zira kan thàn zêl phawt chuan, A tâna kan tawrh vêna zârah keini pawhin kan hneh vê thei ang. Peteran, “Tû pawh tîsaa tuâr tawh chuan sual a bânsan tawh” (*1 Petera 4:1, NIV*) tiin a sawi. Hê thanna ataka channa hi thil tha tih kawngah a ni tih a Chiang hlê (*1 Petera 2:20, 21; 3:14, 17*). Sual tih chîng zui reng chungin tû mahin thil dik tih vângin an tuâr thei lo. Sual tihte bânsan tum lui tlatte chauhin thil dik tih avâng a tawrh an inhuâm thîn. Hê thû hian Petera lehkhathawn chhiartu, an chhia leh tha hriatna chung a rinawm vâng a hrehawm tuâr mêkte chua fuih phûr ngêi tû a ni.

ZIRTIRTÛTE PUÂL: Heta Peteran tawrhna a sawi chungchâng hi nasa taka inhniâlna thupui a lo ni tawh thîn a. Tawngkâa inhauh nge, inrêl leh insawichhiatna nge, mî chhiatna tûr thu sawi zâwk? Nge, taksa lam thlenga kut inthlâkna? Petera thil sawi hi tihduhdahna lam ni lo vin, tihduhdahna thlen chhan lam a ni. Karen Jobes chuan Petera sawi hi, “Kristiante tum ram chu Kristâ hnên thlen a ni,”

tihna angin a sawi. Ani ngaihdân chuan tihduhdahna chhuah chhan hi, “Tirhkoh hian fimkhur taka tawrhna lo chhuah chhan sâwr zîmin, a chhan ber chu eng dang ni lo vin, Kristâ hming put vâng (4:14-16) ni ber angin a sawi a ni.”—*1 Petera*, Baker Exegetical Commentary on the New Testament (Grand Rapids: Baker Academic, 2005), p. 45.

Hawn Nâna Tih-tûr leh Sawi Ho Tûr: In pâwlte chu *1 Petera* 3:13–17 chhiar ruâl-tûr la. Peteran a lehkhathawn chhiartûte chu ringlote hnêna thuhretûa an ãan vâng a an tawn tûra a ngaihte sawi ho ula. An tâna thupui tûr chu an thinlung chhûngril taka “Krista chu LALPAA ruat” (*1 Petera* 3:15, NASB) leh, “chhia leh ãa hriatna thiàng neih a, an sawichhiatna kawngah chuan Kristaa in awmdân ãa sawisêltûte chu tihmualpho vin an awm theih nân” (*1 Petera* 3:16, NIV) a ni.

RAHBI 1-NA—ZAWNG CHHUAH RAWH

ZIR-TÛR-TÛTE PUÁL: *1 Petera* 3: 8, 9-ah, Peteran khawvêla khawsak dân tûr chungchâng 2:11 a-tàng a sawi ãan chu tâng a kâwm ta a. Hetah hian “A tâwp berah chuan” (*de telos*) tih ãawngkam hmangin, an zâin rilru hmun khat, inkhawngaih tawn, inhmangaih tâng, inlaint tawn leh inggaitâwm ãeuh tûrin a ngên zui ta a ni. Ringtûte chu thil ãa lo thil ãa lo va thungrûl, chêksawlhna chêksawlhna vêka thungrûl tûr an ni vê lo. Chû âi chuan, malsâwm hlauh zâwk tûr an ni, malsâwmna chu an rochun theih nân chutianga ti tûra koh an ni zâwk sî a. A bâk thu awm zêl hi *1 Petera* 4:11 tâwpa ‘Amen’ tih thleng hian hê thu hlâwm zînga tel a ni.

ZIR ZÂUNA

I. Malsâwmna Chang (*1 Petera* 3:8–12.)

A lehkhathawn chhiartûte chu Kristâ nun anga nung tûra a tih hnûin, Petera hian *Sâm* 34:12–16 thû la chhuakin, sual dodâlna hmachhawn chung pawh a malsâwmna chan theih dân tûr a sawifiah zui a. Thurûk hi thlûr hnih a ni a: Pakhatnaah, Thil ãa lo sawi leh tih

hawisan a, thil thâ tih a, inremna ûm zêl zâwk a ni (*1 Petera 3:10, 11*). Pahnihnaah, Mi felte tawngtâina ngaihlhâksak a nih theih nân leh, thil thalo titûte laka vênhim an nih theih nân LALPA rinchhan tlat tûr a ni (*1 Petera 3:12*). *Sâm 34*-na ziaktu Davida kha amah tihlum duhtûte lak aţangin a tlân bo va, Pathian rinchhanin thil thâ lo chu thil thâa rulh dân a zir ta a ni. Hê *Sâm* bung pum pui hi chhiar la, Davidan a hmêlma pa, Lal Saula chung a thil thâ a tih a, malsâwmna a chan dân kha hriat chhuah tum ang che.

Ngaihtuah Teh: Malsâwmna chang tûrin kan inlaichînnaah enge ka tih mêk?

II. Baptisma: Taksâa Thihna, Thlarauva Nunna (*1 Petera 3:18–22*.)

Thu dang deuh Peteran a sawi kâi tâkah hian, helai thu manthiam harin sawi a tum hi kan hmuh thiam a ngai hlê mai. Kan sual vângin Krista a lo thî a, chû chu Pathian kan hnaih theih nân a ni; baptisma channa hian sual kan thihsan a, Thlarauva nun thar kan neihna tûr chu a entîr a. Baptisma channa zârah Kristâ thihna, phûmna leh nun thara thawhlehna chu entîrnain kan tawmpui a (*Rome 6:3, 4* nên khai khin la). Baptisma channa chuan pâwnlam taksa vaivut kâi min tlêng fâi mai ni lo vin, Kristâ thawhlehna zârah leh Pathian mithmuha chhia leh thâ hriatna fîm kan neihna zârah chhandam kan ni ta a ni (*1 Petera 3:21, 22*).

Helai thûa a khirh lai chu châng *19, 20*-in baptisma chan entîrna atâna Tûilêt laia Nova lawng a hman ta daih hi a ni (*1 Petera 3:21*). “Tân ina thlarau awmte” (NKJV) tih hi Tuilêt hmâa mîte sawina niin, “Nova hun laia lawng sak chhûng zawnga Pathianin dawhthei taka a ngah laia âwih duh lo ho” an ni (*1 Petera 3:20, NIV*). Kristan Thlarau zârah chanchin thâ chu Nova thuhiril hmangin “mi thîte hnênah” a puang a, chû chu an chungchâng rêl a nih theih nân a ni (*1 Petera 4:6, NKJV*). Anni kha ‘tân ina thlarau awm’ anga sawi an ni a, a chhan chu ni hnuhnunga an chungchâng rêlsak

tûra khêk an nih vâng a ni (*2 Petera 2:4, 9; Juda 6; leh Thupuan 20:1–3 nên khai khin la*).

Ngaihtuah Teh: Kristan Thlarau zâra A mi hmante hmanga thû a puan hi engtin nge ka lo chhân? Ka chhânna chuan rorêlsak tûra khêk nihna âiah chhandamna a thlen zâwk theihna tûrin engtin nge Pathian chu ka thawhpui theih ang?

III. Rorêlna Thlîr Lâwka Nungin (*1 Petera 4:7–11*.)

Peteran helai thû hi khawvêla mikhual leh ram dang mi anga khawsakna thûin a titâwp a. A lehkhathawn chhiartûte chu tâwpna huna rorêlna lo thleng tûr thlîr tûra tiin: “Thil zawng zawng tâwpna chu a hnâi ta,” (*1 Petera 4:7, NIV*) a ti a ni. Hê rorêlna lo thleng tûr hi thlîrin, awmzenei taka tawngtâi theih nâna rilru fîm tak nei tûrin a fuih a, chubâkah chuan thûk taka inhmangaih tlâng tûrin a fuih baw. *Thufingte 10:12* thû, ‘Hmangaihna chuan sual tam tak a khuh thîn” tih a la chhuak a (*Jakoba 5:20 nên khai khin la*), a awmzia chu “A chung a thil t̄a lo tih tâkte a thungrûl lo” (*1 Korin 13:5, AMPC*) tihna a ni. Pathianin ringtute a hmangaih tlâng theuh. Tichuan kan mawhpurhna ni ta chu, “Kawng hrang hranga Pathian khawngaihna kan dawn ang zêl a, chû chuan mi dangte rawngbâwlsak a ni” (*1 Petera 4:10, NIV*). Hê rawngbâwlna kan kalpui dân tûr chu “Pathianin chakna min pêk ang zêlin, Isua Krista zârah Pathian chu thil zawng zawnga châwimâwi a nih theih nân” (*1 Petera 4:11, NIV*) a ni.

Ngaihtuah Teh: Rorêlna lo thleng tûr hriatna neiin ka nung ngêi a ni tih finfiahna engte nge keimâ nunah hian lo lang? Nî tin hi ka hun hnuhnung ni dâwn ta se, engtin nge ka nun ang?

Sawihô Tûr Zawhnate:

❶ Thil dik kan tih a, a rahchhuahte pawh Pathian kan rinchhan avângin eng malsâwmnate nge kan dawn?

❷ *1 Petera 3:12 leh 4:7* sawi dânin, rorêlna lo thleng tûr hre renga ringtûte nun dân tûrah hian, ƣawngƣaina hian eng pawimawhna tak nge a neih?

RAHBI 3-NA—NUNA BEL TÛR

ZIRTÏRTÛTE PUÁL: Kristiante hi an vêla chêngte hian an hrethiam lo fo ƣhîn a. Mimal inahte inkhâwm a, kawng dang deuha Pathian biaknate an neih ƣhîn vâng hian thil mak danglam eng emaw tak tiin an ngai tlat ƣhîn a ni. LALPA Zanriah kîlnaah chibai an bûka taksa eiin, a thisen an in bawk a, chuvâng chuan ‘hring-ei’ titein an sawisêl a. “Unaupa leh ûnaunû” tia inko va, ‘hmangaihna ruâi’ kîl ho va, chhông khat ang maia ‘hmangaihna fawha infâwp’ (*1 Petera 5:14, NKJV*) tûra koh an nih avâng hian, mipat-hmeichhiat kawnga laichîn hnâi inhmang khaw lo, nun bawlhhlawh taka nung anga sawisêl an ni châwk. Chutianga dik lo taka puh nih theihna chu ngaihtuahin, chông chu pumpelh a nih theih nân. Peteran Kristianna chu an ƣhenawm khawvêngte hmuha dik taka nunpui tûrin a chah a. Krista pawh kha sualna rêng nei lo a ni chungin, tihlum a ni tho mai a, ringtûte pawhin chutianga bâk an beisei thei bîk chuâng lo vang.

Ngaihtuah Teh:

- ❶ Engtin nge ka nungchang leh rinna thûte dik lo taka sawisêlna ka hmachhawn ang?
- ❷ Engtin nge damchhông rei lohzia leh rorêlna lo thleng tûr hre renga ka nun ang?

Tihtûr: In pâwl ƣhenah khân khawtlângin Seventh-day Adventist-te an ngaihdân leh an ngaihsual theih dân âwmte sawi ho teh u. Engtin nge chutianga min ngaihsual theihna chu tidik/pumpelh tûra ƣan kan lâk ang? Engtin nge kan khawtlângah awmzenei deuh zâwka Krista leh A kohhran âi kan awh theih ang?

RAHBI 4-NA—BORUAK SIAM RAWH

ZIRTÏRTÛTE PUÁL: Mí tam tak, an khawtlâng leh vêng vêla pawm nih hlawh vak lo emaw, khawtlânga harsatna tâwk emawte hian mahni-inthlahrun leh insitna neiin, rilru beidawnna an nei thei a ni. Rilru lam zir mîte chuan, chutiang damdâwi ða ber chu, chêt chhuah a mi dangte rawngbâwlsak niâwmin an sawi. Keini âia dinhmun châu deuh zâwkte rawngbâwlsaknaah hian lungâwina leh lâwmna a awm a, chû chuan thluâk—endorphins, dopamine, leh oxytocin hnathawh a tichak a, chû chuan lungâwina, hlim leh lâwmna a thlen a, natna chhâwkin, rinrû pawh a tihahdam ðhîn. Rawng va bâwlsakten an lâwmthû min hrih han hriatna a ðangin a hlâwkna chu kan têt ðhîn a. Peteran thûk/thinlung taka inhmangaih tûra thurâwn min pêk hian, phunnâwi lo va ngilneihna lanfûr te, thilpêk dawn ang ang mi dangte rawngbâwlsak nâna hman te hi heta tiâmsak malsâwmna dawn theihna chu a ni.

Tihâtûr: In pâwl member-te chu *1 Petera 3:8–4:11*-a târlan thupêkte leh fuihna thûte târlang tûrin fuih la, chutiang thil ataka hlen chhuah zâra hlâwkknate leh malsâmnate pawh chu târlang tûrin ti bawng ang che. Hê zirlaia târlan tâk thurâwn hrang hrangte ataka hman theih dân tûr kawngte chu sawi ho ang che u.



IN STEP WITH JESUS

The Journey Begins 0-8163-2605-3 The Power of Love 0-8163-2607-X

The Power of the Word 0-8163-2609-6

The Power of Mission 0-8163-2611-8

The General Conference has prepared four New Members' Bible Study Guides—one for each quarter—to help new members connect with church members and with God during their first year of church membership.

Châng Thlan: *1 Petera 4:12–14, 19.*

Zirlaite Tân:

Hriat Tûr: Krista zuitûte tân chuan fiahna leh tawrhate hi thil thleng ngêi tûr leh hamthatna leh malsâwmna anga thlîr a nih zâwk dân hriat.

Vei Tûr: Fiahnate hi mi sualte chhandam nâna Pathian ruâhman a ni tih hriatna chung a lâwmna ataka chan.

Tih Tûr: Siamtu rinawm hnêna mahni inkawltûr leh thil thâ tih zui zêl.

Thupui Then:

I. Hriat Tûr: Fiahna leh Tawrhate Thleng Tûra Rin

- A. Engati nge ringtûten fiahnate hi Kristian nun pêng khat anga thleng tûra ring tûr an nih?
- B. Engtin nge Petera thurâwn hi Thuthlung Thar châng dangte nên a inrem tlân? (En tûr: *Matt. 5:10–12; 24:9; Johana 15:20; 2 Korin 12:10; 2 Tim. 3:12; 1 Petera 1:6, 7; Jakoba 1:2–4, 12.*)

II. Vei Tûr: Fiahnate Tawrh Chhônga Lâwm

- A. Petera sawi dânin, engati nge ringtûte hi fiahnate an tawrh lai pawha hlim tûr an nih?
- B. Kristâ hming avânga chêksawlhna hi engtianga chhông tûr nge kan nih ang?

III. Tih Tûr: Rinawm Tlat Tûra Intiâm

- A. Rinawm châkna neih leh rinawm tûra intiâm hi enge a danglamna?
- B. Engati nge Petera hian “Siamtu rinawm” (*1 Petera 4:19, NIV*) tih hi a târlan? (*Thupuan 3:14* nên khai khin la.) Rinawm tûra kan intiamna nên eng inzawmna nge awm?

KHÂIKHÂWMNA: Petera lehkhathawn chhiartûte chu, anmahni fiahna tûr thil tawrh har takte an chung a thleng thei a ni tih hre tûra hriattîr an ni a, chû chu “Pathian chhôngte zîngah rorêl hun a nih tawh vâng a ni,” (*1 Petera 4:17, NASB*). Chûng chu makti taka dawngsawng tûr an ni lo va, Kristâ tawrhate tawmpuitu an nih

avângin an lâwm zâwk tûr a ni; Siamtu rinawm hnênah chuan inkawltûrin, thil dik tih chu an chhunzawm zêl zâwk tûr a ni.

INZIRTÎR DÂN TÛR

RAHBI 1-NA— CHAWKPÛR RAWH

Bible Châng Thlûr Bing Tûr: *1 Petera 4:12, 13, 19.*

Thlarau nun thanna atâna thu pawimawh: A tûr aţanga a tâwp hmu lâwkvektu Pathian chuan, keini leh kan thlarau thanna atâna thil tha ber tûr chu A hre vek a. Fiahna leh harsatnaten kan nuna nungchang-chherna a thlen dân pawh A hmu vek bawk (*1 Petera 1:6, 7; Jakoba 1:2–4*). Isua pawhin A tawrhna hmangin thuâwih leh nungchang tha famkima chherpuitlin dân a zir ang khân (*Hebrai 2:10; 5:8, 9*), keini pawhin, A tih anga kan tih a, Pathian kuta inkawltûr a, thil dik kan tih vê tlat chuan, chutiang zârah chuan kan lo puitling vê thei ang. Hetianga tawrhna hmanga nungchang chher puitlin hi, kan tâna Pathian zahngaihna a ni (*1 Petera 4:19*).

ZIRTÎRTÛTE PUÂL: Sawifiahtu mi tam tak chuan *1 Petera 4:11* leh *4:12* hi thu hrang niin an hre tlâng a. *Châng 11* hi thutlângkawmna ‘Amen’ tiin a tâwp a. *Châng 12* hi tû emawte va biakna thûin a inţan leh ta thung a, Petera hian thu dang lo lang thar hmangin inbiakna bul a ţan thar leh ta niâwm tak a ni. Mi thenkhat chuan Rome khawpuia Lalber Nero-an ro a rêl laia (AD 64) khawpui kâng râpthlâk tak thû kha Petera hian a hria ang a, chuvâng chuan a lehkhathawn chhiartûte chung a ‘fiahna na tak’ lo thleng tûr angin a hmû niin an ring. Chutiang chiah chu Petera sawi tum a ni tih kan Chiang chiah lo nân, Rome khawpui kan hun nêh kha chuan induh vêl viau âwmin a lang. Eng pawh chu ni se, Petera khân ringtûten an hmachhawn tûr tihduhdahna meipui lo alh tûr chu a hmu lâwk a. Chutiang tihduhdahna chu, khawvêl hun nhuhnungah pawh a lo la thleng dân tih a hmû a ni (“Engkim tâwpna chu a hnâi ta” tiin a sawi [*1 Petera 4:7, NIV*]). Hê a thusawi hi tlip nân *Ezekiela 9:6* thû: “Rorêlna chu Pathian chhûngte-ah ţan a hun tawh sî a” (*1 Petera 4:17, NASB*) tih kha a la chhuak a. Chutiang thil lo

thleng tûr chu Amah Isua ngêi pawh khân a lo sawilâwk a ni lâwm ni (*Matt. 24:9; Johana 16:2*)?

Hawn Nâna Tihtûr leh Sawi Ho Tûr: In pâwlte chu 2 *Timothea 3:12* chhiar rualtûr la. Parthian mi rinawmte chung a tihduhdahna thlen chhan hrang hrangte chu sawi ho teh u. In pâwl member-te chuan *Thupuan 12:17*-a sawi dragon thinrimna ang chî hi atakin an lo tawng vê tawh nge, la tawng lo?

RAHBI 1-NA—ZAWNG CHHUAH RAWH

ZIRTÏRTÛTE PUÁL: *1 Petera 4:12*-in a sawi ‘fiahna na tak’ tih hi Grik tawng kallhmang zirna lamah tûna thil thleng mêk nge, lo thleng tan nge, Petera lehkhathawn chhiartûte hmalam huna thleng tûr zâwk tih a Chiang chiah lo. ‘Fiahna na tak’ (pyr-osis) tih hian tûna thil kal mêk sawina ang chi thu pahnih hmangin, thil in tan tawh tûna kal mêk emaw, thil lo thleng deuh nghâl mai tûr te, nakin lawka thleng tûr tûna thleng mêk anga sawina te pawh a kâwk thei. *Châng 17*-a Petera sawi erawh hi chu, rorêlna tan hun niin, a awmzia pawh a Chiang thawkhat a. *Châng 14-16* lama ‘chuan’ tih hian thil la thleng chiah lo, thleng ngêi tûra ngaih theih a kâwk thung a ni.

ZIR ZÂUNA

I. Tawrhna Chunga Kan Rilru Puthmang (*1 Petera 4:12, 13.*)

Petera hian *1 Petera 4:12, 13*-ah thil pawimawh pahnih a sawi a. Pakhat chu fiahna leh tawrhna kan chung a lo thleng hi, kan chung a thil mak lo thleng angin mak kan ti tûr a ni lo, chutiang chu hrilhlâwk diam kan ni tawh (*Johana 15:18–21, 16:2–4*) tih a ni. A dang chu, kan chung a tawrhna a lo thlenin kan lâwm zâwk tûr a ni, Kristâ tawrhate tawmpuitu kan ni zâwk sî a tih a ni. A ropuina tihlan (A lo kal) hunah kan lâwmna chu a la zuâl zêl dâwn a ni

(*1 Petera 1:6, 7; Jakoba 1:2–4*). Pathian khawngaihna zârah, chutiang rilrû chu kan put phawt chuan, chinfel theih lo eng mah kan nei lo vang.

Ngaihtuah Teh: Engtin nge fiahnate leh tawrhate hi kan hmachhawn ang? Engvângin nge hêng thilte hian min thâwn thut lohna chhan tûr?

II. Tawrhnaa Kan Nuntawng (*1 Petera 4:14–16.*)

Châng 14 leh *16*-ah hian “chuan” tih thû a lo lang a, hêng hi (Grik tawngin) thil nih dân dik tak sawina ni tho vin, chêksawlh leh tawrhate chu hmalam huna lo la thleng ngêi tûr anga ngaih a ni. Petera hian chûng chu ataka a lo thlen hun atân a lehkhathawn chhiartûte chu thurâwn a lo pe lâwk a; Kristâ hming avânga chêksawlhna lo thleng chu malsâwmna anga thlîr a, tawrhna avâng chuan Pathian chu fak zâwk tûr a ni. A kêra *châng 15*-naah hian Peteran khapna thupêk ang zâwng tawngkam a hman a, chû chu hmalam hun thlîrin, a lehkhathawn chhiartûte chuan thil sual tih vânga tawrhna an pumpelh tûr a ni tiin thurâwn a pê a. Chû âi chuan Kristâ hming an put avânga mualphona an tawrh pawhin, hamthamna ngaiin an lâwm zâwk tûr a ni.

Ngaihtuah Teh: ‘Kristian’ tih thû hi Thuthlung Tharah hian *Tirhkohte 11:26; 26:28*-ahte chia hman a ni a. Kristian ni vê loten an hmuhsitna tawngkam a ni. Tirhkohte hunlai khân, engtin nge thil dik tih avânga tawrhna khân hê tawngkam hman hi awmzenei tûra a tanpui?

III. Rorêlna Hun (*1 Petera 4:17, 18.*)

1 Petera 4:17-ah hian, Peteran a lehkhathawn chhiartûte hnênah hetih huna ‘fiahna na tak’ lo thlen chhan ni thei tûr âwm chu a hrilh a. A hmâin “Engkim tâwpna hun chu a hnâi ta” (*1 Petera 4:7*, NIV) tiin a lo sawi tawh a. Hun hnuhnung thlîrin, Isuâ lo kal leh hmâa Rorêlna, *Ezekiela 9*-in a lo sawi lâwk, Pathian chhûngte chung a tan mai tûr (tûnah chuan tempul âiin kohhranah) chu a hmu lâwk a ni ang. Hei hian mi suaksualte chu “khawpuia thil tenawm tih vânga lungngai leh tap thînte” (*Ezek. 9:4*, NIV) laka thliâr hrangin, Pathian chhûngte chu tihthianghlim an ni ang. Tihduhdahna

hmanga ‘fiahna na tak’ chuan chutiang chu a thlen dâwn a. *Ezekiela 9:6* hian LALPÂ thusawi: “(Inthah hnâ) chu hmun thianghlîma ãan” tûr chu a târlang a. Tichuan tempul kawta (chhûnga) upa awm ho a tang chuan ãan a ni ta a ni (NIV). *Thufingte 11:31* thû hi a hmâa thil thleng tawh anga sawiin, Peteran, “Keimahni chungã ãan a nih chuan, Pathian chanchin ãa âwih lotûte chungã thleng chu eng tak ni ang mâw?” (*1 Petera 4:17*, NIV) tiin zawhna a siam ta hial a ni.

Ngaihtuah Teh: *Ezekiela 8*-ah, Pathianin inlârna hmanga zâwnei hnêna thil tenawm lian tak tak chi lî (Jerusalem tempul) chhûnga tih, a thin tirimtute chu Pathian in a hmuhtûr thû kan chhiar a. *Ezekiela 9*-ah A in chhûng ngêia chûng thil tenawmte ti ðhîntû A mîte chungã Pathian hremna a chuâng a. Pathianin mi pakhat, puanzâisîna inthuan, chhinchhiahna hlotui keng hnênah khawpui chu fang chhuak a “khawpui a thil tenawm tihte avânga lungngaia ãap ðhînte chu an chala chhinchhiah” (*Ezek. 9:4*, NIV) tûrin a hrilh a. Chutah thahna tûr hriamhrei keng mi parukte chu puanzâisîna inthuan chu zuia khawpui chu fang chhuak a, zahngaihna tel miah lo va that vek tûrin thû a pê a. “Mahse chhinchhiahna pû tû mah khawih suh” (*Ezek. 9:6*, NIV) tih a ni. Petera khân hetiang zâwng hian Pathian chhûngte chungã rorêlna chu a hmû a ni. Hê chhinchhiahna hian enge a entîr a, engvângin nge chû chhinchhiahna chu dawng tûra Pathian mîte hian ðahnemngai viau tûr an nih ang?

Sawihô Tûr Zawhnate:

- ❶ Keimahni nuna fiahna leh tawrhna lo thlengte chungã hian eng rilrû pu tûr nge kan nih?
- ❷ Engati nge Pathian chu Siamtu rinawm a nihna rinchhan a, fiahna leh harsatna kârah pawh thil ðhâ kan tih chhunzawm zêl ang?

RAHBI 3-NA—NUNA BEL TÛR

ZIRTÛRTÛTE PUÂL: Peteran *Thufingte 11:31* thû “Khawvêlah hian mi felte mah chhandam hrâm an nih chuan, Pathian ngaihsak lo leh mi sualte chu engtin tak ni ang maw?” (*1 Petera 4:18*) tih a sawi a.

Hê thû hi a dik rêng a ni, a awmzia chu mi fel pawh harsa taka chhandam an ni dâwn tihna a ni. Bible-in hê thû a sawi hi eng a tihna nge ni ang? Mi thenkhat chuan bo nih âi chuan chhandam nih a awlsam zâwk an ti a. Kristiante hian hê thû hi enganga hrethiam vê tûr nge an nih?

Ngaihtuah Teh:

- ❶ Mahnî nunah hrehawm tuâr tûr ka ni dâwn em ni tiin zawhna siam ta ila, engati nge chutiang zâwng rilru put chu a dik loh?
- ❷ Fiahna leh harsatnate a lo thlen chângin rilru dik put theih nân ka nunah enge lo thlen hmasak ngai ang? Chutiang harsatnate chu engtin nge ka lo dawnsawn thin?
- ❸ Engtiang kawngtein nge keimâ nunah, Pathian chu rinawm, Siamtu innghahna tlâk a lo nih?

Tihtûr: In pâwl thenah, tûn huna Kristiante chu an rinna avânga tihduhdah an nihna hmunte leh, tihduhdahna an hmachhawn dân sawi ho teh u. An tâna tawngtaisak thin tûrin tawngtai pâwl din ula, member zîngah harsatna lo tuâr tawh emaw, fiahna leh harsatna tuâr mai thei âwmte in hre deuh bîk dâwn nia.

RAHBI 4-NA—BORUAK SIAM RAWH

ZIRTÎRTÛTE PUÂL: Mi tam zâwkte hi chuan Kristâ hming avânga tihduhdahna tihtham kan la tuâr lo maithei a, mahnî nuna fiahna lo thlengte erawh chu kan hre vê nualin a rinawm. Hetah hian Peteran fiahna lo thleng satliah a sawi lo va, Kristian nih avânga fiahna khirh zual deuh ang chî a sawi a ni (*1 Petera 4:14, 16*). Petera lehkhathawn chhiartûte dinhmun zu lainat phâk tûr chuan nuntawnga kan lo paltlang vête pawh a ngai maithei. Tûnlai huna mîte pawhin an paltlang mêk zu hriatthiampui tak tak thei tûr chuan, kan zînga member tûten emaw an tawn ngêi an sawi ngaihthlâk hi a sâwtpuiawm thei hlê a ni. Chutiang atân chuan www.opendoorsusa.org/Christian-persecution/stories tih hi lo luhchilh vê teh u.

Tihtûr: A theih chuan, khawvêl map lian tâwk zâr thei ula. Kristâ hming avânga tawrhna thlenna hmun hrang hrang inkawhmmuh thei ta ula. Chûng hmuna harsatna tuâr ringtûte, hriat theih a nih phei chuan an hmingte pawh lam ngêia ãawngtaisak ni se a ãh ang.

ZIRLAI 7-NA

ZIRLAI KAIHTÂWI

MAY 13, 2017

Châng Thlan: *1 Petera 5:1–6.*

Zirlaite Tân:

Hriat Tûr: Hruaitu nih leh mi dangte rawngbâwlsak nâna a ki pui ber chu inngaihtlâwm a ni tih pawm.

Vei Tûr: Isuan a entîr inngaihtlâwmna rilrû leh hmangaih rawngbâwlna ngaihhlut leh, chutiang rilrû chu mi dangte chung a entîr châkna lanfîr.

Tih Tûr: Pathianin a ãul dân anga A hman ãangkai nih theih nâna A kut chak tak hnuai mahni inphahhnuai tûra ngenna ngaihven.

Thupui Then:

I. Hriat Tûr: Kristian Hruaitu Thawksâwt Nihna

A. Peteran kohhran hruaitûte chu eng rilru pû leh sùkthlêk nei tûrin nge a ngen?

B. Petera upate chu eng hna bîk chi hnih nge ti tûra a koh? (*Tirhkohte 20:28 nêk khaihin la.*)

II. Vei Tûr: Inngaitlâwm leh Rawngbâwl Tûra Kohna

A. Peteran upate chu eng rilru chi thum bîkte nge pu tûrin *1 Petera 5:2, 3-ah thû a râwn?*

B. Eng rilru sùkthlêk pu tûrin nge Peteran a lehkhathawn chhiartûte chu a beisei (*1 Petera 5:5, 6*)?

III. Tih Tûr: Pathian Kut Chaktak Hnuai Intihnuai Rawh

A. Engtiang kawngtein nge kohhran hruaitûte hian enkawltua ãang chungin chhiahhlawh-hruaitu nihna hi entawntlâka an kalpui theih ang?

B. Peteran kohhrana tlangvâl hote chu upa zâwkte nêna engang inlaichinna nei tûrin nge a beisei (*1 Petera 5:5*)?

KHAIKHÂWMNA: Upate chu berâm pû (pastors) leh kohhrante enkawltu ni kawp tûr an ni. Peteran ringtu zawng zawng, naupang

leh upate zîngah leh hruaitu nihnaah pawh inngaihtlâwmna leh rawngbâwlna rilru pu tûrin a ko va. Pathian chuan A kut chak tak hnuaiia mahni inngaitlâwmte chu A la châwisâng dâwn a ni.

INZIRTÎR DÂN TÛR

RAHBI 1-NA—CHAWKPHÛR RAWH

Bible Châng Thlûr Bing Tûr: *1 Petera 5:5, 6, 10.*

Thlarau nun thanna atâna thu pawimawh: Kohhran hian hruaitu thâ, enkawltu leh châwm puitlingtu nihna hnâ thawk kawp theite a mamawh a. Chutiang mî ni tûr chuan mi intithû tak âiin inngaitlâwm, mi dangte rawngbâwlsak châk, leh tihdân tûr kawng entawntlâk nih a ngai. Upate chu chutiang rawngbâwlsakna rilrû pu tûra koh an ni a. Thalaite pawh chutiang hruaitûte hnêna intulût tûra koh an ni bawh. Chutiang inngaihtlâwmna leh rawng inbâwlsakna rilru pû kohhran chu, Pathianin vântlâng hmâa A chawisân ang ngêia chak leh dingnghet a ni ang.

Zirtûrtûte Puâl: Kohhran hmasâ kha inawp felna lamah hian a la pachhe hlê a. Tirhkohte kha hruaitu hmasâte chu an ni mai a, mahse tirhkohte theihna hmanga enkawl theih bâkin kohhran kha a pung chak a ni. *Tirhkohte 6:1–6* hian chutiang enkawl mawhphurhna la tûr hruaitu dangte ruat belh a nih thû a târlang a. Chûng mîte chu a hnûah chuan *rawngbâwltu* (deacon) tih an ni ta a, a awmzia chu ‘mi dangte mamawh ngaihtuhsaktu’ (*diakonoï*) tihna a ni. A hnûah chuan kohhran mipuite thlarau lam mamawh phuhrûktu tûr hruaitûte pawh ruat a ngai tih tirhkohte khân an hre ta zêl a (*Tirhkohte 14:23; Tita 1:5*). Chutiang mîte chu ‘upate’ (*presbyteroï*) tih an ni a, a awmzia tak chu kumah pawh upa lam, pal leh sut lo ngah tawhte sawina a ni. Apostolte kha tirhkohte an ni a, upate erawh chu tuâlchhûng kohhrana hruaitûte an ni thung. *Tirhkohte 15* sawi dânin, hêng mi chi hnihte hi lo kal khâwmin, a vawi khat nân Jerusalem Rorêlnaah khân kohhran âi an awh a ni.

Hawn Nâna Tih-tûr leh Sawi Ho Tûr: In pâwlte chu *Tirhkohte* 20:17, 18, 28–31 chhiar rualtûr la. Tirhkoh Paulan hêng upa hoten kohhrana an thawh tûra a beisei chu sawi ho ula, Peteran a lehkhathawna upate tih tûra a beiseisak nêh khâikhin teh u. An thawh tûr thil thuhmun ni thei chu engte nge ni? Chû chuan an nihna sawina hian enge a târlan?

RAHBI 1-NA—ZAWNG CHHUAH RAWH

ZIRTÏRTÛTE PUÂL: *1 Petera* 5:1–3-ah hian, kohhran hruaitûte sawi nân thumal hrang pathum hman a ni a, chûngte chu—Upa te, enkawltû te, leh berâmpû te niin, a hnukung pahnih pheh hi chuan an thil tih a târlang nghâl a. Hêng thil pathumte tho hi *Tirhkohte* 20:28-ah pawh hman a ni a. A pakhatna, “Upate,” tih hi a chungah kan sawi tawh a. Hê nihna hi tuâlchhûng kohhran hruaitûte sawi nân tânglâwn taka hman a ni thîn. Thuthlung Hlui lamah pawh, upate chuan mipuite tâna thurâwn pêk leh rorêlsak hnâ an thawk thîn a. Thuthlung Thar kohhranah chuan upate (“enkawltute [NKJV]) chuan thlarau lam hruaitu ni tûr chuan thiamna bîk eng emawte an neih a ngai a ni (*1 Tim. 3:1–7; Tita 1:6–9*). Petera khân mahni a insawi dân chu “upat pui” (sympresbyteros) tih niin, chu chuan anmahni zînga pakhat angin a inchhiar tih a tilang (*1 Petera 5:1, NKJV*).

Thu pahnihna leh pathumna hi thiltitute, thil tih sawina a ni. “Berâm vêngtu emaw, vêngtute nih” (*poimaino, 1 Petera 5:2*) hian châwm puitling lam thû a sawi a. Chû chu “pastor emaw, châwmtu nihna hna thawk” (*poim-en*) ran rualte an tlatna tûr hlobet hmun lama hruaitu angin kan sawi thei ang. *1 Petera* 2:25-ah, Isua chu ‘thlaraute Vêngtu’ tih a ni a. *1 Petera* 5:4-ah chuan, ‘Berâm Vêngtu Lalber’ (*archipoimen*) tih niin, chu chuan pastorte leh upate hian A thuneihna leh kaihhruaina hnuaiyah enkawltu nihna hnâ an thawk tih a kâwk a ni. *Hebrai 13:20* hian Isua chu “Berâm Vêngtu Ropui” a ti a, chû chu Amâ inkoh dân chiah “Berâmpu T̄hâ” (*Johana 10:11, 14*) niin, mi dangte Entawntûr ni tûrin Mahni a insiam a ni.

Peteran a hman dân dang leh chu “Enkawl hna thawk” (*1 Petera 5:2*, NKJV, *episkopeo*, NASB) tih niin, chû chuan enkawl emaw, vil hnâ emaw thawk tih a kâwk a. *1 Petera 2:25-ah*, Isua chu ‘kan thlaraute Vêngtu’ (*episkopos*, NIV) tih a ni a. Upate thlarau lam hruaitu an nihna hi Isuan kan thlarau min enkawlsakna hnâ an lo thawh nê ang khat a ni. Chuvâng tak chuan *Hebrai 13:17*-in ringtûte chu “In hotûte thû âwih ula, an hnênah intulût rawh u, chanchin sawi tûr an nih angin, in thlarau vênaktu che u an ni sî a,” (ESV) tih a ni.

ZIR ZÂUNA

I. Kohhran Hruaitu Thawkhlawkte Nihna (*1 Petera 5:1-4*.)

Amah Petera pawh upa a ni a, a upat puite hnêna ngenna siamin, an kut hnuai awm Kristâ berâm pakhat mah hloh an nih loh nâna Pathian berâm rualte chu châwm puitling tûrin a ti a ni. Tichuan, Berâmpu Hotu chu a lo kîr leh hunah, ropuina chuai thei lo chu an chang ang. Upaten an hnuai awmte rawng an bâwlsak dân tûr kawng thum a awm a, chûngte chu: 1) tihtûr, emaw, bat emaw a nih vâng ni lo, thinlunga châk tak zâwkin; 2) sum leh pâi lama hlâwkna beisei lo va phûr takin; 3) inngaitlâwm takin, an berâmte chu khalh lo vin, entîrna hmangin kaihrui zâwk rawh se.

Ngaihtuah Teh: Engtiang kawngtein nge Isua, Berâmpu Hotu chuan chûng thilte chu ataka A lo kalpui?

II. Member-te Hnêna Thurâwnnte (*1 Petera 5:5-7*.)

La thalai deuh zâwkte chu upa deuh zâwkte hnêna intulût tûra beisei an ni a, mi dangte thâtna tûr chu an ngai pawimawh hmasa zâwk tûr a ni. Chutianga intulût tûr chuan Peteran a thurâwn hmasa *1 Petera 2:13-3:7* lamah khân a lo sawi tawh a. A tâwpah, mi zawng zawngte chu an inlaichîn tawnaah inngaihtlâwmna inbel theuh tûrin a zirtîr a, *Thufingte 3:34* thu behchhanin *1 Petera 3:10-12-ah* hian fuihna thû a sawi a. Pathianin mi chapote A dodâlna leh mi inngaitlâwmte chung a khawngaihna A pêk duhia

behchhanin, mi zawng zawngte chu Pathian hmâa inphahhnuai tûr leh, a hun taka A la châwisân hun chu nghâk tûra thurâwn pêk an ni. Hmânlai atanga tûnlai thleng pawhin, inphahhnuai chu retheih leh vântlâng zînga dinhmun hniam nên kal dún deuh tlângpui mah se, ringtûte chuan chutiang lam chu an engto vak a ngai lo. An dinhmun tûr lo engtotu atân Pathian an rinchhan thei a, an mamawhte pawh A phuhrûksak mai ang.

Ngaihtuah Teh: Ka mihringpuite nêna kan inkûngkaihnaahte hian mahni kan inngaihtlâwm theih dân tûr atâna ataka tih theih thenkhat chu engte nge ni?

III. Diabola Lalrama Chêng (*1 Petera 5:8–11.*)

Pathianin min ngaihsak a. Chutih rualin, hmêlma pa ramah kan la chêng rih a ni tih hi kan theihngihilh ngai tûr a ni lo. Chutichuan, mahni-inthunun leh inring reng tûrin min fuih a, a chhan chu kan hmêlma pa hi sakeibaknei riltâm ang maia a phî chung a, ‘a ei theih tûr a zawn ruâi’ vâng a ni (*1 Petera 5:8*, NIV). Sakeibaknei hian a saseh tûr hi a veh them them thîn a. Lo beihna tûr remchâng a hmuh thlengin a inthup rih thîn a ni. Tawngtai thei tûra (*1 Petera 4:7*) dâltu insiam lo va, inring reng a, rilru harhfim leh mahni-inthunun tlat kan nih loh chuan hlauhawm lo thleng tûr hi kan lo hre lo mai ang. Fîmkhur leh ngaihven reng bâkah, ‘amah chu lo dodâl a, rinnaah chuan ding nghet’ (*1 Petera 5:9*, NIV) tûra fuih kan ni bawk.

Peteran a lehkhathawn chhiartûte chu mahni maia hmêlma pâ thinrimna hmachhawn tûr an ni lo tih hriat nawntfirin, “khawvêl puma in ûnaute chungah pawh chutiang tuârna chu a thleng a ni” (*1 Petera 5:9*, NIV) tih hrethiam tûrin a chah a. Chuti chungin, “Rei lo tê in tuâr hnûin” khawngaihna zawng zawng Pathian chuan “siamtha famkimin a, a tinghetin, a tichak ang che u,” (*1 Petera 5:10*, NIV) tiin Petera tlâng a kâwm zui a. Kan chakna hi keimahnia awm a ni lo va, A chatuan ropuinaa min kotu kan Pathian-ah a awm zâwk a ni.

Ngaihtuah Teh: Ni hnuhnunga Pathian thupêkte vawng a, Isuâ hriattîrna thu pawmtûte chungah Setana (dragon) hi a thinrim a (*Thupuan 12:17*). Kristâ sipaite kan ni a, chuvângin harhfîm leh inring renga kan awm a ngai. Engtin nge hmêlma pâ ramah hian Pathian sipai anga ka nun theih ang?

Sawiho Tûr Zawhnate:

- ❶ Mi dangte, thlarau lam hruaitûte emaw, naupang zâwkte emaw, kohhran member tûte nêh pawha kan inlaichînnaah hian engang rilru pû nge kan nih kan lantîr ðin?
- ❷ Inring, rilru fîm leh mahni-inthunun ni tûr hian engtinte nge hmâ kan lâk mêk? Engtiang kawngtein nge ramhuai pâ min beih dân kawngte kan lo hriat theih ang? Engtin nge ngaihven chungah kan ðawngtai dân?

RAHBI 3-NA—NUNA BEL TÛR

ZIRTÎRTÛTE PUÂL: Tûnlai huna kohhrante hi kohran hmasa hun laite âi kha chuan pêng hrang a tam ta hlê. Kohhran chhûng leh khawvêlah pawh hetiangah hna pêng hrang thawktu pâwl neih hi a ðul ta a ni. Thuthlung Thar huna upate kha pastorte leh enkawltute (KJV: “bishops”; *1 Tim. 3:1, 2; Tita 1:7; 1 Petera 2:25*), thawh ang thawktû an ni. Thlarau lam hruaitu dangte chu tirhkohte leh deacon-te chiah kha an ni a, deacon-te erawh kha chuan kohhran chhûnga thil ataka tihtûr lam kha an hmâ deuh a, chutih laiin tirhkohte leh upate kha chuan thlarau lam thil, sâkhaw serh leh sâng lam an khawih deuh bîk ðîn a ni (*Tirhkohte 6:1–4; 15:2, 4, 6, 22, 23; 16:4; 1 Tim. 5:17*).

Ngaihtuah Teh:

- ❶ Kohhran inawpna inkhâi chhâwn dânah âiawh intirh vêl behchhan chu enge ni a, Bible zirtîrnate nêh enge a inzawm dân?
- ❷ A kohhrana inkaihhraina chungchânga Pathian min hruai zui zêl dânah engati nge rinningamna kan neih theih ang? Isua,

Berâmpu Hotu khân A berâmte himna hmuna hruai tûrin enge
A tuipui?

Tihtûr: In pâwlte chu *1 Timothea 5:17* leh *Hebrai 13:7, 17* chhiar rual tûrin sâwm la. In pâwl member-te chuan kohhrana thlarau lam hruaitûte an tãwiâwm leh, ngaihhlut theih dân tûr kawngte sawi ho ula. Ataka chêt-pui tûr thil pakhat tal ruâhman ang che u.

RAHBI 4-NA—BORUAK SIAM RAWH

ZIRTÏRTÛTE PUÁL: Kohhran member tam tak chuan tûnlai huna kan kohhran inawp chhâwn dân leh hnâ an thawh dân pawh an hre meuh lo va, tuâlchhông kohhran ațanga a sâng ber thlenga kan inthlan dân leh sum leh pai kal vêl dân pawh bangbo tak an ni hlawm. Inkaihhruai leh inawpna chinbi hrang hrangah hian, hun bî tê tê neih a ni a, chuvângin chutianga nihna hrang hrang chelhtûte chuan, an hun tâwpa inthlan leh hmâ loh chuan an hnuai mîte enkawl/awp hnâ hi an thawk tihte pawh an hre lo a ni maithei e. Adventist Kohhran chhônga hruaitu leh thuneiha kalhmang tângpui inhrilh pawh a sâwt-puiawm thei ang; tichuan chutianga inawpna kalpui a nih chhante pawh an lo manthiam vê thei ang. Chutiang atân chuan Church Manual-a kohhran inawp dân hriatthiam nân a țangkai thei viau ang.

Tihtûr: A remchân theih chuan Seventh-day Adventist Kohhran inawpna leh thuneiha inkhâi chhâwn dân chart siam ni se. Kohhran chhônga inawpnaa thuneiha kal tawn dânte pawh inentîr theih ni se, Krista chauh lo chu, tû mah mimala thuneiha pumhlûm nei an awm lo tihte inkawhhmuh ni thei se a țha hlê ang.

* * *

Châng Thlan: *1 Petera 1:18–21.*

Zirlaite Tân:

Hriat Tûr: Petera Pathian thu sawi leh zirfîrnaah Krista chu laipuia neiin, Messia a nihna te, tawrhna leh thihna, thawhlehna leh lo kal lehna tûrte pawh a tel vek.

Vei Tûr: Kristâ tawrhna te, rinna nuntawng leh A lo kal leh hunu ropuina la tihlan tûr beiseina nêna tâwmpui tûra Pathian koh nih hamthatna chanpui.

Tih Tûr: Nun thawrawng bânsan a, thil dik leh hmangaihnaa mi dangte rawngbâwlsakna rinawm taka hlen.

Thupui Then:

I. Hriat Tûr: Isua: Messia, Tlantu, leh LALPA

- A. Isuâ nun leh rawngbâwlna khawilai bîkte kha nge Peteran a lehkhathawnah a târlan?
- B. Isuâ nun leh rawngbâwlna Peteran thupuia a neih lai chu engte kha nge ni âwm?

II. Vei Tûr: Isuâ hniakhnung zui tûra kohna

- A. Peteran a lehkhathawn chhiartûte kha Isuâ hniakhnung zui tûrin a khawilai bîk deuhthe kha nge a kawhhmuh?
- B. Isuan Thuthlung Hlui hrilhlâwknae a tihfamkimna khân engtin nge tûnlaia Isua zui tûra thutlûknate siam tûra min han hneh zual deuh?

III. Tih Tûr: Isua Tâwk Tûra Inbuatsaihin

- A. Isuâ lo kîr lehna atâna inbuatsaih nân Peteran a lehkhathawn chhiartûte chu eng thurâwn nge a pêk?
- B. Engtin nge rorêlna lo thleng tûr hi kan lo thlîr? Kan hlâu deuh nge, nghâkhlel takin kan lo thlîr zâwk? Sawi ho teh u.

KHÂIKHÂWMNA: Peteran a thil sawi zawng zawngah Isuâ chungchâng thuchah a zep tel zêl a. Isua chu Thuthlung Hlui hrilhlâwknaa an Nghahfâk (Messia), Mahnî inhlanna zâra A mîte chu an nun sual kawngte aţanga tlan tûr a ni. Ani chu thihna aţanga tholehin, ropuina nên A rawn inlâr thuai tawh ang. Kristiante beiseina chu Amahah a awm a ni.

INZIRTÎR DÂN TÛR

RAHBI 1-NA— CHAWKPHÛR RAWH

Bible Châng Thlûr Bing Tûr: *1 Petera 1:3–9.*

Thlarau nun thanna atâna thu pawimawh: Pathianin Kristiante chu thihna aţanga Isua Kristâ thawhlehna zâra beiseina nung nei tûrin A hring a. Hê beiseinaah hian boral thei lo, chul thei lo, tihchingpen theih loh vâna ro luah tûr a tel a. Isua Kristâ lo kal leh hun a lantûr tûr chhandamna lo thlen thlenga Pathian chakna rinnain a humhim tlatte tâna khêksak a ni. Hê chhandamna beisei avâng hian Pathian kan fak a, keimahnia ropuina la lantûr tûr beiseiin kan nungchang chu siam thât chhoh zêl a ni bawk. Isua kan hmangaih a, keini pawh kan inhmangaih tlâng bawk. Chhel takin fiahnate kan tuâr fan fan a. Pathian leh A Thû chu ringin, kan rinna goal, kan thlarau chhandamna chu kan la chang ang.

ZIRTÎRTÛTE PUÁL: Isuan Petera nun A siam thâtsak a. Petera kha pianpui rênga huaisen, rorum, che sun mi, pâurâu tak a ni bawk. Ngaihtuah hmasa lo va ţawng phawng mî a ni a, chuvâng chuan a hlen theih loh tûr thutiam pawh siam mai niin, a tâwpah a LALPA pawh a phat leh mai. Chuti chungin, Juda ang lo takin, beidawnga bânsan mai lo vin, Petera kha chuan sualte simin, Krista a pan leh a, chuta chinah chuan A hungzuitu thahnemngai leh tantu ber a lo ni ta a ni. Ani kha kohhran hmasa hun chhûnga hruaitu langsâr ber niin, Paula erawh chu Gentailte tâna tirhkoh lâr ber a ni thung. Paula khân Petera chu kohhran ‘sûtpui’ zînga pakhat angin a ngai (*Gal. 2:9, NKJV*). Peteran Isua kha a hria a, a nuntawng ngêiah pawh Isuâ thiltihtheihna a chang a ni. Chutiang a nih avâng tak chuan a lehkhathawnah pawh ringtûte nuna Isuâ chên pawimawhzia a sawi nasa rêng a ni.

Hawn Nâna Tihtûr leh Sawi Ho Tûr: In pâwlte chu *1 Petera 1:3–9, 18–21* chhiar rual tûrin sâwm la. Hêng chângten an târlan chhandamna lo thlen dân thil chi hrang hrangte chu târlang tûrin sâwm la, chûng chu Isuâ nun leh hnathawh nêna an inzawm dân pawh sawitîr ang che.

RAHBI 1-NA—ZAWNG CHHUAK RAWH

ZIRTÏRTÛTE PUÂL: Isuâ nun leh thiltih khân Petera lekhathawn hmasa zâwk hi a luah khat a. Mahse, Isuâ nun leh thiltih chiang taka sawina chu *1 Petera 3:18*-ah kan hmû a, chû chu kan sual vânga kan âiawha Isua thihna leh, chutah Thlarauva nunna tûra A thawhlehna a ni. Hê lekhathawnah hian Isuâ tawrhna leh thihna chungchâng chiang taka sawina sâwm a chuâng a (*1 Petera 1:2, 11, 19; 2:21, 23, 24; 3:18; 4:1, 13; 5:1*), chû chu bung tinah a lang tihna ang a ni. A thawhlehna chungchâng chiang taka sawina palí a awm baw k a (*1 Petera 1:3, 21; 3:18, 21*). A vânlâwnna sawina hmun khat (*1 Petera 3:22*), bâkah A lo kal lehna tûr wavi ngâ a la awm cheu baw k (*1 Petera 1:5, 7, 13; 5:1, 4*).

ZIR ZÂUNA

I. Isuâ Tawrhna leh Thihna (*1 Petera 1:18, 19; 2:24; 3:18.*)

Isuâ nun leh thil tih chungchâng sawina tam zâwk chu A tawrhna leh thihna thû a ni. A tawrhna chungchâng sawina a tam ber a, hrehawm tuâr vê mêkte entawn atân a ni ber a (*1 Petera 1:11, 12; 2:21–23; 4:1, 13–16*); mahse kan sualnate vânga Isuâ thihna chu Pathian thû ang chuan chatuana chhandam kan nih nân a pawimawh zâwk a ni (*1 Petera 1:18, 19; 2:24; 3:18*). Hêng chângte hian kan sual man tlâk nâna kan âi awh thû min zirtîr a. Isuâ inhlanna zâra tlanna tel lo chuan, kan tân chhandamna kawng a awm thei lo vang. Chumi zârah chiah chuan Pathian pawh kan pawh thei a ni (*1 Petera 3:18; Johana 14:6; Tirhkohte 4:10–12; Hebrai 9:27, 28; 10:19–22*).

Ngaihtuah Teh: Isuâ tawrhna leh thihna chungchâng ngaihtuah nân nî tin emaw, kêr tin emaw hian hun enganga tam nge ka hman thîn?

II. Isuâ Thawhlehna (*1 Petera 1:3, 21; 3:18, 21.*)

Chhandam kan nih nâna Isuâ thihna a pawimawh laiin, A thawhlehna tel lo chuan ãangkaina a nei luâ lo vang (*1 Petera 1:3; 3:21; 1 Korin 15:14, 17–19*). Ani chu thi hlen lo va, A thawhlehna zârah chatuan nun beiseina kan nei a (*Matt. 28:5, 6; Luka 24:5, 6*), Ani chu “muhîl tâte tâna rah-hmasâ” (*1 Korin 15:20, NIV*) a ni ta a. A thawhlehna zârah, chatuana nung tûra thawhleh beiseina kan nei thei a ni. Petera chuan hê thupui hi manthiamin, an beiseina inngahna ni tûrin a lehkhathawn chhiartûte hmuhah a châwisâng a, hê lei nunah hian tawrhna leh thihna hial pawh tawng dâwn mah se, hê beiseina hi an nei thei ang.

Ngaihtuah Teh: *Rome 6:4*-ah, Paulan Isuâ thawhlehna chu nakin atâna chatuan nunna neih kan beisei theihna chauh ni lo vin, tûna thlarau nun thar ang chî neih theihna pawh a ni tih a sawi. Chatuan nun beiseina kan neih hi enga innghat nge ni?

III. Krista Vên Lâwnna leh Lo Kîr Lehna Tûr (*1 Petera 1:5, 7, 13; 3:22; 5:1, 4.*)

Isuâ tawrhna, thihna leh thawhlehna bâkah, Peteran Isuâ nun leh thil tiha thilthleng pawimawh dang eng emaw zât a târlang a. *1 Petera 3:22*-ah, Isuâ vên lâwn, leh A Puithiam Lal rawngbâwlna lam hawi thilthleng, “Pathian kut ding lama awm” thû a sawi (NIV; *Tirhkohte 5:31; Hebrai 8:1; 9:24; 10:11, 12nên khaikhin la*). Chutah Kristâ lo kal leh tûr thû ãum ngâ lai sawiin, tâwpna huna ropui taka A inlârna (*1 Petera 1:5, 7, 13; 5:1*) emaw, A lo lanna (*1 Petera 5:4*) tiin a sawi. Heta ropui taka inlârna hi Kristiante beiseina zawng zawngte lo famkim hun tûr chu a ni (*Tita 2:13*). Chû chu kan tâna vâna khêk ‘rochan chhe thei lo’ chu niin, kan thlîr ber leh chang tûra koh kan nihna chu a ni (*1 Petera 1:4, 3:9*).

Ngaihtuah Teh: Isua kan hriat dân tlânglâwn tak chu Isua Krista (Hriakthiha, Messia) a ni. Chutiangan Petera khân Isua chu Thuthlung Hlui hrilhlâwk naten min tiâm Messia chu a ni tih chiang takin *1 Petera 1:10–12*-ah a târlang a. Engtiang kawngtein nge Isua chu ka tân Tiamlâwk Messia chu a nih vê?

Sawihô Tûr Zawhnate:

- ① Peteran Thuthlung Hlui zâwlneite leh an hrilhlâwkna *1 Petera 1:10–12*-a a sawi hian, Isua, A nun leh rawngbâwlna a sawiah eng pawimawhna tak nge a neih?
- ② Isuâ tawrhate leh thihna chu a lekhathawn thupuia neiin, engati nge Peteran *1 Petera 3:15*-ah an thinlunga ‘Krista chu LALPA a nihna anga zahthiam’ tûra fuihna a zeh tel ni ang?

RAHBI 3-NA—NUNA BEL TÛR

ZIRTÛRTÛTE PUÂL: Inkûngkaihna lam thûte âi hian thurin lam thupuia neih zâwk hi a awl fû mai a. Tûn kêr zirlai hian a pahnihin a sawi kawp a, chhandam kan nih nâna thil pawimawh Isua nuna thilthlengte min thlîrpuiin, Peteran mi mal taka Isua a kûngkaihpuî zâra amâ nun leh rawngbâwlnaa a sâwtpui dân pawh min bihpui bawk. Hê zirlai hi zirtîrin, chhandamna atâna thurin chungchâng chauh ni lo vin, inlaichîna pawimawhna pawh sawi tel ngêi ang che. Peteran Isua a kûngkaihpuî dân sawipui ngêi la, chumi zâra a lekhathawnah pawh Isua chu thupuia nei a ni. Engtiang kawngtein nge kan thinlungahte hian Krista chu LALPA a nihna anga kan châwisân thin le?

Ngaihtuah Teh:

- ① A hnûa a nih tâk, thlarau lam hruaitu ni tûra Petera piantharna thlentu thil pawimawh zual chu engte nge ni a, zirtîrnate leh beiseina laipuih Isua chu a neih tâk?
- ② Isua chu Krista leh thinlung LALPA anga serh hrang tûrin, Amah nê inlaichîna awmzenei tak kan neihpuî tûr a ni. Chutiangan kan la ti lo a nih chuan, Isuaa beiseina nung nei tûrin engte kan tih theih ang?

Tihtûr: In pâwlte chu *1 Petera 4:1, 2, 7, 8; 5:6–10* chhiar rualtîr la. Isuâ tihdânin Petera chungâ hûhâng a nei viau anga kan nuna siamthātna a thlen theih dân tûr chu sawi ho teh u. Kan nuna an hmuh ang behchhanin, Isua nêna kan inkûngkaihnhate thlîrin kan vêla mîten engangin nge min hmuh ang? Engtiang taka ãanlâk ngâi nge ni?

RAHBI 4-NA—BORUAK SIAM RAWH

ZIRTÏRTÛTE PUÂL: Peteran a lehkhathawn hi Pathianin kan nuna danglamna thlentîr A duhte târlannain bul a ãan a. Thlarau Thianghlim tihthianghlimna hnathawh zâra Isua Kristâ thuâwih leh A thisena theh (*1 Petera 1:2*) ni tûrin Pathianin min thlang a. “Ani chuan a khawngaihna nasa tak ang zêlin, mi thi zîng ațanga Isua Kristâ thawhleha zârah, beiseina nung hmu tûrin min hring leh a, rochan chhe thei lo, bawlhhlawh kai lo leh chuai thei lo, vâna in tâna khêk chu hmuhna tûrin,” (*1 Petera 1:3, 4, NIV*).

Keimahnî nuna chutiang danglamnate a thlen dân tûr leh, chû beiseina nung an neih theih dân tûr a sawi hnûin, Petera khân a lehkhathawn chu, khawngaihna zawng zawng Pathian “Amah ngêi chuan dinthar leh che u a, tinghetin, a tichak ang che u,” (*1 Petera 5:10, NIV*) tia ãawng thlamuanin a titâwp ta a ni. “Hê [dinthar lehna],” bawk hi *1 Petera 5:12*-ah pawh a lehkhathawn chhiartûte chu tiam nawn lehin, “chû chu Pathian khawngaihna dik tak chu a ni. Chutah chuan dingnghet rawh u,” a ti ta a ni.

Tihtûr: Isua Kristâ nun leh rawngbâwlna hmanga târlan, Pathian khawngaihna dik tak chu, in kohhran huâng chhûnga puan chhuah a nih theih dân tûr ruâhmanna siam ula. Beiseina nung leh rochan chhe thei lo, chuai thei lo chang tûra pantharna hlui ang che u. Chuta tân chuan engtin nge *1 Petera* thuchah hi in hman ãangkai ang?

Châng Thlan: *2 Petera 1:3, 4, 10, 11.*

Zirlaite Tân:

Hriat Tûr: Chunglam chakna thilthlâwnpêk zârah kan nunna leh Pathian ngaihsakna atâna mamawh tin rêng dawn theih a ni tih manthiam.

Vei Tûr: Kristâ chatuan lalrama lawmluh min nihtîrtu tûr Kristian nun hlawhtling hriatna aţanga rîngamna ataka chan.

Tih Tûr: Kristian ţhatnate nasa lehzuala nunpui zâra ‘koh leh thlan’ nihna tichiang tûra ţhahnemngaih lehzual sauh.

Thupui Ţhen:

I. Hriat Tûr: Kristian Nuna Hlawhtlina Thurûkte

- A. Pathian thutiam ropui leh hlûte leh khawvêla châkna avânga chhiatna tlânsan tih hi enge a inkûngkaihna?
- B. Engtin nge Kristian ţhatna tin te chu LALPA Isua Krista kan hriatna kawnga thil ţhâ tichhuak tûra ‘kailâwn’ kan lâwn sân zêl theihna tûr nên a inkûngkaih?

II. Vei Tûr: Chatuan Nun Chianna Changin

- A. Engtin nge Peteran chutuan nun neih chianna neih chhoh zêl dân a sawi?
- B. Engati nge Peteran koh leh thlan kan nihna tichiang tûra ţhahnemngai tûra a tih?

III. Tih Tûr: Isua Krista Hriatna Changin

- A. Kan nun leh Pathian ngaihsak kawnga kan mamawh phuhrûkna tûr, keimahni min Kotu hriatna kan neih theihna tûra kan tih theih tûr engtin nge Peteran a sawi?
- B. Koh leh thlan kan nihna kan tihchiannain a rahchhuah tûr engte nge Peteran a sawi?

KHÂIKHÂWMNA: Petera hian ringtûten ‘koh leh thlan’ an nihna an chian theihna tûr thilte a târlang a; tichuan tlu ngai lo leh “kan LALPA leh Chhandamtu Isua Kristâ chatuan lalrama nasa taka lawmluhna dawng” (*2 Petera 1:10, 11, NIV*) an ni thei ang.

INZIRTÎR DÂN TÛR

RAHBI 1-NA—CHAWKPHÛR RAWH

Bible Châng Thlûr Bing Tûr: *2 Petera 1:2–4.*

Thlarau nun ðanna atâna thu pawimawh: Châkna bawlhhlawh avânga khawvêla chhiatna awm hi tlânsanin, vân mi nihna tawmpuitute nih hi a theih a. Kristian nuna mi hlawhtling leh kan LALPA chatuan lalrama lawmluh tûr nih chianna hi a neih theih bawk. Hêng thilte kan thlen theih dân tûr chu châng thlanah hian Peteran min hrilh a. Pathian leh Isua Krista—A thianghlimna entawn tûra min kotu (*1 Petera 1:15, 16 nêk khaikhin la*), hriatna awmzenei leh thil ða tichhuak thei chu kan nei tûr a ni. Kristian ðatna rahbêta a sawi hnûin, Peteran heti hian a sawi: “Chûng chu in tâ a nih a, a pun zêl sî chuan, kan LALPA Isua Krista in hriatna kawngah chuan thawk hlâwk leh rahchhuah theiin a vawng ang che u,” (*2 Petera 1:8, NIV*). Chunglam thiltihtheihnain A Thûa thutiam hlu takte hman theiha siamin, Pathianin vân mi nihna tawmpui min phalsak a, khawvêl aţanga kan rochun sual tih châknate pawh kan tlânsan thei ta a ni. Chutiang chuan, chatuana nung tlâk min nihtûr ta a ni.

ZIRTÎRTÛTE PUÁL: In pâwl member-ten Kristian ðatna kâilâwn rahbi tinte hi mahni chaknaa a chhîp thlenga lâwn zêl theia an inngaih loh nân, hêng zawng zawng hi awmzenei taka inzawmtûr a pawimawh a. Peteran “Belhchhah tûrin theihtâwp chhuah rawh u...” (*2 Petera 1:5, NIV*) tih hi a dik reng laiin, a lekhathawn chhiartûte chu mahni theihnaa lâwn tum tûr emaw, an ðahnemngaihna behchhana Pathianin hamðatna pê anga ngai tûr emaw chuan a fuih lo. Châng 3-ah khân a lekhathawn chhiartûte chu “[Pathian] thiltihtheihna chuan Pathian ngaihsakna nun neih nâna tûl tin rêng min pê” tih a hrilh nawn leh a. A sawi zawm tâk chu, Pathian ropuina leh ðatnain, “A thutiam ropui tak leh hlu takte chu min pe tawh a, chûng zârah chuan Pathian nungchang tawmpui theihna tûr” leh khawvêla chhiatna pumpelth theih nân a ni (*2 Petera 1:4, NIV*). Thil ða tin rêng hi Pathian

hnên aṭanga thilthlâwnpêk a ni a, mahse koh leh thlan kan nihna tihchianna tûrin, duhthlan theihna kan neih hi kan hman thiam a ngai (*1 Petera 1:10*).

Hawn Nâna Tihṭûr leh Sawi Ho Tûr: In pâwlte chu *2 Petera 1:2–4* chhiar rualṭîr la. Thlarau lam hnehna chang tûra chunglam ruât Peteran a sawite kha sawi ho teh u.

RAHBI 1-NA—ZAWNG CHHUAKE RAWH ZIR ZÂUNA

I. Isua Krista Laipui A Nihna (*2 Petera 1:1, 2*)

A lehkhathawn hmasaa kan hmuh tâk ang khân, Peteran a lehkhathawn pahnihnaah pawh Isua Krista chu thupui berah neiin a sawi zui a. Tûn kêr chhûnga kan zir tûr a hmasa châng 15 chhûngah hian chiang taka Isua Krista sawi lanna châng 6 a awm a, chûngah chuan LALPA tih emaw, Pathian tih emaw a hmang a, mimal sawina ṭawngkamte pawh a hmang nual. Châng 1-naah hian, Grik ṭawng zirna ang chuan Isua chu kan Pathian leh Chhandamtu tih a ni a. Châng 2, 8, 11, leh 14-ah, Isua chu kan LALPA tih a ni. Châng 2-na tih lohah chuan, Ani chu Isua Krista emaw, Isua Messia chu ti emawtea sawi a ni bawk. Châng 11-ah, kan LALPA leh Chhandamtu tih a ni a, Ani chu kan LALPA leh Chhandamtu a ni rêng a ni. Petera khân chiang takin Krista hriatna neiin, chû hrilhfiahna chu a lehkhathawn chhiartûte hnêna hriattîr a duh a ni. Isuan hming a phuahsak Simon Petera (‘lung’) tih kha chhiâng taka put a, Isua Krista bâwih leh tirhkoh nih zêl kha a duh a ni (*2 Petera 1:1*).

Ngaihtuah Teh: Isuâ mimal nihna leh hna thawh englaite kha nge nangmâ nunah han pawimawh bîk deuh le? Engtiang kawngtein nge ka nî tin nun laipuih ka neih theih ang?

II. Pathian Khawngaihna Thilthlâwnpêkte Chu (*2 Petera 1:3, 4*)

Kan nunna leh Pathian hriatna atâna mamawh tin rêng chu, Amâ ropuina leh thatnaa min Kotu hriatna zârah, Pathian thiltihtheihnain min pe tawh a. *2 Petera 1:2* sawi dânin, Pathian leh kan LALPA Isua hriatna zârah, khawngaihna leh remna chu kan puâl a ni. Châng 8 sawi dânin, kan LALPA Isua Krista hriatna zâra thawk hlâwk leh rahchhuah thei a vawn nih a ngai a ni.

Petera hian kan LALPA leh Chhandamtu Isua Krista hriatna leh khawngaihna kawnga thatng zêl tûrin min ko bawk a. Petera hian Isua Krista chu LALPA leh Chhandamtu a nih hriatna neih hi, Kristiante thatna leh hlawhtlinna bulah a ngai niin a lang. Pathian pawhin thutiam hlû leh ropui takte min pê a. Chûng thutiamte rinna zârah chuan, Pathian nihna thatmpuitûte kan ni thei ang a, tichuan sual nihphungin a tihchhuah châkna bawlhhlawh vânga khawvêla chhiatna awm hi kan tlânsan thei ang. Chû thiltihtheihna chu thutiamah chuan a awm a ni (*Rome 4:21*).

Ngaihtuah Teh: Engtiang kawngtein nge Pathian thiltihtheihna leh khawngaihna chu Isua Krista zârah, ka nî tin nuna lantîr a nih? Engtin nge thutiamtea thiltihtheihna chu ataka ka chan?

III. Kristian Thatna Kâilâwn (*2 Petera 1:5–11*.)

Hetah hian Peteran Kristianin a neih ngêi tûr thatnate târlangin, LALPA Isua Krista hriatna nei tûra ataka nunpui tûr a sawi a. An sualnate laka tihthianghlim an ni tawh tih inhriate (*2 Petera 1:9*) leh, koh leh thlan an nihna tihchian duhtûte chuan (*2 Petera 1:10*), chutiang thatnate chu an chher puitling chho tiâl tiâl ang (*2 Petera 1:8*). Tichuan tlu ngai lo vin (*2 Petera 1:10*), kan LALPA leh Chhandamtu Isua Krista chatuan lalramah chuan nasa taka lawm” (*2 Petera 1:11*, NIV) an ni dâwn tih an chiang thei ang.

In pâwl member-te chu, chûng thatna hrang hrangte chu chik taka ngaihtuah zui lawk tûrin sâwm la. Chunglam zâwnga hmasâwnna kailâwn an kâisân zêlna tûr inkûngkaih tawn dânte chu sawi ho ang che u.

Ngaihtuah Teh: Ka nî tin nunah Peteran ðatna a sawi chhuah eng zât kha nge awm chiang? Engtiang kawngin nge ka ðan zêl emaw, tân tlat?

Sawihô Tûr Zawhnate:

- ① Engtin nge Peteran ðatna a sawite leh Paulan *Galatia 5:22, 23-a* Thlarau rah a sawi nêh a inang deuh? Engtiang kawngtein nge hêng ðatnate hi Kristianten kan ðanpui zêl ang?
- ② Peteran ‘hê bâwktê’ (*2 Petera 1:13*, NIV) a tih kha eng a tihna nge? *2 Korin 5:1–4* nêh khâikhin la. Mihring nihphung a thlîr dân engê hê châng hian min hrilh?

RAHBI 3-NA—NUNA BEL TÛR

ZIRTÏRTÛTE PUÁL: Adventist ðenkhat chuan hun tâwp lo thlen hunah, ringtu ðenkhat chuan ðatfamkimna hi a tâwpkhâwka la thleng tûrin an ring a. Mi dangte pawhin ðatfamkimna hi kûngkaihpui nei, ðatfamkim hmiahna âi mahin rinna leh thiltiha puitlinna angin an ngai zâwk a. Ellen G. White-in Kristan *Matthaia 5:48-a* ðatfamkimna chungchâng hetiangin a sawi, “Pathian chu a huâng chhûnga A ðafamkim angin keini pawh kan huâng chinah kan ðafamkim thei ang,” tiin.—*Testimonies for the Church*, vol. 4, p. 455. Hê thû hi kûngkaihpui nei emaw, nungchang ðatfamkimna emaw a kâwkin a lang (en tûr, *Kristâ Tehkhin Thûte*, pp. 284, 285). Chutiang chu a ni chungin, kalpênpuoi loh erawh a finthlâk ang. *2 Petera 1:8–11*-ah hian ðatfamkim hmiah lam thû sawina a awm lo; hnehna leh chiânna thû chiah a ni. A thûin sawi a tum hi vawn tlat ni mai teh se.

Ngaihtuah Teh:

- ① Châkna bawlhhlawh avânga khawvêla chhiatna lo thleng do nâna ðanpuina eng thutiamte nge Bible-ah ka hmuh?
- ② Kristian ðatna kailâwn-ah hian khawi chen thleng tawhin nge ka inhmuh? Engtiang kawngtein nge ka ka la ðan zêl?

Tihtûr: In pâwl member-te chu 2 *Petera 1:8-11* chhiar rualtîr la. 2 *Petera 1:5-7*-a ðatna a sawite hi sawi ho ula. Engati nge koh leh thlan nihna tichiang tûra ataka lantîr châkna neih chu a pawimawh ni ang?

RAHBI 4-NA—BORUAK SIAM RAWH

ZIRTÎRTÛTE PUÂL: Mî chhandam a nihnaah hian chianna leh mahni-inrintâwkna neih hi inchawih tâwk a nih a ngai a. Ellen G. White-i chuan heti hian vaulâwkna thû a sawi: “Krista pawmtûten, rinna thar an han nei a, ‘chhandam ka ni tâ’ an tih hian, mahnia inngahna dinhmun hlauhawm takah an awm a ni. An chak lohna hre lovin, Pathian chakna mamawh an nih hre hek lo vin an awm a; Setana bumna laka invêng him tûrin an la inbuatsaih tâwk lo; chutiang dinhmuna ding mi tam tak chu, Petera angin sual khur thûk takah an tlu lût ðhîn. Kan hnêna zilhhâuna chu, “Dinga inhria chu fîmkhur rawh se, chutilochuan a tlu dah ang e,” (*1 Korin 10:12*) tih hi a ni. Mahni inrin tâwk lohna leh Krista ngenchhan reng hi kan himna awm chhun a ni.”—*Kristâ Tehkhin Thûte*, p. 123.

Tihtûr: In pâwl ðhenah secret ballot hmangin mar dehna siam ta ula: 1) Member engzâtin chhandam nih chianna nei; 2) Chhandam nih chianna chu eng behchhana nei/nei lo nge an nih? An chhâna behchhanin sawi hona in nei dâwn nia.

* * *

GLOBAL STUDY PROGRAM

Believe
His Prophets

Every day in God's Word
and the Spirit of Prophecy

GLOBAL PRAYER CIRCLE

UNITED
in
PRAYER

Every day in Prayer
with God's People



SEVENTH-DAY ADVENTIST CHURCH

www.RevivalandReformation.org

Châng Thlan: *2 Petera 1:16–21.*

Zirlaite Tân:

Hriat Tûr: Bible hi Pathian ruâhmanna leh Isua Kristâ zâra chhandam kan nihna hriat theihna tûra Pathian thuneihna pâi a ni tih pawm.

Vei Tûr: Rinna leh beiseina hnâr ̄ta zâwk atâna mahni mimal rilru puâkchhuak ngaihdân kan neih âia Bible hmanga fiah taka Kristâ inpuan chhuahna hman zâwk.

Tih Tûr: Bible hi nun kâihruaitu ni tûra thim zînga êng anga ngaihsak.

Thupui Then:

I. Hriat Tûr: Hrilhlâwkna Thû Rintlâk Zâwk

- A. Petera hrilhlâwkna Thû hi eng âia rintlâk zâwk angin nge a sawi?
- B. Hrilhlâwkna Thû hi thim zînga êng anga rintlâk leh tumnei engin nge nih̄tîr?

II. Vei Tûr: Mahnî Ngaihdâna Kal Hlauhawmnate

- A. Engtin nge Peteran mimal taka Isua hnêna nuntawng a neih a rinngamzia a sawi?
- B. Mimal taka nuntawng kan neih hmanga hriatnaa inngah hlauhawmna chu engte nge ni?

III. Tih Tûr: Pathian leh A Thû Rinchhan Rawh

- A. Engati nge kan nuntawnga hriatna mai âia Pathian Thû rinchhan zâwk tûr kan nih?
- B. Peteran “chûng zawng âi chuan” tia kan thil manthiam mâkmawh a sawi chu engte ni? Châng 21-a inpuânchhuahna leh thâwkkhumna nihphung chu engte ni?

KHÂIKHÂWMNA: Peteran Isuâ thiltihtheihna leh lo kal lehna atâna Isuaa a nuntawng neih hriatna chu inngah ngamna tûr a nih thû a sawi a. Chutih laiin, Pathian hrilhlâwkna Thû chu mimal nuntawng ngaihdân âia Chiang zâwk a nih thû a sawi a, chû chu Thlarau Thianghlim ātanga lo chhuak a nih vâng a ni.

INZIRTÎR DÂN TÛR

RAHBI 1-NA—CHAWKPHÛR RAWH

Bible Châng Thlûr Bing Tûr: *2 Petera 1:20, 21.*

Thlarau nun thanna atâna thu pawimawh: Mihring kan ni a, kan nuntawng leh hriatna neih angte ring a, innghat mai thîn kan ni. Hetianga tih hi rintlâk, tihâwm leh finthlâkah kan ngâi deuh châwk bawk. Kan thil thlîr hi finfiâh ngâi tak thil a ni. Chutichungin, kan hriatna neihte hian min bum vê fo mai a. Kan hriatna hmanga chanchin tha thutak hlutna finfiâh tûra min tih laiin, Petera khân thutak finfiâhna tûr a sawi belh a, chutianga thutak rintlâkzia fiâhna tûr chu Pathian hrilhlâwkna Thû a ni. A tóbul pawh mihring ruâhman ni lo vin, hmanruaa A hman thîn mihringte chungah Thlarau Thianghlim chu a lo che zâwk thîn a ni.

ZIRTÎRTÛTE PUÂL: Finna sân viau tawhna huna chêng kan ni a, chuti chungin kherkhiap zet zeta thil ngaihtuah kan chîng a, thutak a nih leh nih loh pawh mahnî ngaihdân angin kan ti mai zêl a. Chutianga a nih avâng chuan enge thutak tih pawh chu ngaihdân leh thliâr dâna pui a tam hlê rêng a; mahnîa finfiâh leh pawm theih loh deuh ang chîte pheih chu sîra hnâwl deuh mai a ni zêl bawk a. Thil tam tak, sâkhuana chenin, ngaihdân thuhmun leh inanga ram a awm thei meuh lo va, kherkhiap taka han en pawhin hmuh dân leh ngaihdân siam lamah lungruâlna tak tak a awm chuâng meuh lo. Chutianga a nih tâkah chuan, tûnlai khawvêl ngaihdân tlângpui chu, thutak zîktluak tak a awm lo emaw, thil nihna dik tak phurchhuak thei hrilhfiâhna emaw pawh a awm lo tih a ni. Enge ni thutak tih hriatna tûr ber pawh chu, mimal nuntawng hmanga ngaihdân siam a, nuntawng nêh a inkûngkaihdân dân aţanga thutlûkna siam tûr tih a ni. Engtin nge Petera thuchah khân chutianga thu inchuh chu a chhân?

Hawn Nâna Tih tûr leh Sawi Ho Tûr: In pâwl member-te chu *2 Petera 1:16–18* leh *Matthaia 16:27–17:8* chhiar rual tûrin

sâwm la. Peteran Isuâ chungchâng a sawi rintlâkzia finfiahna a pêkte kha sawi ho ula. Engati nge Isua bula amâ nuntawng neihte kha fing taka phuahchawp mai ni lo, pawmawm tak a ni tia a sawi? Engtin nge Peteran hê nuntawng leh a ngaihruat mai niâwm chu a thliâr fel theih?

RAHBI 1-NA—ZAWNG CHHUAK RAWH

Bible Châng Thlûr Bing Tûr: *2 Petera 1:16.*

ZIRTÎRTÛTE PUÂL: Peteran amâ hun lai chauh ni lo, keinî hunah pawh, a zirtîrna dikzia leh thuneihna nei a nih ringhleltûte chu tlang takin a bei lêt nghâl a. Ringtûte hnênah khân mahnî phuahchawp thawnthûte sawi a ni lo; atak ngêia amâ nuna paltlang ngêi chu a sawi zâwk a ni. Chutianga a inchhâlna atang chuan hê lehkhathawn pawh hi amâ kutchhuak ngêi a ni ang tih a rin theih nghâl a; chutichungin, ringhleltûte erawh chuan chuti lo zâwng chuan thû an kalpui tlat sî a ni. Lehkhathawn ziaktu hian amâ kutchhuak a nihzia finfiah a tum nasa lutuk êm mai tiin an hnial a. Chutianga tihna chu Petera hi a ziaktu dik tak ni lo vin, mi dang tû emaw ziah zâwk a ni ang an tihphah a. Petera ziah a ni ang tih ringhleltûte chuan *2 Petera 3:3*-a ‘nuihsantûte’ a tihah hian inchhiar tel lo vin, mahnî châkna sual chu zuiin, Pathian Thûa thutak chu an phat tih hi an ni ta zâwk a ni ang. Hetianga ringhleltûte ang deuh hian, Bible thûte hi keimahnî dinhmunah kan bel duh lo vê fo lo maw?

ZIR ZÂUNA

I. Hriattîrna Thu Rintlâk Lehzual (*2 Petera 1:19.*)

Mit ngêia a hmuh hriattîrna thû a sawi chhuak tawh chungin, Peteran hriattîrna thu rintlâk lehzual, dik lo thei lo chu a sawi zui a. Keimahnîa hriatna awmte hi kan zui chuan kawng kan bo daih thei tho mai. Chutiang chu kan zui mai a nih chuan Bible hian bumin kan awm thei cheu a ni tih vaulâwkna thû vawi duâi lo a sawi nawn a ni (*Matt. 7:15; 24:24; 2 Korin 11:13, 14; 2 Thesalonika 2:9, 10; Thupuan 13:13, 14*).

Bumna thu sawitu tam tak chuan rilru dâwiâtna hmangin ei an zawng thîn a, Setana erawh chu chutiang dâwiâtna thiam chungchuâng ber a ni. Chhinchhiahna leh thilmak suâkte tihna hmangin a thawk a, chû chu mimal tû emaw a hnêna intulûtte dâwiâtna thiltih hmangin a ni thîn. Petera hian keimahnîa hriatna neih zui mai hlauhawmzia a sawi a, kawng him awm chhun chu thutak zir a ni. Pathian Thû hi thutak hnâr awm chhun, kawng him leh rintlâk chu a ni. Chû chu keini hian, “Khuâ a lo vâw a, vâwparh arsi chu kan chung a lo chhuah hmâ loh zawng, khâwnvâr hmun thima êng an ngaihsak anga kan ngaihsak chuan” kan ti thâ ang (2 Petera 1:19, NIV).

Ngaihtuah Teh: “Nî chu” tih hian “LALPÂ Nî” (2 Petera 3:10, NIV) emaw, “Pathian nî” (2 Petera 3:12), “rorêlna nî” (2 Petera 2:9, 3:7) leh “fan nî” (1 Petera 2:12, NKJV) an tih baw lo thleng tûr chu a kâwk a. Chû chu Isuâ lo kal lehna nî a ni. “Vârparh Arsi” tih hi Isua sawina a ni (NIV). *Thupuan 22:16*-ah Amah chuan, “Kei hi Vârparh Arsi êng tak chu ka ni,” tiin a inchhâl” (NIV). ‘Vârparh arsi’ tih hi zîng lama arsi êng lian ber, zân thim a lo ral dâwn a, zîng khawfîng lo chat tûr vêla êng pâwr tak sawina a ni. Arsi chanchin zir mîte chuan hê arsi hi Chawngmâwii (Venus) ni âwmin an sawi a, mahse Isuan Amâ nihna sawi nân a hmang a ni. Zîng khua a lo vâw hunah chuan Vârparh Arsi chu kan thinlungah Chiang takin a lo êng dâwn a ni. Kan thinlunga Vârparh Arsi lo chhuah nân engtin nge inbuatsaihna kan kalpui mêk le?

II. Hrilhlâwkna Thu Lo Zîkchhuahna Bul (2 Petera 1:20, 21.)

Peteran 2 Petera 1:20 thû hi, “Chûng zawng âiin, in hriatthiam mâkmawh tûr chu . . .” (NIV) tiin bul a tan a. A lekhathawn chhiartûte khân hê thil ang rênga hriatthiam an mamawh dang a awm lo, chû chu Pathian Thûa hrilhlâwkna rintlâk a nihzia hi a ni. “Zâwlneite kha, mihring vê mai an ni chungin, Thlarau Thianghlim hruaia Pathian hnên aţanga thusawitûte an ni” (2 Petera 1:21, NIV). Petera hian Thlarau Thianghlim hnathawh zâra Pathian ngaihtuahate

puanchhuah nâna mihringte A hmanruaa hmangin, chunglam thuchah chu puânchhuah a ni tiin a sawi a. Hma latu leh thuchah neitu chu Pathian a ni a; A thu sawi tûr leh a humhim pawh Amâ mawhphurhna hnuaia mî vek a ni.

Pathian Leikhathûa mihring tel vêna chungchângah, Ellen G. White-in heti hian a sawi, “Bible hi thâwkkhumna dawng mihringten an zia k a, mahse chu chu Pathian ngaihtuah dân leh sawi chhuah dân a ni lo. Mihring tihdân a ni. A zia ktu Pathian chu âiawh zawh chî ruâl a ni lo. Mihringte chuan chutianga sawi chhuah chu Pathian tihdân a ni lo an la ti fo vang. Mahse Amah Pathian chuan thû-ah te, thil chhût thiamnaah te, tawng hmang thiamnaah te Bible chin vêlnaah te chuan A indah lo. Bible zia ktûte chu Pathian tâna zia ktûte an ni a, A pen tak chu an ni lo.”—*Selected Messages*, book 1, p. 21.

Hê sawifiahna hi a belh leh a: “Bible-a a thû tak hi thâwkkhum chu a ni lo va, mahse mihringte zâwk chu thâwkkhum an ni. Thâwkkhumna hian mihring tawngkam emaw, a sawi chhuah dân emaw ni lo vin, amah mihring zâwk kha Thlarau Thianghlim hlia khuhna hnuaiah awmin, thil sawi tûr tak chu rilrûa fah a ni ta a ni. Mahse thu dawnte chuan mimal rilrû chu a hmin thung a. Chunglam rilrû chuan a fan chhuak a. Chunglam rilrû leh thil tum chu mihring rilrû leh tum nêna lo tawng rual ta a; tichuan mihring thil sawi chhuah chu Pathian thû a ni ta a ni.”—Page 21.

Ngaihtuah Teh: Pathian Leikhathu thuchah lo chhuah nâna chunglam lo chêtna hi engang taka ring ngam tûr nge kan nih ang?

Sawihô Tûr Zawhnate:

- ① Pathian leh A thutiâmte kan tawn a tawngin enge kan zir chhuah? Engtiang kawngtein nge amah kan rinna an nemnggeh? Engati nge kan hriatnate âia Amah Pathian zâwk chu rinchhan tûr kan nih?
- ② Hrilhlâwkna Thû rintlâk taka siamtu tak chu enge ni? Engtin nge hrilhlâwkna lo thleng famkim thû chhinchhiaha awm hian Pathian Thu rintlâkzia an tihchian?

RAHBI 3-NA—NUNA BEL TÛR

Ngaihtuah Teh:

- ① Engtiang kawngtein nge eng emaw châng a Pathian Lehkathûa chuângte ring lo niâwm ang taka kan lo khawsak vêl ðin? Engtin nge chutiang ti tûra thlêmna chu kan do vang?
- ② Pathian Lehkathûa hrilhlâwk nate hi zâw lnei hrilhfiahna a tanga lo chhuak a nih sî loh chuan, Bible hmanga Pathianin min hriattûr A duhte lâkchhuah dân tûr (leh a awmze bel dân tûr) kawng him chu enge ni ta ang?

Tihtûr: In pâwlte chu *2 Timothea 3:14–16* chhiar rual tûrin sâwm la. Paula sawi dânin, Timothea tâna Pathian Lehkathû hriatthiam nâna behchhan tûr leh ringtu zawng zawngte tâna dik taka Bible thu hriatthiam hlutna chu sawi ho teh u.

RAHBI 4-NA—BORUAK SIAM RAWH

ZIRTÏRTÛTE PUÁL: Chhandamna thurin pawimawhzia hi chu awlsam takin kan sawi mai a. Mahse hriatna maia rinna emaw, thutakte hi a dik a ni tih emaw sawi mai bâk deuh hi a ngai. *Jakoba 2:19* hian min hrilh dân chuan, ramhuaite pawhin Pathian an ring a, mahse chutiang rinna chuan a chhandam dân chuâng sî lo. Rinna neih anga chêtna neih tel pawh a ngai tih Jakobana sawi (*Jakoba 2:14–17*). ‘Ring’ tih ngawt âia la ða zâwk chu ‘rinchhan’ tih hi a ni. Rinchhan tih chu thil nihna ang rilru finna hmana pawm lek emaw ni lo vin, Pathianin a ða ber tûr chu A hria tih pawm chung a ataka chêt pui hi a tel. A Thu hmangin kan nun atâna A duhzâwng chu A târlang diâm tawh a, chû chu hlen chhuak tûra mahni kan inpêk phawt chuan, chutiang ti tûra chakna chu min pe mai dân a ni.

Tihtûr: In pâwlte chu Bible hrilhlâwkna thleng famkim tawh an hriatte leh a finfiahna zia chhuak tûrin sâwm la. Pathian Lehkathûa rinna kan nghah theihna chhan tûr sawi ho ula, mi dangte pawh hrilh vê ula, Pathianin thil zawng zawng, hmalam hun thui tak thlengin, A hre vek tih in hriatin, kan hmalam nun atâna A ruâhmanna pawh kan rinchhan thei tih in hmû ang.

Châng Thlan: *2 Petera 2:1-3.*

Zirlaite Tân:

Hriat Tûr: Mit ngeia hmutûte leh Pathian hrilhlâwkna Thû kan nei chungin, zirtîrtu derte lo chhuakin, kalsualna tûr chí anmahni phuahchawp thuchah an la thehdarh dâwn tih hriat.

Vei Tûr: Zirtîrtu derten anmahni chung a chhiatna an rawn thlente tuâr vê duh loh.

Tih Tûr: Thil dik leh dik lo thliâr thiam tûra inrâlrin.

Thupui Then:

I. Hriat Tûr: Setanan Thutak A Beih Dân

- A. Thutak hrûlah a suâk a awm zêl. Keinî hunah hian, Pathian Thûa thutak pawimawhte hrûla a suak awm chu engte nge ni hlawm?
- B. Bumtûte chêtân phungte kan lo hriat theihna tûr chhinchhiahna hrang hrang chu engte nge ni?

II. Vei Tûr: Sual Do Nâna Pathian Chêtna

- A. Awhna leh châkna bawlhhlawhin chhiatna a thlentîr dân entîr nân Peteran eng thil thleng tawhte nge a sawi chhuah?
- B. Pathianin Amah ngaihsaktûte a chhanchhuah theihzia târlan nân eng entîrnate nge a sawi?

III. Tih Tûr: Kan LALPA leh Chhandamtu Isua Krista Hriain

- A. Engtin nge Isua Krista hriatna zârah chhiatna chu kan pumpelth theih ang?
- B. Engtin nge bum, suala inawh tân, leh a hneh nih chu kan pumpelth theih ang?

KHÂIKHÂWMNA: Sual chîm hnan khawvêl, châkna bawlhhlawh te, awhna te, bumna te leh thuneitu pawisak lohna hmunah hian, chûng thlêmna laka Amah ngaihsaktûte chhanchhuah dân leh, Amah ngaihsak duh lotûte rorêlna nî atâna khêk dân chu Pathianin a hria a. Kan tâna chhandamna chu kan LALPA leh Chhandamtu Isua Krista hriat hi a ni.

INZIRTÎR DÂN TÛR

RAHBI 1-NA—CHAWKPHÛR RAWH

Bible Châng Thlûr Bing Tûr: *2 Petera 2:1–3, 20, 21.*

Thlarau nun thanna atâna thu pawimawh: Zâwlnei dikte an awm laiin (*2 Petera 1:21*), hun tinah zâwlnei derte leh zirtirtu suâkte pawh an awm vê zêl a (*2 Petera 2:1*). Thutak tin rêng hrûlah hian a suâk/dik lo chu a awm zêl bawk. LALPA Isua Krista hriatna lo nei tawhte pawh hê khawvêl chhiatnaah hian inâwktâng lehin, fêlna kawng pawh la hre vê ngai lote âi maha dinhmun chhe zâwkin an awm leh a (*2 Petera 2:20*). Peteran zirtirtu derte laka fîmkhûr tûra a tih ringtûte ngêi chuan khawvêl thilte ûmin, kawng ngîl an pên bosan a (*2 Petera 2:3, 15*), thurin hlauhawm takte sawiin, anmahni tlantu LALPA ngêi pawh an phat a (*2 Petera 2:1*). An chungarorêlna thleng tûr chu a Chiang sâ mai (*2 Petera 2:3, 9, 10, 12*). Chuti chungin, LALPAN Amah ngaihsaktûte chu thlêmnate laka hum dân a hria a (*2 Petera 2:9*), Peteran a lehkhathawn chhiartûte chu chûng zirtirtu derte zirtirna hmanga bumna hnâwl tûrin a ngên a ni.

ZIRTIRTÛTE PUÁL: *2 Petera 2:1–3:3* leh *Juda 3–19* hian inzûlna tak a nei a. Hêng châng hnihte inzûlna chu Puitling Zirlai Bu lamah pawh tlêm chu târlan a ni rêng a. Chûng bakte pawh a la awm nuâl ang. Hêng tirhkoh pahnihte hun lai vêla kohhran dinhmun zâu zâwka hriat nân an inzûl dân en zui chu a hlâwkpuaiawm thei ang. Chutianga thil inzûl takte a awm laiin, thil inpersan takte pawh a awm tho mai a, chumi zârah chuan an dinhmun hriatthiamna a belhchhah a—Isuâ nun leh rawngbâwl nân Chiang zâwka hriat nâna Chanchin Tha bu palîte chhiar ang deuh a ni. Chutiang chuan, hêng *2 Petera* leh *Juda* inlaichîn dân nihphung chiah finfiah thei lo mah ilang, an inzûl dân erawh phat ruâl a ni lo.

Hawn Nâna Tihtûr leh Sawi Ho Tûr: In pâwl member-te chu *2 Petera 2:1–19* leh *Juda 3–16* chhiar rual tûrin sâwm la. An inzûlna leh an danglamna khâikhinin, hmânlai Kristian kohhran

dinhmun, hêng ziaktu pahnihten an engtopui dânte in sawi ho dân nia. Kristian kohhran dinhmun a ze hrang bîk awm an târlan chu engte nge ni?

RAHBI 1-NA—ZAWNG CHHUAK RAWH

ZIRTÏRTÛTE PUÂL: Sual sipai ruâlten min hual vêl a, kan thlarau lam thahrui min tihkiâmsakin, min tichhe thîn a. Hêng sipaite kuta inpêin, kan inhnehtîr bawk a, a nih loh leh hneh tûrin Pathian khawngaihna leh chakna kan zawng thung thîn. Petera sawi dân chuan, hêng sual sipaite hneh han nih leh chu, felna kawng hriat loh lâw lâw âiin a duhawm lo zâwk hial tih a ni.

ZIR ZÂUNA

I. A Dik leh Dik Lo Chu (2 Petera 2:1–3.)

Peteran 1:21-a zâwlnei dikte leh kohhran chhûnga lo la chhuak tûr zâwlnei suakte leh zirtîrtu derte danglamna a sawi a. Chûngte chuan kalsualna thu pawî tak zep lûtin, chûngah chuan Isua leh sual tâna tlanna A siam te an phat a; chutiang tiin anmahni chung ngêiah chhiatna an thlentîr ta thuai thîn a ni (2 Petera 2:1). Vânduai thlâk takin, “mi tam takin an thil sual tihte chu zui vên, kawng dik chu sawichhiat a nihphah dân a ni” (2 Petera 2:2, NIV). Chûng mîte chuan awhna leh hlâwkna têl duh avângin mi pawisawi lote an tikhaw lo va (2 Petera 2:3, 15). Anni chu Pathian rorêlna hnuaiia ding reng an ni (2 Petera 2:3).

Ngaihtuah Teh: Engang zâwlnei derte nge kohhran chhûngah leh khawvêlah hian awm a? Engtin nge kan lo hriat nalh theih ang?

II. Pathian Ngaihsak Lohna Kâra Pathian Ngaihsak Entîrnate (2 Petera 2:4–10.)

Peteran châng 3-ah hian zâwlnei derte chungchâng rêlna chu a ding reng a, anmahni tiboralna tûr pawh a muhîl mai mai lo tih entîrna a pe nual a. A hmasa berin, vântirhkokh thu tâ vân aţanga hnawhchhuahte kha “an chungchâng rêlsak tûra thim hnuaiia

khung” an nih thû a sawi a (2 *Petera* 2:4, NIV). Chutah hmânlai khawvêl târlangin—Pathian ngaihsak lote chung a chhiatna thlen tûrin Tuilêta a thlengtûr laiin, felna thu puângtu Nova leh mi dang pasarih zuah an nih thû a sawi a (2 *Petera* 2:5). Chûbâkah, Pathian ngaihsak lote chung a thil thleng tûr entûrna atân, Sodom leh Gomorra, hâl vâp vekte chu a târlang leh a (2 *Petera* 2:6). Chutih laiin mi fel Lota, mi sualte awm dân hur tak avânga lungngai, dân lo anga an thil tihte hmû a, hria a rilru na ngawih ngawih thîn erawh chu a chhanhim thung a (2 *Petera* 2:7, 8, NIV).

Pathian ngaihsak lote chung a chhiatna lo thleng tûr laka Pathianin Nova leh Lota-te A chhanchhuah theih chuan, fiahna leh thlêmnate (*peirasmos*) laka Pathian ngaihsaktûte chhanhim dân tûr leh, rorêlna nî atâna mi fel lote khêk dân chu Pathianin a hria ang tiin Peteran a sawi a (2 *Petera* 2:9). A sawi zêl dânin, a thil sawi hnuhnung zâwk, Pathianin a tih theih tûrza entûr nân “châkna bawlhhlawh kawnga tîsâ anga awm leh, rorêlsakna hmusittûte lek phei chu rorêl nî atân hrem chung a khêk dân A hre leh zual a ni,” tih a ni (2 *Petera* 2:10, NIV). Chutiang hlemhlêtna leh hmuhsitna chu zirtîrtu derten harsatna an neih tanna bul chu a ni.

Ngaihtuah Teh: 1 *Korin* 10:13 leh *Matthai* 6:13 khâikhin la. Thlêmnâ laka min chhanchhuahna tûr eng ruâhmannate nge Pathianin A siam?

III. Zirtîrtu Derte Hriat Theih Dân Tûr (2 *Petera* 2:10–19.)

Zirtîrtu derte ze chi hrang tam tak Peteran a târlang a. Khâng târlan tawhte bâkah khân, a lehkhathawn helaiyah hian dâwta inrêlna leh Pathian sawichhiatna (2 *Petera* 2:10–12) te, zu hmun nawmchenna (2 *Petera* 2:13) te, hurna leh uirêna (2 *Petera* 2:14) te, thil neih belh duha awhna (2 *Petera* 2:14, 15) te, chapova inhampuârna te, an lo tlân chhuahsan tawh sual bawih

nihna lama kîr leh tûra mîte thlêmna ang chîte a târlang zui a ni (2 Petera 2:18). (Juda 4, 8, 10–13, 16 nêk khaikhin la.)

Ngaihtuah Teh: *Petera* leh *Juda* sawi dânin, ‘thutak’ thar/phûrpuiawm tak sawi tûr neia inchhâlthe zîa chu eng ang nge ni?

IV. Chhiatna Lama Kîrleh Hlahawmnate (2 Petera 2:20–22.)

Petera hian Isua Krista nêna inkûngkaihna neih thar zâra khawvêla chhiatna laka tlân chhuak tawhte, chutiang chhiatna bâwiha tâng leh sîte dinhmun chu an tûnhma dinhmun âi khân a chhe zâwk fê a ni tih a puang a. Ramsa kawlhthe, an châkna ang ang a awm thîn (2 Petera 2:12), ui leh vawk an nun hniam tak lama kîr leh thîn ang mai an ni (2 Petera 2:22). Mahse Pathian chuan mihring ngaihtuahna hmang theite hi chu nun sâng zâwka nung chho zêl tûrin A duh a ni. An zui tûr ‘thupêk thianghlim’ (2 Petera 2:21, NIV) a pê a. Khâng sual lama kîr leh tâte khân felna kawng hi lo hre lo lâw lâw se a tha zâwk tûr. Tûnah chuan rorêlna khauh zâwk hmachhawn tûr an nei ta sî a ni (*Hebrai* 6:4–6, 10:26–28 nêk khaikhin la).

Ngaihtuah Teh: *Jakoba* 3:1 pawhin zirtîrtûte chuan rorêlna nasa leh zual an hmachhawn dân a ni tih sawiin, zirtîrtu derte phei chuan rorêlna khauh leh zual an phû a ni. Bible hian zirtîrtu derte laka fimkhur thû min hrilh entîrna engte nge in târlan theih ang?

Sawihô Tûr Zawhnate:

- ① Hun kal ta thilte aţanga thil kan zir lo a nih chuan, an tawn chhiatna ngâi bawk kha kan chungah a thleng vê ang. Petera leh *Juda*-in hun kal ta thil an târlan ennawanna aţangin eng hlâwk nate nge kan têl theih ang? *1 Korin* 10:6–12 nêk khaikhin la.
- ② Tûnlai zirtîrtu derte chêtzia aţangin hmân lai zirtîrtu derte zia lo lang chu engtin nge kan lo hriat theih ang?

RAHBI 3-NA—NUNA BEL TÛR

ZIRTÏRTÛTE PUÂL: Tûnlai huna TV lama thusawitu (televangelist preachers) tam tak chu mi hausa tawntâw leh mi thiltithei tak takte niin, chanchin t̄hâ hamt̄hatpuina thûte an puâng a, Isua nun leh rawngbâwlina nêh kha chuan a inang lo hlê hlawm. Chutiang an thusawiah chuan chhinchhiahna leh thilmak tihte pawh a tel châmchî a, chû chu Pathian leh A Thlarau Thianghlim chakna hmang an nihzia finfiah nânte an hmang bawk a. Chutiang pâwnlam lang thei thilte chu an zirtîrnate dikzia finfiahna tûr a ni dâwn em? Petera khân zirtîrtu derte nungchang leh an zirtîrnate chu inzûl viau anga lang a nih tûr hawi zâwnngin a sawi.

Ngaihtuah Teh:

- ❶ Engati nge Peteran a lekhathawnah zirtîrtu derte awm dân tûr chungchâng thui taka a sawi? Chû chuan thurin dik vawn nun zêl pawimawhzia enge a târlan?
- ❷ Petera vaulâwkna thû-ah hian thurina eng thilte chu nge dinhmun hlauhawma awm ni âwm? Chutiang thurina zirtîrna dik lo lakah entiang kawngtein nge kan fimkhur theih ang?

Tihtûr: In pâwl member-te chu *Tirhkohte 20:28–31* chhiar rual tûrin sâwm la. Zirtîrtu der, chinghne koham ang maite laka LALPÂ berânte vênhim chungchâng kohhran hruaitûte mawhphurhnate chu sawi ho teh u. Engtiang taka kan ûnate chung a mawhphurhna nei nge kan nih hlawm?

RAHBI 4-NA—BORUAK SIAM RAWH

ZIRTÏRTÛTE PUÂL: Mi thiamte chuan 2 *Petera* leh *Juda* lekhathawna thil inzûl takteah hian harsatna an nei deuh a. Thulâkna thuhmun an nei nge, a tû emaw zâwk zâwk hian an inpûr a ni thei a ngem tiin ngaihtuahna an nei a. T̄henkhat chuan *Juda* hian *Petera* hi a pûr zâwk a ni ang titein ngaihdân an siam a. Chutiang bawkin t̄henkhat chuan *Petera* hian *Juda* tih a entawn a ni ang an ti bawk a. Mahse chîk taka *Juda 17, 18* leh 2 *Petera*

3:2, 3 han khâikhin tawn vêlin, mi tam tak chuan, an pahnih hian a hmâa thu lâk chhâwnna thuhmun an nei ang a, chû chu thâwkkhum thû, tirkhohte hmanga Isuâ zirtûrna ni tûrah an ngai tlang deuh a ni (*Ezek. 12:22, Matt. 24:48 nêh khaiikhin la*).

Tihtûr: In pâwl member-te chu 2 *Petera* 2:1–22 leh *Juda* 3–16 thu inzûl deuhte a hrang thliaha rem tûrin sâwm ang che. An thil sawi inang deuhte leh tlêma lo danglam deuhte pawh thliâr fel tûrin i ti dâwn nia.

- ❶ Engtin nge hêng Bible thu hlâwm hnihte hi intanpui leh intifah tawn an nih dân?
- ❷ Engtin nge an inzûlna leh an danglamna laite chu Peteran inpuanchhuahna leh thâwkkhum thû a ngaih dân 2 *Petera* 1:21 behchhanin a sawi fiah ang?

ZIRLAI 12-NA

ZIRLAI KAIHTÂWI

JUNE 17, 2017

Châng Thlan: 2 *Petera* 3:1–7, 11–13.

Zirlaite Tân:

Hriat Tûr: Pathian rorêlna (hremna) lo thleng tûr hi hun kal tâa Pathian chêtinate anga Chiang a ni dâwn tih manthiam.

Vei Tûr: Pathian dawhtheihna leh tû mâ boral duh lo, A theih apiang chhandam tûra bei hrâm hrâm zêl a nihna chung a lâwm.

Tih Tûr: Pathian nêh inrem, nun thianghlim leh sawisêl bo va nung a, Kristâ lo kal lehna thlen hmâtîr tûra nun.

Thupui Then:

I. Hriat Tûr: Rorêlna Lo Thleng Ngêi Tûr

- A. Eng behchhanin nge nuihsantûten Kristâ lo kîr lehna tûr an phat thîn?
- B. Rorêlna lo thleng tûr chianzia finfiah nân Peteran a lehkhathawn chhiartûte chu enge a kawhmmuh?

II. Vei Tûr: Rorêlna Hmachhawn Tûra Huaisenna

- A. Engati nge hun kan thlîr dân lo anga Pathianin a thlîr? Pathian chu a dawhtheih viau laiin engati nge kan dawhtheih loh viau thîn? Ani angin thlaraute hi kan vei vê em?

B. Rorêlna lo thleng mai tûr hmachhawn tûra Peteran huaina a neihna chhan chu enge ni?

III. Tih Tûr: Rorêlna Atâna Inbuatsaih

A. Chhياتna lo thleng tûr thlîrin, Peteran eng rilru pû leh chêtna nei tûrin nge ngenna a siam?

B. Mî zawng zawngin an sim duha Pathian dawhtheihna ngaihtuahin, engati nge Peteran Kristâ lo kal lehna thlen hmâtîr tûra min fuih?

KHÂIKHÂWMNA: Peteran rorêlna lo thleng tûr te, sual nuai bona leh thil siamthar lehna nghâkhlel taka thlîrtûte rilru sùkthlêk leh nuihsantû, Pathianin khawvêl A siam tih te, Tuilêta hremna leh thil siamthar lehna phattûte rilru awm dân inang lo tak chu a târlang a. Thil lo thleng ngêi tûr chu thlîra chêtputi tûrin a lehkhathawn chhiartûte chu a sâwm a ni.

INZIRTÎR DÂN TÛR

RAHBI 1-NA—CHAWKPHÛR RAWH

Bible Châng Thlûr Bing Tûr: *2 Petera 3:1, 10–14.*

Thlarau nun thanna atâna thu pawimawh: Peteran a lehkhathawn pahnihte kha a chhiartûten ‘ngaihtuahna thianghlim’ (*2 Petera 3:1*, NIV) an neih theih nân a ziaak a. Hetiang ngaihtuahna hi “Pathian ni” lo thleng tûra rorêlna, “vân boruak meia kâng ral a, leilung thilte pawh mei sa lutuka hem tui” (*2 Petera 3:12*) a nih hun atâna inbuatsaihna thlîra sawi a ni.

Nuihsantûte chuan rorêlna lo thleng tûr chu thinlung takin an phat a. An sawi dân chuan, ‘hun kal tâah khân Pathian a lo che lo va, chutianga A lo chêtna chu hun lo kal tûrah pawh kan beisei chuâng tûr a ni lo’ tih a ni. Bible ringtûte chuan Pathian chu Thilsiamnaah te, Tuilêtah pawh khân A lo chê a, mei nêl A lo la che leh dâwn tih an hria (*2 Petera 3:3–7*). Hê hriatna avâng hian hremna râpthlâk tak lo thleng tûra inbuatsaih nân, nun thianghlim, Pathian ngaihsakna neia nung tûr an ni (*2 Petera 3:11, 14*).

ZIRTÏRTÛTE PUÂL: *Rome 1:18–21* hian, khawvêl awmphung aṭanga finfiahna tam tak behchhanin, Pathian chakna leh pathianna hi hriat loh theih a ni lo tih a sawi a. Chutichungin, Peteran hun hnuhnunga nuhsantûte chuan khawvêl chanchin liam ta leh hmalam huna Pathian lo chêtna tûr chenin an phat tih a sawi.

Hun hnuhnunga nuhsantûte chuan ‘thilte hi an awm pângngai rengin an awm’ tiin an zirtîr a. Hetianga thlîrna ṭanfung chu, chunglam lo chêtna tel lo vin khawvêl chanchin thilthleng hi chu a kal reng a. Khawvêl thilthleng tawhte kha an thleng nawn leh a, thil thleng zawng zawng ṭobul chu a thuhmun vek bawk a; tûn dinhmun hian hmân leh nakin awm dân pawh a târlang a ni. “Siam an nih ṭan aṭang khân an awmphung pângngaiin an la awm zui reng a ni,” an ti (*2 Petera 3:4*, HCSB).

Chunglam lo chêtna ang chî hi sawi bo vin, Bible ringhleltûte chuan thil lo danglam thei chu a awm chungin, eng emaw inan tlan zui zêlna an nei a, thil lo danglam chho hlek hlek chu hun inher zêlah chuan nasa taka danglam ta daih ang a ni ta mai a ni. Chutiang chuan, Bible-in Ni-ruk chhûnga thil siam a tih pawh ring lo vin, Nova huna Tuilêt, kan khawvêl sâwi danglamtu pawh chu a taka thleng lo vah an ngai bawk. Hun kal tâa Pathian lo chêtate phatin, Thilsiam tawhna leh rorêlna lo thleng tûrte pawh an âwih lo zêl a, hmalam huna A lo chêt lehna tûr te, rorêlna lo thleng tûr leh khawvêl siam thar tûrte pawh an âwih duh chuang lo. Chutianga ataka thil thleng ngêi chu, Petera hian an haider lui tiin a sawi a ni.

Hawn Nâna Tihîr leh Sawi Ho Tûr: In pâwlte chu *2 Petera 3:1–4* leh *Juda 17–19* chhiar rual tûrin sâwm la. Hun kal taa Pathian lo chêtate Bible sawi rinhlelhna chungchâng hi sawi ho teh u. “Hun kal tâa zâwlnei thianghlimte thusawi” (*2 Petera 3:2*, NIV) tih hi Petera hian eng a tihna nge? “In tirkohote hmanga LALPA leh Chhandamtuin thû a pêk che u” (*2 Petera 3:2*, NIV) chu enge ni, tû a sawina nge? Engtiang kawngtein nge Bible sawi ringhleltûte kan nih vê theih?

RAHBI 1-NA—ZAWNG CHHUAK RAWH
ZIR ZÂUNA

I. Rorêlna tikhawtlâi hi thulh tihna a ni lo (*2 Petera 3:8–13.*)

Rorêlna lo thleng tûra beisei hi tikhawtlâi niin, nuihsan pah pawh ni se, Petera chuan a lehkhathawn chhiartûte hnênah Pathian *muâng* anga a lanna hi rorêlna lo thleng lohna tûr a ni chuâng lo tih a hrih nawn leh a. Pathian chuan hun hi mihring thlîr dân angin A thlîr vê lo va, Ani chuan chatuan thlîrnain A thlîr zâwk a ni (*Sâm 90:4 nêh khaikhin la*). Rorêlna hlen thûah hian a dawhthei a, tû mah an boral loh a, an sim theuh hi A duh zâwk a ni.

Chutichungin, LALPÂ Nî chu a lo la thleng tho tho dâwn a. Zâna rûkrû ang deuhin, mi tam tak chu an beisei loh hunah a nang thut ang, Isuan inringa ngaihven reng tûra thû A pêk kha an bengkhawn duh sî lo va. Chhiatna râpthlâk tak thleng a ni ber dâwn a. Vân boruak leh leilung awmphung nêh lam hian meipui râpthlâk tak chuan a kâng dâwn a, chu chu Johana chuan ‘mei dîl’ tiin a sawi (*Thupuan 20:14*).

Petera ngenna hi a chiang a: “Hetiang hian thil tin rêng tihboral a ni dâwn a, eng ang mî nge in nih tûr le? Pathian ni lo thleng thuai tawh tûr thlîrin, nun thianghlim, Pathian ngaihsak nun chu kan neih a ngai ta a ni (*2 Petera 3:11, 12, NIV*).

Ngaihtuah Teh: Isuâ Lo Kal Lehna hi, kan zâa tân hian, kan thih hnû lawka thil thleng tûr ang a ni.

II. Rorêlna Atâna Lo Inbuatsaih Dân Tûr (*2 Petera 3:14–18.*)

Rorêlna lo thleng tûr atâna inbuatsaih tûra ngenna thûin Peteran a lehkhathawn a titâwp a. A lehkhathawn chhiartûte chuan “bawlhhlawh kâi lo leh sawisêlbo, Pathian nêna inrem” (*2 Petera 3:14, NIV*) nihna kawng chu an dap tûr a ni. Chutiang a nih loh chuan hun inher liam zêlah an beidawng mai ang, Pathian

dawhtheihna pawh chu mi tam thei ang ber chhandam A duh vâng a ni tih an hre ngêi bawk tûr a ni. Dân pawisa lotûte kalsualnaa hruai pên nih theihna lakah pawh an invêng fimkhur tûr a ni, chuti lo chuan Kristâa an dinhmun an tlûksan mai ang. Chutah, LALPA leh Chhandamtu, Isua Kristâ khawngaihna leh hriatnaah chuan an ðan zêl a ngai bawk.

Heta thusawi hrang hrang hi a lekhathawna Peteran a lo târlan tawhte sawi nawna a ni a. Helai a Peteran a sawi thar tâk deuh chu “kan ûnaupa duh tak Paula pawhin Pathianin finna A pêk ang zêlin in hnênah lekhathawn a ziak a. Hêng thûte hi sawiin, a lekhathawn zawng zawngah a ziak a ni,” (2 *Petera* 3:15, 16, NIV) tih hi a ni. Harsatna awm ta chu, Paula lekhathawnahte hian “thil hriatthiam mai harsa takte a chuâng a, Pathian Lekhathu dangte ngai kâwi a, an chhiatpui ta ðhîn angin, chûng chu mi fîng lo leh mi nghet loten an ngai kawî ðhîn” (2 *Petera* 3:16, NIV). Petera leh Paula hi an lekhathawn dangah chuan an inlungruâl viau a, an zirtîrna chu kohhran tâna thuneihna pai a ni tih an pawm a ni.

Ngaihtuah Teh: Petera leh Paula kha hun thuhmuna chêng niin, mimal tak pawhin an inhria a, zah pawh an inzahtawn hlê. Mi tam tak chuan ngaihdân leh rindân hrang kalpui ni âwm angin an ngai a; mahse Petera khân Paula leh a thuziakte chu a zahthiam hlê a, Pathian Lekhathu dang tlukin a ngai a ni. Petera lekhathawn pahnihte hian Pathian thu ngaihdân thuhmun an kalpui tih finfiahna enge a târlan?

Sawiho Tûr Zawhnate:

- ❶ Nuihsantu, “A lo kîr lehna thutiam chu khawiah nge?” titûte zawhna leh Thilsiamna leh Nova Tuilêt thû hian eng inkûngkaihna nge a neih?
- ❷ Peteran mei râpþhlâk hmanga hê thilsiam tihboralna tûr hi nun thianghlim leh Pathian ngaihsakna nun neihphahna tûra infuih nân a hmang a (2 *Petera* 3:11). Enge hetiang a tih chhan ni ang?

RAHBI 3-NA—NUNA BEL TÛR

Zirfirtûte Puâl: *Hebrai 11:6* chuan “rinna lo vin Pathian a tihlâwm theih loh, tû pawh A hnêna lo kal chuan Ani chu a awm tih leh, ðahnemngai taka Amah zawngtûte hnêna lâwmman pe ðhîn a ni tih rin a ngaih vâng a ni” (NIV) tiin a sawi. Pathian lakah hian mawh kan phur tih leh, sual chung a rorêna leh mi felte tâna lâwmman a awm tih kan rin loh chuan, Pathian kan rinna chhan tûr a awm lo, insawi fiahna tûr kan neih loh bâkah hmalam hun thlîr tûr kan nei dâwn sî lo va.

Ngaihtuah Teh:

- ① Petera sawi, ‘nuihsantûte’ chuan khavêl thil thleng hi lo thleng vê tûr rêng angin an ngai a, thil chu tlêm tlêma lo danglam hret hret, nasa taka thleng rup awm lo angin an ngai. Chutiang ang zâwn a ngaihtuahna pumpelch chu engati nge kan thlarau dinhmun atân a pawimawh viau?
- ② Mi ðhenkhat chuan rorêna lo thleng tûr hi nghâkhlel takin an thlîr a, ðhenkhat erawh chuan mei dîl kan ral chu an hlâu hlê thung. Rorêna lo thleng tûr ka thlîr dân chu engang nge ni a, eng vâng nge?

Tihtûr: In pâwlte chu *Malakia 4:1–3* chhiar rual tûrin sâwm la. Hêng châng a mi chi hnih leh duhthlan tûr pahnih a târlan chu sawi ho teh u. A khawi pâwlah nge i tel? A pâwl hnihna zînga tel tûrin kan tân eng lo thlen ngai?

RAHBI 4-NA—BORUAK SIAM RAWH

ZIRFIRTÛTE PUÂL: Kristâ lo kal mai loh chhan hi hriat awlsam a ni lo va, Petera chuan thlîr dân a zir niin a sawi a. Pathian chuan A lo kal hun nî leh dân a hriain (*Matt. 24:36*), “Lo kal tûra chu a lo kal thuai ang, rei a riâl lo vang” (*Hebrai 10:37*, NIV) tih a ni a, Pathian thlîrna aţang chuan tikhawtlâi a awm vê lo. Ellen G. White-i chuan, “Pathian thiltum chuan hmanhmawh luât emaw, khawtlai luât emaw a nei vê lo,” tiin a sawi.”—*Chatuan Nghahfâk*, p. 26.

Tikhawtlâi tih hi chu mihring thlîrna ațangin a ni mai a, keini hi chuan Pathianin hun A thlîr dâna kan thlîr vê loh vâng a ni. A lo kal lehna hi thleng thuai tûra kan beisei avângin, tikhawtlai angin kan ngai pawh a ni ang; mahse Pathian ruâhmanna chu a danglam chuâng lo. Lo kal thuai theih chu A duh ngêi ang, mahse lo inbuatsaihna tûra A hna min pêk kan la hlen loh avângin A lo la kal thei rih lo. Kan tih tûr kan hlen loh vâng Pathian chu meng phâwk a, A ruâhmanna tikhawtlâi ta chu a ni lo. Thil thleng tûr hi chu A hre lâwk vek tho a ni.

Tihtûr: Bible thlîr dân ațanga thlîr a, khawvêl hun hrang hrang thil thleng langsar deuh indawt târlanna lian tâwk siamin târ chhuak ta ula. Tûna keini dinhmun, khawvêl thilthleng leh hrihlhâwkna ațanga a lan dân, khawvêl tâwpa rorêlna lo thleng tûr atâna inbuatsaihna tûra Petera thuchah târlangin, in pâwl chuan sawi ho teh u. Rorêlna lo thleng tûr thuchah hi tûna keini tân pawha a pawimawh dân in sawi lang tel dâwn nia.

* * *



Châng Thlan: 2 Petera 3:1, 2, 17, 18.

Zirlaite Tân:

Hriat Tûr: Petera thu ziaha thupui hrang hrang lo langte târlan a, Bible bu dangte nêan inrem dân chîk taka ngaihtuah.

Vei Tûr: Kristaa chatuan nunna hriatna leh A lo kal leh thuaina tûr beiseina lo hlimpui.

Tih Tûr: Bumna laka lo invên a, chûng zirtîrnate zâra kan LALPA leh Chhandamtu, Isua Kristâ khawngaihna leh hriatnaa than zêl inphal.

Thupui Then:

I. Hriat Tûr: Isua Krista Laipua Neihna

- A. Engtin nge Peteran Isua Krista leh Bible chu a zirtîrna zawng zawngte laipua a hman?
- B. Engtin nge Peteran hêng thurin: Isua Krista rinna zâra thiamchantîrna te, tihthianghlimna leh tihropuina-te hi a zirtîrna hrang hrangah a zeh tel zêl?

II. Vei Tûr: Beiseina leh Hriatchianna

- A. Engtiang kawngtein nge Peteran a lekhathawn chhiartu, an rinna avângah hrehawm tuâr mêkte rilrûa beiseina leh hriatchianna a tuhsak thin?
- B. Rorêlna lo thleng tûr thlîrin, a lekhathawn chhiartûten eng chhâna nei tûrin nge a beiseisak?

III. Tih Tûr: Rorêlna Ênga Nungin

- A. Kristâ tlanna hnathawh khân ringtûin rorêlna a ngaihđanah engtianga awmze nei tûr nge ni?
- B. Pathian hmâa la insawi fiah tûr a ni tih ringtuin a hriatna hian, engtiang kawngtein nge Kristian nun kawng zawh tûr a thlan đanah awmzia a neih tûr?

KHÂIKHÂWMNA: Petera hian Kristian Pathian thu kalpui dân kawng ngâ târlan bîk a nei a, chûngte chu: 1) kan chhandam nâna Isua inhlanna laipua neihna; 2) rorêlna lo thleng tûr chhân nâna Pathian ngaihsak nun neih; 3) Kristâ lo kal thuaina tûra beiseina nghah; 4) Kohhran leh khawtlângah inawp fel hi Pathian ruâhmanna a ni tih leh, 5) kan nuna Bible thu pawimawhna a ni.

INZIRTÎR DÂN TÛR

RAHBI 1-NA—CHAWKPHÛR RAWH

Bible Châng Thlûr Bing Tûr: *2 Petera 1:2–4, 12–15.*

Thlarau nun thanna atâna thu pawimawh: Pathian chuan Amah leh ka LALPA Isua kan hriatna zâra kan nun leh Pathian ngaihsakna atâna kan mamawh tin rêngte min pe sâ diam a. Peteran min hriat nawntûr leh bawk chu: Ani chuan thutiam ropui leh hlu takte min pe tawh a, chutah chuan kan mihring rilru soal hneh theihna leh Pathian nihphung tawmpui tûra chakna a awm tih a ni.

ZIRTÎRTÛTE PUÁL: A theih chen chenah, tûn kêr chhûnga thupaia kan neih Pathian thu hlâwm ngâte kha rilrûah vawn zui ni se. Kristian nuntawng leh khawsak phunga Kristâ pawimawhna hi sengluh tum zêl ni bawk se. Kan thiamchanna atâna A inhlanna zârah Isua chu kan Entawn tûr ber a ni tih a târlang a. Rorêlna lo thleng tûr atâna inbuatsaih nân, Pathian chuan kan nî tin nuna thlianghlim tûrin min ko va. Kristâ lo kêr leh huna tihropuina tûr beiseina kan nei a. Pathian chatuan lalrama nung tûra inbuatsaih nân, kan khawtlângah leh kohhran chhûngah pawh fel taka nun dân tûr thupuite manthiam leh ataka kan nunpui a ngai. Heta tâna inbuatsaihna leh ataka hman tûr chu Bible hi a ni a, Kristian nun laipui a ni ngêi bawk tûr a ni. Chû chuan zirtîrtu der tam takte bumnaa hruai bona laka min vawng himin, Isuaa awm thutak chu rinawm takin kan vuân thei ang.

Hawn Nâna Tih tûr leh Sawi Ho Tûr: In pâwlte chu *2 Petera 1:2–4, 12–15* leh *3:1, 2, 17, 18* chhiar rual tûrin sâwm la. Asia Ram Tê (Asia Minor = tûnlai Turkey) chhûnga ringtu darhte hnêna lehkhathawn pahnih a ziah chhan Peteran a sawi chu sawi ho ang che u. Engtin nge a thil ziah chhan leh tûnkâr zirlaia târlan Pathian thu chi ngâte chu an inkûngkaih? Hêng Petera lehkhathawna thupui hrang hrangte thu hlâwm tâng tlâng an nih dân chu enge ni?

**RAHBI 1-NA—ZAWNG CHHUAK RAWH
ZIR ZÂUNA**

I. Chhandam Kan Nihna Man (*1 Petera 1:18, 19; 2:22–25; 3:18.*)

Tlanna tih ƣawngkam hi thil man leh sênso sawina lam a ni a. Mihring tlutâte tlan nân engang takin nge Pathian chu A insênso? A man lah hi tangka sum, rangkachak leh tangkaruâ hmanga pêk tlâk theih a ni sî lo. Dân chuan mi sual nunna a ngiat tlat a. Mi sual tlan theih dân kawng awm chhun chu nun âia nun hlan a ni. Chû zirlai chu Thuthlung Hlui biakbûk rawngbâwlna khân Chiang takin a zirtîr a, inthâwina berâm noin a entîr chu atakin Isuan a hlen ta a ni (*Johana 1:29; Thupuan 5:6, 9*). Mihring zawng zawngte man tlâk theitu awm chhun chu anmahni Siamtû nunna chiaa a ni bawk. A thisen hlu takin, Pathianin mihringte chu kraws-a Isuâ ânchhe dawn zârah (*Gal. 3:10, 13*) dân ânchhe lakah min tlan ta a ni. Chhandamna kawng dang rêng a awm lo.

Ngaihtuah Teh: Chhandamna man chu enge ni? Engati nge mihring zawng zawngte Tlanna man atân Krista chauh chu tling zo a nih?

II. Kan Chhandamna Chhâanna Chu (*1 Petera 1:13–17; 2:1, 2, 11, 12; 3:8, 9; 4:7–11; 2 Petera 3:11, 14.*)

Kan chung a Pathian zahngaihna kan chhân nân, hê khawvêla Pathian ngaihsakna nun neih, kan lo pian vê tâkna leh chatuana chên kan châkna lalram khawsak phungte ataka nunpuinaa A thianghlimna ƣawmpui châkna kan nei a. Pathian rorêlna leh hê kan tûn dinhmun leh sual chîm zawngte tihboralna kan hmachhawn dawn lai hian, kan nungchang zawng zawngah hian engang mî nge kan tih tûr tih ngaihtuahin, Pathianin min beisei ang hriatna chu kan nei tûr a ni. Thianghlim leh Pathian ngaihsakna nun nei a, ringlote tâna hmangaihna leh thil ƣa tih kawnga entawn tlâk ni tûra koh kan ni. Tichuan rorêlna nî-ah chuan, mawhchhiat tûr zawng lo vin, Pathian an châwimâwi thei ang.

Ngaihtuah Teh: Chhiatna râphtlâk tak lo thleng tûr chu thlîrin, nun thianghlim leh Pathian ngaihsak kawngah chuan engang mî ni tûr nge ka nih ang?

III. Kan Chhandamna Beiseina Chu (*1 Petera 1:3–9, 13; 5:4; 2 Petera 3:3–14.*)

Peteran ringtûte hmuh atân “beiseina nung,” rochan chhe thei lo, kan rinnain a tum ber, kan thlarau chhandamna chu (*1 Petera 1:3, 4, 9*) a târ chhuak a. He rochan tûr hi tâwpna huna Isua Kristâ lo lan hunah kan la chang ang tih a sawi a. Kristâ lo kal lehnaa beiseina kan neih ringhleh a nuihsantûte an lo la chhuak dâwn tho nân, tûna tihkhaw tlâi anga lang hi keimahnî lamin simna leh inbuatsaihna tûl ang kan la tih loh vâng zâwk a ni tih Peteran a sawi Chiang a. Kan chhandamna chungchâng kan ngaih pawimawh a, a tûl ang inbuatsaihna kan siam thlenga nghah rih chu Pathianin a thlang ta zâwk a ni. Kan nghahfâk hun chu a lo thlen hun chuan, nasa taka mei kâng nêen kan chênna lei leh vân tûn dinhmun hi chu nuai bo vek a ni ang. Hê thil râphtlâk tak lo thleng tûr hi ngaihtuahin, nun thianghlim, Pathian ngaihsakna nun nei a, chû hun lo thleng tûr thlen hmâtîr tûra tjan lâk pawh a ngai a ni.

Ngaihtuah Teh: Peteran a sawi “beiseina nung” chu enge ni? Engati nge Kristâ lo kalna chu tihkhaw tlâi anga a awm a, engtin nge kan tih hmâ deuh theih ang?

IV. Chunglam Thupêk Zuiin (*1 Petera 2:11–21, 5:1–5.*)

Pathian inawpna dân hnuai chatuana nung tûra ringtûte an inbuatsaih laiin, khawtlâng leh kohhran chhûnga inawpna atâna chunglam remruatna hrethiam tûra zir leh zawm a ngai. Pathian thupêk chuan sorkar leh inawpna dân thuneihnate a dinnghet a, sumdâwn leh inrawihna lam te, nupui-pasal inneih leh chhûngkua bâkah, kohhrana inlaichînna thlengin a huâm. A khawi laiah pawh hian Pathian kaihhruaina dân chu zâwm a,

hmangaihna leh zahthiamna nêna thuneitûte hnêna intukluh a ngai. Peteran inkûngkaihna eng emaw lai bîkte târlangin, chutianga intukluhna kawnga entawn atân Isua a târlang a, Ani kha chuan a vau lo va, a thungrûl ngai hek lo a ni.

Ngaihtuah Teh: Engtin nge khawtlâng leh kohhran chhûngah Pathianin inawpna dân A pêk hnuaia intukluhna hian, chatuana vânlam enkawlna dân hnuaia nung tûra min buatsaih?

V. Bible Pawimawhna (*1 Petera 1:10–12; 2 Petera 1:19–21; 3:2, 15, 16.*)

Peteran a lekhathawn chhiartûte chu Kristiante tâna thuneitu sâng ber chu Bible hi a ni tih a hrilh nawn leh a. Pathian Thû hi mihring tihchhuah a ni lo va, Thlarau Thianghlimin hmanrua atâna mihringte A hman zâra chunglam inpuanchhuahna lo thleng a ni. Thutak hnâr, rintlâk a ni a, hrilhlâwkna thlen famkimna huna chêngte hlâwkpui tûra chhinchhiah leh vawn that zui a ni. Thuthlung Hlui thûte ang tho vin, Thuthlung Thar lama tirhkohte leh zâwlnei (Paula-te ang) thuziak, Pathian tâna thû sawi a, a thuziakte pawh kohhrante zirtîrna atâna vawn that leh thehdarh hian thuneihna a nei vê tho va. Hmun thima khâwnvâr êng mîten an ngaihsak anga, kan thinlunga Isuan thuneihna a chan pumhlûm thlenga kan ngaihsak chuan kan ti thâ ang.

Ngaihtuah Teh: Engati nge Bible hi Kristian tâna Pathian thuneihna tâwp neitu a nih? Engati nge kan rinchhan ngam theih chhan tûr?

Sawihô Tûr Zawhnate:

- ❶ Thuthlung Thar lekhathawnte hi Pathian thu inzirtîr leh ataka nunpui tûra inzilh nân a ni ber. *1 & 2 Petera*-ah hian chûng thil pahnihte inchawih tâwk dân enge i hmuh?
- ❷ Engtin nge Petera lekhathawnte leh Paula lekhathawna Pathian thûte a inzûl dân?

RAHBI 3-NA—NUNA BEL TÛR

ZIRTÏRTÛTE PUÁL: Hê zirlai kan lo khâr dâwn tâkah hian, zirlaiten Petera lehkhathawn an zir ațanga an nun atâna țangkai tûra an ngaihte sawi chhuak tûra sâwm ni se. Chûng zîngah chuan thupui pawimawh deuh deuh pangâ, tûnkâr zirlaia târlan tawhte pawh kha a tel thei ang chu. Mahnî nuntawng ngêi atâna awmze nei deuh bik, thil pawimawh chu enge tih târlan țheuh ni se.

Ngaihtuah Teh:

- ❶ Ka thlarau nun atân Bible hian eng pawimawhna tak nge a neih? Thurin lâkna emaw, Isua Kristâ inpuanchhuahna emaw deuh mai nge, Amah hriaa hmangaih lehzual tûrin min hruai zâwk? I chhâna sawi fiah la.
- ❷ Engtiang kawngtein nge Isua Krista nêna kan inlaichînna hian mi dangte nêna kan inkûngkaihnaah danglamna a thlen? Engtin nge mîten keimahah hian Isua an hmuh dân?
- ❸ Rorêlna lo thleng tûr leh Kristâ lo kîr lehna tûr thû an puana ka chhâna chu enge ni? Ka hlâu deuh nge, kan beiseina lo famkimna tûr chu nghâkhlel takin ka thlîr zâwk? I chhâna sawi fiah deuh la.

Tihtûr: In pâwl member-te chu *2 Timothea 3:12-16* chhiar rual tûrin sâwm la. Timothea hnêna Paula thu hnuhnung leh, Peteran a lehkhathawn chhiartûte hnêna a thuchah hnuhnung inanna laite chu sawi ho ang che u. Eng thil nge an sawi uâr dun? An lehkhathawn chhiartûte tâna pawimawh nia an ngaih chu enge ni?

RAHBI 4-NA—BORUAK SIAM RAWH

ZIRTÏRTÛTE PUÁL: Pathian zirna hian nungchang danglamna a thlen tûra ngaih a ni a, chutiang a nih avâng tak chuan Thuthlung Thar zirtîrnate pawh hi ataka nunpui a ni tlângpui. Chûng thil pahnihte inzawmnate chu hmuh thiam a pawimawh a. Chutiang chu kan pâwl member-te pawhin an hmuh thiam nâna țanpui a, a țûl dân anga chêtui pawh a țûl ang.

Tihtûr: Lehkha phêk hlâiah emaw ðuâng hniha ziah chhuahna tûr siam la. Vei lamah *1 & 2 Petera*-a Pathian thu zirtîrnate ziah ni se. Ding lamah chuan ataka chêt-pui tûra Petera fuihnate ziak chhuak bawk la. Mimal leh a huhova chêt-na tûr chête in sawi ho dâwn nia.

2017 KUARTAR THUMNA ZIRLAI

Protestant khawvêl chu Protestant Siam-ðatna kum 500-na champhâ lâwm tûrin an inring a. Ani khân puithûna âthlâk leh thurochhiah hmanga kum za tam tak chhûng Bible thutak pawimawh up bo tawh chu mi maktaduai têlte hriat theih tûrin a pho lang a. *Galatia* (leh *Rome*) bûte a-angin Protestant hi a lo piang a tih theih âwm e. *Galatia* bû a chhiar laiin, “Rinnaa Felna” tih thû hian a vawi khat nân Luther a chu a khawih hlê mai a, hê thutak Protestant-ten an châwilâr tâk hian kum za tam tak chhûng kalsualna lakah mi maktaduai têt a tizalên ta a ni.

Hê lehkhâbûa Luther-a thil chhiar hian amahah danglamna a thlen a, chuta chin chu khawvêl hi a lo danglam zo ta a ni. Kum za eng emawti a lo liam leh hnûin, Seventh-day Adventist Kohhranin *Galatia* bu an zirna zârah, *rinnaa felna* thutak chu an hmuchhuak nawn leh a. Protestant Siam-ðatna ngulpui ni tûrin *Galatia* hi eng thu sawina nge maw ni rêng le? Kuartar leha kan zir ho tûr: “Galatia Bûa Chanchin T̄hâ” tih Carl Cosaert ziah hian, tirhkoh Paulan Galatia mîte chu Isua chung a rinawm tlat tûra a ngenna t̄awmpui tûrin min sâwm a. Chutih rualin, Martin Lutheran Rome a hransan tâkna leh Bible chanchin t̄hâ dinthar lehna kawng hawngtu, thutakte kan manthiam vêna tûrin kawng min hawnsak bawk dâwn a ni.

KUM 2017 - 3

Zirlai 1—PAULA: GENTAILTE TIRHKOH

Zirlai Thupui Then:

CHÂNGVAWN—“Chûng thû chu an hriatin an ngâwi ta a, ‘Chuti a nih chuan, Pathianin Gentailte pawh nung atân sim A phal ta a nih chu,’ tiin Pathian an fak ta a,” (*Tirhkohte 11:18*, NKJV).

Sabbath Thurohlû: Saulan a beisei lâwk loh ruâhmannate Pathianin a neihsak a. Isua chu Nghahfâk Messia a ni tih puân ngawt ni lo, Gentailte zînga kal chhuak tûr a ni.

Sunday: Kristiante Tihduhdahtu (*Tirhkohte 7:58*)

Thawhtannî: Saula Piantharna (*Tirhkohte 9:5*)

Thawhlehnî: Saula Damaska-ah (*Tirhkohte 9:10–14*)

Nilainî: Chanchin Thâin Gentailte Hnên A Thleng (*Tirhkohte 11:19–21*)

Ningânî: Kohhran Chhûnga Intihthiamlohna (*Tirhkohte 10:1–11:18*)

Zirlai 2—PAULA THUNEIHNA LEH CHANCHIN THÂ

Zirlai Thupui Then:

CHÂNGVAWN—“Mihring tihlâwm nge kan thum Pathian tihlâwm? Mî zînga tlâktlum tum ka ni em ni? Nî ila, Kristâ bâwih ka ni lo vang,” (*Galatia 1:10*).

Sabbath Thurohlû: Paulan Gentailte hnêna thuchah a puan chu, rinna behchhan chianin Kristian kohhranah an tel vê thei tih a ni. Zirtîrtu derten he mi thûa chona an siam khân, Paulan Galatia mîte hnênah lekhathawn a ziak ta a ni.

Sunday: Paula, Lekhathawn Ziaktu (*2 Petera 3:15, 16*)

Thawhtannî: Paula Koh A Nihna (*Gal. 1:1, 2*)

Thawhlehnî: Paula Chanchin Thâ Puân (*Gal. 1:3–5*)

Nilainî: Chanchin Thâ Dang A Awm Lo (*Gal. 1:6–9, 5:12*)

Ningânî: Paula Chanchin Tobul (*Gal. 1:11–24*)